

Handwritten text in a cursive script, likely Arabic or Persian, running vertically along the right edge of the page. The text is partially obscured by the binding and appears to be a marginal note or a continuation from the previous page.

TRIENNIIUM
SUPERIORUM REGULARIUM
Funiculo triplici
MENSURATUM

feu
SERMONES ASCETICI

pro Vigilia Nativitatis Dñi Nostri JESU
Xti, Renovatione Votorū Religiosorum.
Cena Dñi: pro Vigilijs item Festorū Bea-
tissimæ M. V. quæ ab Ecclesia cultu spe-
cialiori celebrantur, utrobique

TRINI

per

RP. BONAVENTURAM MERESS
S. Ordinis Monachorum S. PAULI primi
Eremitæ Monasterij Novitiatūs ad S. Bar-
baram V. & M. Czestochoviæ Priorem

ENUCLEATI

Annō, quō Nucleus Cælestis, amaritudi-
ni corticis naturæ humanæ, terminos
posuit 1775.

Typis Glari Montis Czestochoviensis
M DCC LXX VI.

Fili hominis speculatorem te
dedi domui Jsrâel, & audies de ore
meo Verbum, & annuntiabis eis ex
me. *Ezech.* 3. 17.

Bjg. Bien. B. II. 14

PRO.

PROTESTATIO

AUTHORIS.

UNica mea fore profiteor deside-
ria, ut nè in minimo etiam,
contraveniam, quæ Sancta, Roma-
na, Catholica, & Apostolica Eccle-
sia hucusquè præscripsit, & in futu-
rum præscribet; eatenus præsens O-
pusculum illius altissimo Judicio
(quod profundè veneror) subster-
no: in quo quidquid approbaverit,
ego quoquè approbo; quidquid re-
jecerit, etiam ego rejicio.

Fr. Bonaventura.

*P. P. Eremitarum Carmel. Julen-
Eremi Vigrensis.*

J. M. M. M. M.

FACUL-


FACULTAS

REVERENDISSIMI PATRIS GENERALIS PRÆLATI INFULATI.

Opus asceticum à RP. Bonaventura Meres Ordinis nostri professo conscriptum, & à binis Censoribus Theologiæ Doctoribus per nos ad hunc finem Nominatis probatum, ut pro Spirituali Regularium profectu Typis vulgari possit, facultatem (quoad in nobis est) harum tenore concedimus in Nomine Domini. Viennæ 2. 8bris 1775.

PAULUS PRIOR GENERALIS

mpp.



CENSURA THEOLOGORUM ORDINIS.

Mandatis Reverendissimi Patris Pauli Eszterhazy Ordinis Nostri Generalis, Commissarij Apostolici, Prælati Infulati, S. T. Dis Satisfaciendo: Librum cui Titulus *Triennium Superiorum Regularium* viginti septem asceticos complectentem Sermones, opera & labore RP. Bonaventuræ Meres Monasterij Novitiatûs ad S. Barbaram Virg. & Martyrem Prioris digestum, legi & examinavi, Ubi cum nihil Fidei, ac Ecclesiæ sensui adversum cognoverim, quin-

imo

nimo Religiosum Authoris zelum, ac pium cun-
ctos nonnisi ad profectum & Spiritum Regula-
res ducentem observaverim conatum Proinde
(Salvo jure Ordinarij) præfatus Liber ut ty-
pis mandetur, judicio meo comprobo. Dat.
Częstochoviæ in Monasterio ad S. Barbaram
Die 31. Augusti, Annô 1775.

Pr. Georgius Miroszewski Ords S
Pauli pr: Eremiæ Provinciæ Po-
lonæ Vicarius S. T. Dr.

mpp.

AD Mandatum Reverendissimi Patris Pauli E-
szterhazy, Generalis Ordinis Nostri, Præ-
lati Insulati Librum cui Titulus: *Triennium Su-
periorum Regularium &c. elaboratum Operâ RP.
Bonaventuræ Merefs Monasterij Novitiatus ad
S. Barbaram V. & M. Prioris perlegi: Nihilq;
in Eo Fidei contrarium, imò omnia consona
sensui S. Ecclesiæ contineri depræhendi. At
insuper hos Sermones Asceticos Superiorum
Regularium magnæ commoditati, Spiritualiq;
Utilitati multum deservire censeo: Quare ut
præfatum Opus Typis mandetur dignum judi-
co: Salvo consensu Eorum Quorum de Jure &c.
Datum in Monasterio Novitiatus Częstochoviæ
ad S. Barbaram V. & M. A.D. 1775. Die 22.
Augusti.*

Fr. Raphaël Psarski Ejusdem Ordinis
S.T.D. Supprior & Magister No-
vitorum.

mpp.

APPROBATIO
CENSORIS ORDINARIJ.

Ternos in Vigiliis Festorum Salvatoris & Beate Sermones, doctissimo calamo A.R.P. Bonaventuræ Meresi Prioris Conventus Monachorum S. Pauli primi Eremitæ ad S. Barbaram Clari Montis elucubratos, vidi, legi, examinaui; omnia & fervorem spiritus religiosi Authoris sui declarant & solidam eruditionem cum pietate conjunctam prædunt. Nihil verò in ijs reperi, quod Sacro Sanctæ Fidei Orthodoxæ Romanæ, aut bonis moribus adversum sit. Opus ut lucem publicam videat, dignum censeo. Datt. in Collegio Majori Universitatis Cracoviensis Annò Dni 1775. Die 8va Mensis Novembris.

M. JOSEPHUS ALOYSIUS PU-
TANOWICZ S. Thæ Dr. &
Professor, Eccl. Cath. Plocensis
Canonicus, Colleg. SS. OO. Præ-
positus Paroch. Opatovecen. Cu-
ratus, Librorum in Diæcesi Crac-
Censor *mpp.*

Ad Candidum

Lectorem.

MEmeni me iam Tibi innuisse Can-
dide Lector in Præfatione ad
Te, Opusculi, cui Titulum præfixi:
Holocaustoma Medullatum &c. oti-
um diaboli pulvinar fore; hinc, quod
mibi ab alijs, superfuerat temporis,
lubens illud præsentì Opellæ, Tuæ
commoditati studens, & fortè satisfa-
cturus, impendi. Complectitur Ser-
mones pro Vigilia Nativitatis D. N.
J. C. Renovatione Votorum, Cæ-
na Domini: pro Vigilijs item Festo-
rum Beatissimæ Matris, quæ ab Ec-
clesiæ solemniter celebrantur, utro-
biquè trinos, & succinctos.

Loquantur alij (verba sunt D.
Legislatoris nostri Augustini l. 4. de
doctr.

doctr. Christian.) meros flores, & folia, ego *humili stylo*, & *tenui modulor avena*: ita tamen, ut si tuo spiritu, qui duntaxat decet Religiosum, anime-
tur, vincet teste Martiali l. 7. Epig.
3. *avena tubas*.

Et dum Zoili dentes, Momi oculos, Mastigophori manus perhorresco, occurrunt verba Sedulij in Bibliotheca PP. l. 418. Proferant sua, si qui carpere nituntur aliena. Promptius est judicare, quàm facere, & de castrensi munimine pericula securo vultu conspicere. Vel strictim illud Marcialis l. 1. epig. 92. ad Lelium: Carpere vel noli nostra, vel ede tua.

Interim Te optimè valere cupio, qui, quæ potui, scripsi, Tuus cæterokin. totus.

Fr. Bonaventura.

Sermo



Sermo I. pro Vigilia Na- tivitatis Domini no- stri JESU Christi.

*Evangelizo vobis gaudium magnum,
quod erit omni populo. Luc. cap.
2. v. 10.*



Si quando , tunc certè
luce hodierna mini-
mè fas est locum tri-
stitiæ fore; equidem gaudia nobis
A cæli-

■
cælitus nuntiantur; lætitia imperatur.
Evangelizo vobis gaudium magnum,
quod erit omni populo. Apropinquat
jām natalis vitæ; non longè abest
dies redemptionis novæ, reparati-
onis antiquæ, felicitatis æternæ: cra-
stina die per totum mundum melli-
flui facti fient cæli; delebitur iniqui-
tas terræ, & regnabit super nos Sal-
vator mundi. Quod pro more, ut
affolet, D. Legislatoꝛ noster Augu-
stinus expendens in subsequa meritò
prorumpit verba: Dulcis dies, verè
dulcis dies. & cunctis pœnitentibus ve-
niam portans. Promitto vobis filioli,
& certus sum; quia in hac die si quis
ex corde pœnituerit, & ad vomitum
peccati reversus non fuerit, quodcun-
què petierit, dabitur ei: tantum in
fide non dubitet. Hodie totius mundi
peccatum tollitur, & pœccator despe-
ret.

ratur. *ret* ! Ita Augustinus serm: 3. in Nat.
num, D. nobis verò quibus potissimum
quat de fontibus lætandum, exultandum-
best vè, prælenti adducam discursu. A.
rati M. D. G.

2. Primum fontem lætitiæ, &
 exultationis crastina nobis aperit
 dies; quia in illa nascetur nobis Re-
 demptor, qui exvinculabit nos de
 durissima antiqui illius serpentis, ser-
 vitute capitalis humani generis
 hostis dæmonis n e m p e & pec-
 cari. Etverò: nonne lachryma-
 bilis fuit olim Gentis illius Hebrææ
 servitus in Ægypto, quâ à Rege ty-
 ranico præmebatur & opprimeba-
 tur operibus luti, & laterum facien-
 dorum, non solum, sed & palearum
 conquirendarum; mercedis verò
 locò sæpius objurgabatur, in fineque
 laboris crebrò flagellis cædebatur!

Plus dicā: O quā̄m difficile erat tolleratu, dū masculi illius à Pharaone singuli, & singuli jugulabantur; necabantur; occidebantur edictō latō! Atque adeò quemadmodum gens illa Hebræorum in tantis suis afflictionibus sinè intermissione cælos pulsabat, ut tandem ab illis liberaretur, nequē in cassum; enimverò liberatorem, seu, ut Proto-Martyr Stephanus Act. 7. 35. inquit, *Redemptorem Moysen cum manu Angeli, qui apparuit ei in rubo*, obtinuit, per quem de illa miseriæ spelunca mirabili DEI potentia educta est; ita evenit generi humano, imò felicius, fortunaciusquē multò. Posteaquam enim vidit DEUS ærumnas illius, gemitusquē, & clamores illorum veterum patrum *Rorate cæli de super, & nubes pluant iustū*, audivit, cogitans cogi-

cogitavit, ut quem condiderat salvaret per Filium suum, eriperetquē non de laterum fornace, & officina, ast de fornace gehennæ; non de corporum, ast de animarum captivitate. Quod ipsum est, quod Prophetā Domini Isaias cap. 52. v. 4. olim vaticinabatur dicens: *In Ægyptum descendit populus meus in principio, ut colonus esset ibi; & Assur absquē ulla causā calumniatus est eum.* Moxquē versu videlicet subsequo addit: *Et nunquid mihi est hic, dicit Dominus, quoniam ablatus est populus meus gratis? Dominatores eius iniquē agunt dicit Dominus, & iugiter tota die nomen meum blasphematur.* Jam verò v. 6. taliter concludit: *Propter quod sciet populus meus nomen meum in die illa: quia ego ipse, qui loquebar, ecce adsum.*

Jam

Jam nunc pensandum venit, quam lætandi causam hodie habemus, cum jam non longè absit, quem proni adorabimus Liberatorem nostrum, qui pectus suum opponet, ut eruat nos de potestate dæmonis, ipsumvè in abyssum demergat profundi sempiterni.

3. Secundum fontem lætitiæ, & exultationis crastina nobis præbet dies; quia in hac nascetur nobis fideiussor, qui omnia nostra debita, & quoscunque demum pænarum reatus in se suscipiet gratosè, dirè in corpore suo luiturus. Revera nuspiam tale, aut huic simile in ante beneficium terra vidit. Nam quis dicet, eum, qui ex carcere, aut captivitate dimittitur, eò ipsò ab omni debito liberum fore? aut lytrum solvere cogitur, impensas, & damna resar-

uan-
 mus,
 quem
 a no-
 t, ut
 nis,
 pro-
 tia,
 præ-
 obis
 dita,
 a re-
 è in
 uspi-
 be-
 e di-
 pti-
 mni
 sol-
 nna

resarcire. Cogitemus quantò gau-
 diò perfunderetur vir cæteroquin
 honestus propter debita in vincula
 conjectus, si se illi offeret talis, qui
 omne illius debitum in se susciperet
 ex suo soluturus, sed procul, & de
 ultimis finibus pretium ejusmodi
 benefactoris. Ast Filius DEI à nobis
 expectandus non tantum nos erri-
 piet è carcere tenebrarum, verum
 etiam, in se suscipiet pænæ nostræ
 reatum. E! quis erit, qui tam gra-
 tum nuncium animò non suscipiat
 lætò? Enimverò: *Unusquisque no-*
strum, ut benè advertit antiquissi-
 mus ille Scriptorum Origenes hom.
 13. in Gen. *in his, quæ delinquit, de-*
bitor efficitur, & peccati sui literas
scribit: atque adeò tamquam per chi-
 rographum se ultrò citroquè ad o-
 mnes pænas obligat DEO. Ille au-
 tem,

tem, qui veniens veniet, & non tardabit, cujus manè gloriam spectare nobis licebit, Christus JESUS, veniet donans nobis omnia delicta: delens quod adversum nos erat chi-rographum decreti, quod erat contrarium nobis, & ipsum feret de medio, affigens illud cruci, & expolians principatus, & potestates, traducet confidenter palam triumphans nos in semetipso. Coloss. 2. 13. & sequ. Aurò cedròquè quidem notanda Hadriani Imperatoris liberalitas, cujus meminit Pontan. cap 3. de liberal. quando 27. milliones populo Romano, quos privatis debitoribus, nonnullisque Provincijs fiscò debebat, condonavit, & insuper illius syngraphas, nè aliquando repeterentur, comburi curavit spectatore assistente in Traiani foro. Verùm debitum hoc-

hocce pecuniarium erat, quod illius tantum fortunas tangebatur, non verò sanguinem expolcebat, poteratque sensim, & sensim pacificari: ast non illò modò debitum apud DEUM contractum peccatorum, quod nullus solvere valet, & vitam concernit. Cras itaque veniet talis, qui valebit hoc debitum remittere toti mundo, ignequè charitatis suæ syngraphas omnes comburere, atque in publico Calvariæ monte affigere cruci.

4. Tertium fontem lætitiæ, & exultationis crastina nobis aperit dies, quia in illa nascetur nobis Medicus cælestis, qui cunctas infirmitates nostras sanabit, curabitque cum efficacia, quoties in illas passi fuerimus recidivam: sanabit absque prætensione mercedis, absque cruciatu,

ciatu, absquē uestione, scissione, vel
 amara potione, absquē ulla deni-
 quē dubitatione, absquē mora, abs-
 quē hæitatione. Quis jam nunc æ-
 ger ad talis medici adventum læti-
 tiæ, & exultationis melos non du-
 cet? animum non excitabit? Illum
 ipsum medicum luce crastina præ-
 stolamur venturum, qui apud suum
 Evangelistam Matthæum cap. 9. v.
 12. dicit: *Non est opus valentibus*
Medicus: & apud Lucam cap. 4. v.
 23. *Medice cura teipsum.* Hic, hic
 Medicus cælitus nobis dandus sin-
 gulos animæ nostræ morbos sanabit
 non semel duntaxat, sed toties,
 quoties in illos fuerimus relapsi; &
 quidem suis sumptibus nullatenus
 verò nostris, sanguine videlicet suo
 pretiosissimo, dummodò ei nos cu-
 ran.

vel
 leni-
 abs-
 c æ-
 lati-
 du-
 lum
 præ-
 um
 o. y.
 ibus
 a. y.
 hic
 fin-
 bit
 es,
 ; &
 nus
 suo
 cu-

randos fideliter concredamus. Re-
 vera posteaquam Antonius Musa
 Medicus peritissimus, Orbis univer-
 si caput Romam (ubi in ante 400.
 per annos ullus medicus reperiēba-
 tur) venit, & ipsum Augustum Im-
 peratorem, aliosquē feliciter cura-
 vit non mediocriter honoratus fuit:
 donarij enim locō datus ei fuit an-
 nulus aureus insigne nobilitatis; ere-
 ctus, dedicatusquē fuit in gratiam
 illius colossus alabastrinus in foro;
 exemptus deniquē illicō fuit ab o-
 mni onere civili, multâquē pecuniâ
 locupletatus. Potiori nos venerati-
 one nostrum Medicum suscipere
 debemus venturum, qui utpote nul-
 lum ab exordio mundi hucusquē
 habuimus talem, qui langvores no-
 stros portaret, & dolores nostros
 ferret Maximum olim Divinæ pie-
 tatis

tatis argumentum, quum **Isaias** **DEO** jubente venerit ad **Ezechiam** Regem à morbo lethali sanandum; majus adhuc, quod **Raphàel** Archangelus ad **Tobiam** missus sit, à cæcitate curandum; ast tametsi cuncti Angelorum chori ad ipsum directi fuissent, neutiquam tantum fuisset, quantum est ipsum Regem Angelorum ad nos venire.

5. Quartum fontem lætitiæ, & exultationis nobis crastina eruit dies, quia in hac accepturi sumus alitorem, & Patrem familias illum, qui in via virtutum nos confortabit, & saturabit pane, non tam terreno, quam cælesti, qui erit partim verbū **DEI**, partim insignia, utinam ab omnibus imitanda virtutis omnimodæ exemplorum specimina, quæ in illo, & sequacibus ejus ut nitida
cry-

cryſtallus elucebunt: partim Sacra-
 menta, ſignanter Auguſtiſſimum E-
 uchariſtiæ Sacramentum. Et quis
 jam abſquè hoc pane ſuſtinebit ita,
 ut non deficiat in via perfectionis?
 Providit quondam Joſeph Ægypto
 per ſeptenium fame laboranti panē,
 adjacentibusquè Provincijs, & hanc
 ob cauſam *Salvator mundi* meruit
 audire, & promulgari, veluti legere
 eſt Gen. 41. 45. Expreſſus erat in
 Joſeph, Chriſti, quem venturum
 læti præſtolamur, typus, qui non
 jam unius Ægypti, & vicinarum re-
 gionum erit Salvator veriſſimus, aſt
 totius mundi: cui quoquè aptiſſimè
 conveniet nomenclatura, quam in-
 nuit S. Codex de Joſeph pronunti-
 atam à præcone clamante *Abrech*,
 quod idem eſt ex Ægyptiaco, ac
flecte genu: Hebraica autem verſio
 juxta

juxta Dalmatam purpuratum D. Hieronymum vult intelligere *tenerum Patrem* Et quis (amabo) est iste *tener Pater*, si non nasciturus Christus infans, eapropter luci in Ægypto dandus, hoc est, in domo panis; equidem mundum saturabit, & ex omni implebit panibus parte, constituetquē Ecclesiam domum panis qui & in præsepis reclinabitur, ut non iustorum solum, ast peccatorum quoquē tamquam brutorum panem se fore indigitalet. Eapropter si post longiorem famem abunda panum subministratōne seu per messē, seu per alia subsidia, sublatam, & abolitam populus in lætitiā solet effundi, eō æquiū hōdie nobis jubilandum ob iminentem tanti Salvatoris adventum, qui non moritura corpora, ast immortales animas cælesti

lesti pabulabit pane. Verbô, ut
 complectar plura, die crastina na-
 scetur nobis *Princeps pacis*, qui pa-
 cem adferet mundo: *Rex pacificus*,
 prout in Vesperis hodie canet Ec-
 clesia, *cuius vultum desiderat uni-
 versa terra*. Nihil ferme magis optat
 sibi mundus, quàm unicam pacem.
 Enimverò canit Pòeta: *Nulla salus
 bello, pacem te poscimus omnes*. Istam
 ei secumferet venturus Messias, de
 quo Genij illi annuntiabunt cælestes:
*Gloria in excelsis DEO, & in terra
 pax hominibus*.

6. Crastina, inquam, die, na-
 scetur nobis Servator ille, qui post
 hujus miseri sæculi æumnas serva-
 bit nos ab interitu, & perducet sal-
 vos, & incolumes ad vitam beatam,
 & æternam. Ultra quod nîl video
 ampli-

amplius restare. Quis enim omnium nostrum principalior, & specialior finis, præterquam, ut olim ab omni miseria soluti æternum felices inveniamur? En jam prospicit per cancellos, qui nobis hoc beneficiū præstare & poterit, & desiderabit. Fuit quidem olim Noë consolator, & Servator quidam generis humani, dum in arca sua, vel in octo personis id servavit, at ad vitam duntaxat miseram solummodò, & temperalem; venturus verò noster Servator ita nos servabit, & salvabit, conservabitquè in Ecclesiæ suæ Arca, ut nequaquam mortem videamus æternam; imò potius ad vitam in ea transferet, & transvehet omnibus bonis abundantem, singulis malis carentem. Quamvis enim verò defacto habitemus in corpore mortali,

*tali, scimus nihilominus quoniam si
terrestris domus nostra huius habi-
tationis dissolvatur, quod ædificatio-
nem ex DEO habemus, domum non
manu factam, æternam in cælis, in-
quit Doctor Gentium Paulus 2. Cor.
5. 1.*

7. Modò jam nihil restat,
quàm, ut raminemus tantisper quan-
tas, quamq; multiplices habeamus
lætitiæ, & exultationis rationes luce
hodierna. Revera vel una sufficiens
esse deberet ex allatis ad choros in-
stituendos, & æviternas DEO gra-
tias referendas: ast quoniam nos tot,
& tantis gratijs celebrandis mini-
mè sufficientes sumus, invitemus ad
supremi Numinis laudes nobiscum
decantandas imprimis illos cælestes
Spiritus, quorum fratres cras esse
incipiemus, deinde creaturas uni-

versas , dicamusquè : *Benedicite omnia opera Domini Domino, laudate, & superexaltate eum in secula seculorum. Amen.*

Sermo II. pro eadem Vigilia.

Omnes, qui audierunt mirati sunt.
Luc. 2. 18.

1. **C**OGITANTI mihi præsentem ordini sermonem occurrit visio illa facta de nocte Prophetæ Daniëli , quâ datum illi fuit aspicere venientem cum nubibus cæli tamquam filium hominis, & quidem ut notat Chaldaicus textus, Kebar enos, id est, ut exponit Cor. à Lap. tamquam filium hominis miseri, ærumnosi, morti obnoxij, & relictî omni oblivioni. Ast ubi hic pervenit
ad

ad antiquum dierum, oblatusque fu-
 isset eidem, data est illi illico pote-
 stas, & honor, & regnum, quod
 non corrumpetur. Qua visione tan-
 tus stupor, horrorque invasit dictū
 Propheten, ut diceret: *Horruit spi-
 ritus meus, ego Daniël territus sum
 in his, & visiones capitis mei contur-
 baverunt me.* Dan. 7. 15. Itaque ac-
 cessit ad unum de assistantibus, &
 veritatem quæsit ex eo de omni-
 bus his diligenter. Atque adeo quæ
 Daniël tam longè prævidit tanto
 cum timore, & stupore, eum crasti-
 na luce intuebimur palam, DEI fi-
 lium de cælo venientem, ast nubi-
 bus carnis humanæ obvelatum, quin
 imò & miserum, ærumnosum, mo-
 riturum, atque in stabulo Bethleem
 traditum oblivioni. Quis hîc hor-
 rore, & stupore non corripiatur au-

diens DEUM abjectum, pauperem, contemptum, oblivioni datum, jacentem in præsepio, pannis involutum? Quis non miretur, prout defacto omnes miramur, nequè sufficienter demirari valeamus? Eapropter quemadmodum memoratus Domini Propheta accessit ad unum de astantibus, & veritatem illius apparitionis inquisivit; taliter nos faciemus, conveniemus astantes ad præsepe Christi, & indagabimus rationes quatenam tam pauper, & specie abjecta ad nos venire intendat? A. M. D. G.

2 Quæ ratio quòd adeò pauper, & specie prorsus abjecta ad nos venire intendat Verbum illud Theandricum Christus JESUS, inquiramus ex Maria, & Josepho, & ab his aliud certè haud accipiemus
respon-

responsum, quàm sic cum venire
 intendere, ut pauperibus solatium
 ferat. Enimverò pauperes in mun-
 do, olim præsertim, deſpectui, &
 probro erant homines inter, uti &
 ipſa paupertas, adeò quòd mundus
 illa ſeduceretur opinione, pauperes
 nequaquam à DEO curari. Qui ta-
 men error graviffimus eſt; cùm
 pauperes ad mundi conſervationem
 omnino neceſſarij ſunt in numero
 maximo quidem, nequè remiſſio-
 rem curam habet ſupremum Nu-
 men pauperis, quàm divitis Pſalmi-
 ſta Pſal. 10. 5. atteſtante, & dicente:
Oculi eius in pauperem reſpiciunt,
 inveniunturquè ordinariè minùs præ
 divitibus vitijs implicati. Quia
 proin tali pauperes ſubjacent cryſi,
 ideo DEI Filius eligit pauperes pa-
 rentes, & pauper fieri vult, ut de-
 tur

tur nobis nôsse pauperes haud spernendos, imò potius honore prosequendos, ac fovendos, nequè paupertatem fore probrum, aut pœnam à DEO inflictam, ast ipsum exercitium virtutis. Hinc jam pauperes è priore luto, & sordibus suis emergere, & in honore esse incipient, adeò quòd pleriquè, imò plurimi nobilissimâ etiam prosapia prognati ad imitationem Christi spretis facultatibus suis amplectentur paupertatem. Eatenus pauperibus pastoribus adventus sui gaudium intimari jubebit Christus, eosquè præ Regibus ad præsepe suum vocari. Sic nimirum implebitur, quod Sanctissima Mater ejus cecinit: *Deposuit potentes de sede, & exaltavit humiles.* Luc. I. 52. Quò autem pactò id efficiet?

ciet^r paupere habitu, & statu per ipsum assumpto duntaxat. Hinc per ipsam adeò assurgent pauperes, ut jam in honore sint tamquam aulici Christi, in quibus ipse latebit.

3. Inquiramus ex stabulo cur Christus tam pauper ad nos venire intendat, & hoc ex templo responsum nobis dabit, sic eum venire intendere, ut mundum à via perditionis revocaret. Videt ergo DEI Filius è cælo, homines non quærere nisi comoditates suas, carni, & sanguini arridentes, ut splendide habitent, niteat supellex, mensa habeat lepores; diu, suaviterquè dormiant; numum numo addant, curent favores, & honores, contraria his perhorrescant, fugiantvè. Quid itaque Christus? contrariam omnino viam arripere; ad stabulum divertere, &

ea,

ea, quæ mundus horret, & subterfugit amplecti: humilitatem, patientiam, paupertatem, vitæ asperitatem; ut hoc exemplo suo nos ad sui sequelam, & tutiorem salutis viam alliceret, in votis habet. Etenim quæadmodum S. Athanasius ab Alexandria exul prospero ventô per flumen Nili navigans quum conspiceret insidiatores post se missos jam jam adesse, sequè in periculo una cum navi versari, navim invertit, & retrogrado, contrarioquè cursu, ac flumine adverso insidiatoribus obviam venit, taliquè modo se, vitamquè suam salvavit: non aliter quoquè Christus facere intendit, equidem videndo in mundo secundo prosperitatum flumine summopere periclitari, & in salutis, homines incidere, prædones; viam mundo con-

tra-

trariam eligere parat, adversum navigandi flumen assumere intendit, ut nos ildem arripere edoceat, iter.

4 Indagemus ex præcipi, quarenam Christus tam pauper, & miser ad nos venire intendat, & dicet nobis, ut humilitatem, viam duntaxat cæli, nobis in aperto monstraret. Fateor. ego quidem hocce naturam dedisse generi humano parentem, quod semper ascendere conetur; quia videlicet animum cælestem, ad alta, & ad æternam felicitatem natum habet: ast hanc nequaquam quærit viâ rectâ, sed deviâ prorsus, dum videlicet appetit honores, titulos sollicitè quærit, alios cubito trudit, ut se introtrudat, quo alijs pluris habeatur. Et taliter ventum sequitur, & confusionem, curisque potius submittit cervicem, quam feli-

felicitati. Verbum proin DEI Incarnatum viam nobis ad illam felicitatem æviternam volendo demonstrare, en ubi primò figet pedem? non in Imperatoris, Regis, aut Principis cujuspiam palatio, sed in præsepi bovis, & asini disco. Et quis in posterum audebit sapere altum, dum cernet Filium DEI taliter humiliatum? quis non eliget recumbere in novissimo locò, cum DEI Filius in vilissimo reponetur? Revera ab hinc nobis pro quotidiana Tesserà verba Abbatis illius Claravallensis Bernardi, quæ ille habet serm. 1. super missus est, meritò assumenda, & frequenter usurpanda: *Erubescere cinis, DEUS se humiliat, & tu te exaltas!*

5. Quid putamus nobis responsurum fœnum si illud interrogaveri-

verimus curnam tam pauper ad nos
 venire intendat DEUS ! certè &
 hoc assèret, ut nos doceat contem-
 ptô mundô imundo, falaci, & per-
 verso sectari virtutem Porro uite-
 ni significatum habere volumus: en
 Domini Propheta Isaias cap. 40. 7.
 6. & 7. inquit: *Omnis caro fenum,*
& omnis gloria eius quasi flos agri.
Exsiccatum est fenum, & cecidit flos.
 Quod ipsum clamabit Christus in
 præsepi, dum in substrato sibi fano
 repositus premet, & calcabit omnia,
 & singula mundi bona; honores, o-
 pes, voluptates, potentiam, veit
 inania, & fluxa bona, quæ hodie
 florent, cras secantur, aut per se a-
 rescunt, & in clibanum mittuntur;
 insimul quoquè virtutes solas, ac
 merita tamquam vera, & solida bo-
 na conquirenda; humilitatem deni-
 què,

què, patientiam, obedientiam, abstinentiam, mortificationem docebit sectandam. Enimverò si non præfata, aut illa solida, & vera forent bona, revera cælicus ille mercator his relictis illa sibi compararet absquè dubio omni. Sternet ergo ita humiliatus, & proscribet mundum cum concupiscentijs suis ad eum prope modum, quò Rudolphus Imperator quondam sub vili, & abjecta sua veste virtutem gestans, stravit, & confudit Ottogari superbiam Bohemorum Regis. Iste namquè dum fati Rudolphi vestem illam humilem splendidè ornatus cum suis sæpius derisui habuisset, factum, ut à Rudolpho bellò victus regnò exueretur. Quò, ut iterum potiretur, coacto ad se venire Imperator sæpe.

sæpe objicit : *Hæc mea vestis toties derisa, deridentem deridere debet.*

6. Quæramus tandem ex panis cur tam pauper ad nos venire gestiat DEUS, & hi reponent profectò, ut amorem suum erga genus humanum in aperto monstraret. Et-
verò coaluerat olim amicitia Jonatham, & Davidem inter fortunâ impares omnino. Equidem Jonathas filius Regis Saul, videndo Dominum esse cum Davide: *Dilexit eum sicut animam suam.* 1 Reg 18. 3.
Quò vero firmior, & sincerior amor foret filium Regis, & pastorculum inter, quid Jonathas agit? non pecunias, aut quidpiam simile his dorò cedit Davidi, sed vestibus proprijs usquè ad baltheum, militum insigne, se expoliat, illasquè largitur suo Davidi. Non mediocrem videmus

omnes

omnes inter DEI Filium, & genus humanum disparitatem, tanto nihilominus erga id fertur amore, ut se gratiâ eius exspoliare, nec nisi vires periculosas sibi retinere; suas porro vires, sapientiam duntaxat, mercedem, gratiam, gloriam usquè ad balthum id est, ad sui derisionem, & contemptum transcribere paret. Quare non immeritò S. Thom. Vill. conc. 3. de adv. Dom. subinfert dicens: *Hic hominis amor violentus celum invasit, paradisi atrium potenter irrupit, omnipotentem DEUM carneis vinculis alligavit, universa eius abstulit arma, & spolia eius distribuit, divitias eius immensas hominibus dedit, & ipsum Maiestatis Dominum - - - ligatum hominibus mancipavit.*

7. Jam: quis hîc amore Christi,

3^r

sti, in reciprocum amorem illius
non exardescat! quis non liquefiat
amore! *Quò pro me vilior, eò mihi
charior est*, inquit de illo Melleus
Doctor D. Bernardus serm. 1. de
Epiphania. Quod ipsum & nos re-
plicemus: Quò vilior nostri amore-
à nobis expectatur venturus, eò a-
pertiori pectore illum suscipiemus,
eritquè nobis charior, & manebit
semper. Amen.

Sermo III. pro eadem Vigilia.

Verbum caro factum est. Joann. 1. 14.

1. **V**ERBUM DEI, de quo Apoc.
19. 13. Sapientia Patris de qua
1. Cor. 1. 30. splendor Divinæ glo-
riæ, figura substantiæ ejus, de qua
Sap. 7. 26. Unigenitus DEI Patris
Fi-

Filius ab æterno, & usquē in æternum, primogenitus omnis creaturæ de quo Coloss. 1. 15. Verbum inquā DĒI non factum, sed per quod facta sunt omnia, & sinē quo factum est nihil, hodie Caro factum est. Invisibile factum est visibile, imò palpabile, æternum, factum temporale; immensum factum est pusillum, parvulus enim natus est nobis. Verum illud, cujus immensitatem mille orbis, aut cæli capere non poterant, Dominus super terram abbreviatum fecit. Omnipotens ille sermo, qui cuncta in cælo, & terra creavit, nostra circumdatus est infirmitate. Immortalis factus est mortalis; maximum Numen, minimum nomen. Mirabile mysterium! & cur ita factum est? præsentī demonstrabo discursu. A. M. D. G.

2. Quòd

2. Quòd Verbum Divinum
adeò sit abbreviatum, principalis
causa est, ut loqueretur nobis, quē-
admodum Scriptura ait Hebr. i. i.
& 2 *Multifariam, multisquē modis*
olim DEUS loquens patribus in Pro-
phetis, novissimè diebus istis locutus
est nobis in filio, qui, ut hominibus
loqueretur, homo factus est, ut ho-
mines ex eadem carne constitutos
suò colloquiò bearet. Omnes enim
creaturæ DEO erant obtemperan-
tes, & subiectæ, solus homo rebel-
lis, non potuit nisi ipsius Verbi
Divini à sua protervia, à sua duritie
revocari.

3. Sed dicetur mihi quid, &
quomodò loquitur nobis Neonatus
Infantulus Verbum infans? Verùm
est, infans Verbum non tamen mu-
tum, equidem hoc etiam tacendo

C

novit

novit loqui. Dicit enim S. Codex Act. 1. 1. *Capit JESUS facere, & docere.* Ecce nunc cum non potest dictis, loquitur nobis, & docet nos factis, ut à principio statim sui adventus in mundum suam nobis incipiat tradere doctrinam. Præsepe jacentis cathedra fuit docentis. Et quia mundum licet valde bonum à se creatum invenit ut stabulum immundum, homines insolentes, dissolutos, & post carnem abeuntes repererat, elegit sibi stabulum pro templo, & pro cathedra præsepe.

4 Modò si non pedibus corporeis, saltem affectibus cordis transeamus usquè Bethleem, videamus hoc Verbum, quod factum est, quod factis, & non verbis nos admoneat quid agere, quidvè facere de-

re debeamus. Aperiamus aures, sed magis præparemus corda, ut audiamus quid in nobis Dominus loquatur. Simus ita resoluti corde, & affectibus sicut quondam parvulus Novitius in lege DEI Samûel de quo Scriptura ait 1. Reg. 3. 3 qui strenuè respondit voci divinæ dicens: *Loquere Domine, quia audit servus tuus.* Nunc audiamus patienter quid Neonatus parvulus noster DEUS, & Dominus ex hac sua præsepiali cathedra loquatur nobis. Ecce cùm suo infantili ore ad nos loqui non valeat, per suum Cancellarium Joann. 1. 12. inquit: Filij hominum, quibus ego dedi potesta est filios DEI fieri, quousquè tandem corde gravi, scilicet affectibus mundanis, carnalibus, terrenis gravato, more animalium deorsum respicitis,

Ca

deor-

deorsum tenditis. Ecce descendi de cælo in terram, ut homines ad cælum facerem ascendere de terra. Loquitur per Paulum Apostolum Coloss 3. 2 Ecce jaceo in terra, ut vos sursum corda habeatis, quæ sursum sunt quæritis, cælestia sapiatis, non quæ super terram. Corda vestra sint levia levitate Spiritûs S. sint spiritalia, sint cælestia, sint divina tamquam filiorum DEI.

5. Audiamus hoc infantile Verbum nobis quasi factis suis loquens: videte Filium DEI exinanitum in carne humana, stabulum inhabitantem, in medio duorum animalium positum, reclinatum in præsepio, pannis involutum, vagientem, lachrymis irundantem, frigore constrictum, fæore stabuli obseptum, paupertate pressum, omni commoditate privatum. 6. Quis

6 Quis ergo velit quærere
 vanitatem, diligere iacunditatem,
 affectare præminentiam, desiderare
 commoditatem, prætere solatia?
 Et tamen secundum carnem hæc
 sæpe affectamus, & quæ carni mo-
 lesta hæc abhorremus, hæc detrecta-
 mus. Nonne si quid duriuscu[m]
 occurrit, conquerimur; si quid aspe-
 rum, murmuramus; si quid minus
 commodum lamentamur? Et tamen
 DEI Filius hæc elegit, hæc dilexit.
 Contemptibilia DEUS, & ignobi-
 lia elegit Paulo 1. Cor. 1. 27 atte-
 stante. O gravitas cordis; o vanitas
 mentis; o error intellectûs illa post-
 ponere; illa vereri; illa contemnere,
 quæ Filius DEI nostri amore in se
 suscepit, sibi elegit! Arguit nos
 Coronatus Vates Psal 94. 8. de
 hac nostra duritia dum ait: Hodie,
 dum

dum vocem Verbi Divini audiamus, non obduremus corda nostra. Ac si diceret: non exacerbemus DEUM nobis loquentem, nec contristemus spiritum ejus. Non sumus generatio prava, atque perversa filij infideles.

7. Christus in præsepio delicata totus mortificatus carne, docet nos mortificare membra nostra per votum castitatis. Christus natus venit in mundum facere voluntatem Patris sui, docet nos viam salutis per exactam obedientiam, ut ad eum per obedientiam redeamus, à quo per inobedientiam recessimus. Christus humiliavit se descendens de cælo usque ad terram, docet nos per gradus humilitatis religiosæ scandere usque ad cælos. Christus nudus jacet, locum non habet ubi
caput

caput suum reclinat, hōc ipsō nos docet, ut nuditatem ejus imitemur per exactam voti paupertatis observantiam.

8. Suscipiamus ergo corde perfecto hanc Verbi Divini non loquentis, sed monstrantis doctrinam. Suscipiamus eam viva fide, armata spe, animosa charitate, ut ille, qui locorum intervallis non distingvitur, sed ubiquè est; ille incomprehensus, qui omnia comprehendit in anima nostra comprehendatur, & locum inveniat, quem illi amplum diversorium negavit. Humilitatis, paupertatis, castitatis, mansuetudinis, patientiæ, abstinentiæ, charitatis, obedientiæ, devotionis, ac justitiæ vestigia in nobis reperiat, & sic per gratiam suam in nobis stabuletur. Amen.

Sermo

Sermo I. pro renovati-
one Votorum in Festo
S. Patris Pauli primi
Eremitæ.

*Apertis thesauris suis obtulerunt ei
munera, aurum, thus, & myrrham.
Matth. 2 II.*

I. **S**erenissimi orientis mundi Prin-
cipes, sancti tres potentissimi
Reges, qui stella duce, ac æterni
instinctu luminis relictis Regnorum
suorum delicijs, postpositis quibus-
vis viarum incommodis post diu-
turnum arduum iter unâ cum mune-
ribus in Urbem adventârunt Bethle-
emiticam, ut Neonatum Salvato-
rem mundi, ut clementissimum ho-
minum adorarent Redemptorem,
ado-

adoratum suis etiam regalizarent,
 & venerarentur muneribus. *Apertis
 thesauris* &c. Et quidem non singuli
 singula, sed quilibet eorum omnia
 obtulit tria: aurum, thus, & myr-
 rham. Nam quilibet eorum Neo-
 natum Christum Dominum, & ve-
 rum DEUM, & verum Regem, &
 verè secundum carnem mortalem
 profitebatur hominem teste D. Bo-
 naventura, qui inquit: *Quilibet illo-
 rum obtulit tria dona in maxima quan-
 titate.* Ast si magna liberalitas fuit
 Sanctorum trium Regum erga Ne-
 onatum Salvatorem, absquè dubio,
 absquè comparatione longè major
 fuit Neonati Salvatoris erga hos
 Sanctos Reges, dum pro tempora-
 libus æterna, pro corporalibus spiri-
 tualia eis tribuit dona. Pro auro e-
 nim

nim dedit eis fidem, sinè qua salvi esse non poterant; pro thure spem divinam; pro myrrha charitatem, cujus pretium sicut nemo novit, sic nemo taxare potest. Taceo honores, quibus nunc honorantur in terris; taceo gloriam, quâ æternum fruuntur in cælis.

2. Aniversariam votorum nostrorum oblationem facturi sumus RR. in Xsto Patres, Fratresquè amantissimi! non sinè mysterio, non sinè speciali causa, non alio tempore, sed intra solemnes Epiphaniarû ferias; nisi, ut nos etiam ad exemplum Sanctorum horum trium Regum, plusquam regia dona Regi Regum, Principi sæculorum, Christo JESU, Neonato Salvatori offeramus munera, scilicet: paupertatem, castitatem, & obedientiam.

Sed

Sed hoc est non finè gravi merore
 mirandum, quod licet si quotannis
 offeramus munera nostræ fragilita-
 tis, aurum, per paupertatem; myr-
 rham per castitatem; thus per obe-
 dientiam, non tamen agnoscimus,
 non videmus eam erga nos Neonati
 Salvatoris Christi Domini liberali-
 tatem, quam experti sunt sancti tres
 Reges. Frigida enim in nobis fi-
 des, spes valde infirma, frigida, ac
 tepida charitas. Et quare hoc nisi
 fors ideo, quia in his votis, quæ
 DEO offerimus, instabiles, incon-
 stantes sumus. Tot jam vicibus vo-
 vimus, tot annis renovavimus, nec
 tamen semel adamussim observavi-
 mus. Hanc ergo inconstantiam, ut
 deinceps caveamus, dicam brevi-
 ter quam utilis est in observatione
 votorum nostrorum constantia, quã
 culpa-

culpabilis inconstantia. A. M. D. G.

3. Nulla virtus, nullum virtutis opus magnum est, vel esse potest apud DEUM, nisi debita in eo adsit perseverantia. Perseverantia est, si bonum, quod semel ceperis, nunquam de cætero dimittas. Inconstantis enim animi est indicium à sanctè cæptis turpiter resilire. Eapropter svadet Sapiens Domini Eccles. ii. 6. dicens: *Manè semina semen tuum. & vespere nè cesset manus tua.* Quem locum Scripturæ sacræ explanando Alvarez ajt: *manè seminas, si bene incipias; & vespere non cessas, si quod iam cepisti prosequaris per constantiam, & nunquam leviter derelinquis.*

4. Hanc in bono constantiam svadet nobis Mellifluus Doctor D. Bernardus, dum observantiam votorum

torum nostrorum florido lectulo confert dicens: *Sicut lectulus floridus est, cum ablati marcidis floribus, alij recentes, & beneolentes succedunt, ita conscientia nostra, munda, & quasi florida est, quando perfectis bonis actibus, & votis nostris, amore DEI inflammati debitam præstamus constantiam, quasi primò vitam inchoantes Religiosam.* Ad hanc ipsam adhortatur nos Dominus dicens: *Esto fidelis usquè ad mortem, & dabo tibi coronam vitæ.* Apoc. 2. 10.

5. Quid enim profuit Salomoni amabilem fuisse DEO, dum postea abjiens post carnem fætidam depravatus est? Quid profuit Judæ sacro Apostolorum adscribi collegio, quando postea sceleratissimus factus est proditor Christi?

Non

Non salvavit eum Apostolatus, in quo constanter non perseveravit. Ecce, qui jam beatus dici poterat, de ipso beatitudinis limine ob suam inconstantiam in tam sacrá vocatione decidit ad tartara.

6. Non confidamus in nostris votis, quia non illa nos salvabunt, sed constans illorum observantia. Parùm, aut nihil profunt tenerrimi affectus, sancta desideria, inflammata proposita, si in effectum non deducantur, sed sunt velut folia fructu carentia, quæ brevi intervallo flante contrario decident vento. Otiosorum hoc est proprium plurima velie, multa desiderare, frequentia proponere, & nihil per socordiam deducere in effectum. Sed audiant tales quid loquatur Sapiens Prov. 21. 25. *Desideria occidunt*

dunt pigrum, noluerunt enim quidquam manus eius operari. Non igitur emmissio votorum nostrorum, non illorum frequens renovatio, sed constans illorum observantia nostram operatur salutem.

7. Hinc salutariter fecerunt Sancti tres Reges, quòd in cæpto opere bono constanter perseveraverunt. Quamprimùm enim viderunt stellam signum Neonati Salvatoris, illicò arripiebant iter ad quærendum, & adorandum eum. Habuerunt, nullus dubito, suos consiliarios, qui illis tam longum disva-
debant iter. Habuerunt dilectas consortes; charam sobolem, quæ illos lachrymis suis detinebant. Nihil horum remorari illos fecit, nequè potuit à cæpto sancto opere, properant festinanter, suis, ut satisfaciant

faciant votis. Et quid nos? Ecce
 accidit nobis, quod pastoribus: vi-
 derunt illi cælestes ignes supra sta-
 buulum ubi Christus fuerat natus; fu-
 erunt invitati ad Domini præsepe
 ab Angelis venerunt, adoraverunt,
 sueque rustica munera ei obtulerunt.
 Verùm recedentes nihil amplius de
 Neonato cogitaverunt Salvatore.
 Pariter & nobiscum factum est: vi-
 dimus & nos stellam sicut Sancti
 tres Reges, divinam duntaxat in-
 spirationem vocationis nostræ; ve-
 nimus ad Religionem; obtulimus
 munera nostra, audeo dicere, quòd
 pretiosiora, quàm Sancti tres Reges,
 obedientiam nimirum, paupertat-
 em, & castitatem. Aduert in no-
 bis à principio fervor servandi hæc
 vota, sed proh dolor! quàm procul
 nunc ab isto recessimus fervore, ut
 verè

verè cum pastoribus nîl amplius de
 illorum cogitemus observantia non
 attendentes quid dicit Scriptura 2.
 Tim. 5. *Qui in agone certat, non
 coronatur, nisi legitimè certaverit.*
 Non audientes quid ipse Salvator
 noster Matth. 10 22. ait: *Qui autem
 perseveraverit usquè in finem hic sal-
 vus erit.* Revera nemo potest, inquit.
 Justinianus de obed. cap. ult. *perve-
 nire ad consummationem virtutis,
 nisi voluerit in ipsius exercitatione
 perseverare.* Non enim queruntur
in Religiosis initia, sed finis teste
 Dalmata purpurato D. Hieronymo.
 Timendum nobis est, nè culpam
 Ananiæ primi votorum violatoris in
 nobis experiamur, si tam infideles
 manserimus in observantia votorum
 nostrorum: *Displicet enim DEO*
stulta, & infidelis promissio inquit
 D. Sa.

Sapiens Domini Eccles. 5. 3.

8. Renovaturi hodie sumus
vota nostra RR. ac VV. PP. quid
nos hæc sacra juvabit cæremonia, si
deinceps in illis servandis non fue-
rimus constantes: augebimus suppli-
cia, ubi præmia accepturi eramus.
Sancti tres Reges quia constantes
fuerunt in bono, pro parvis mune-
ribus, maxima receperunt; pro tem-
poralibus æterna. Nos quoquè si
constantes fuerimus in oblatiis votis
DEO, experiemur liberalem erga
nos DEUM. Dabit nobis pro pau-
pertate thesauros gratiæ; dabit cæ-
leste regnum, ut in sacro promisit
Evangelio Matth. 5. 3 *Beati paupe-
res spiritu, quoniam ipsorum est re-
gnum celorum.* Dabit pro myrrha
castitatis aureolam immortalem.
Reddet pro obedientia summos in
cælo

cælo honores, & in sede collocabit
 judicantium juxta illud Matth. 19.
 28. *Amen dico vobis, quòd vos,
 qui secuti estis me, in regeneratione,
 cum sederit filius hominis in sede ma-
 iestatis sue, sedebitis & vos super
 sedes duodecim iudicantes duodecim
 tribus Isràèl. Quis non stupebit,
 quis non mirabitur, quàm magna
 præmia, pro tam exiguis nostris do-
 nis nobis sunt promissa! Ut ergo
 hæc præmia tutiùs assequamur, vo-
 ta nostra non ampliùs violanda
 renovemus. Amen.*



52
Sermo II. pro eadē
renovatione Votorū.

*Calicem salutaris accipiam Vota
mea Domino reddam. Psal. 115. 13.
& 14.*

1. **R**Egius ille Propheta David,
magnus honoris DEI Zela-
tor, qui divino afflatus spiritu Psal-
mos in usum Ecclesiæ sanctæ com-
posuit, atquē in summam ejus glo-
riam, & laudem Hymnos concinna-
vit, suam propriam parvitatem, ac
vilitatem expendens, & innumeris
beneficijs à DEO, sinē ullo præve-
niente merito; affectum se esse co-
gnosens in has plenas cordis pie-
tate erupit voces: *Quid retribuam
Domino pro omnibus, quæ retribuit
mihi.* Contemplabatur enim se è
caulis

caulis eductum ovium, & evectum
 in regiam dignitatem, à furore mi-
 nitantis sibi Philistæi exutum, & ore
 omnium puellarum Jerusalem sum-
 mē laudibus celebratum. Videbat
 quomodo furentis Regis Sauli in-
 dignationem contra se divinō adju-
 tus evaserit auxiliō; quomodo tot
 mortis pericula facilē effugerit; in-
 signes victorias ex hoste non uno
 reportaverit, & quod majus est,
 tantorum scelerum, scilicet: adul-
 terij, homicidij, scandali populi sibi
 subiecti veniam impetraverit, ac
 obtinuerit. Quid aliud si non obse-
 quia tantæ cuperet gratitudinis,
 quibus tam liberali suo benefactori
 se debitorem esse monstraret. Sed
 statim succurrit illi, quid pro tantis
 beneficijs, ac gratijs retribuere; si
 non æquale, hoc enim est impossi-
 bile,

bile, ut vilis homuncio Creatori suo aliquid æquale rependere possit, saltem quidpiam humanæ fragilitati accomodatum. *Calicem, inquit, accipiam, & nomen Domini invocabo. Vota mea Domino reddam, coram omni populo eius.*

2. Tria, quæ hic Sanctissimus Rex decernit, nos quoquæ penes nostrorum votorum renovationem expendemus A. M. D. G.

3. Quæ sunt illa, amabo tria, quæ Sanctissimus Rex in gratiarum actionem supremo Numini rependere intendit? Non alia, quàm calicis acceptio; divini nominis invocatio; & redditio votorum. Et sapienter quidem: Nam DEUS ab homine etiam Religioso præter ista tria nihil amplius requirit. Calix juxta Mellitum Doctorem Ambrosium significat

ficat passionem. Divini nominis invocatio, incensum orationis est. Votorum redditio, est omnium virtutum exercitatio. Quid autem aliud à misero homine exigi potest? nisi, ut mala declinet, & bona sectetur. In fuga mali omnis designatur perfectio, in prosecutione boni, DEI servitium, amor, & gloria includitur. Hoc quod Sanctus Propheta David in corde meditatus est, hoc quod decrevit facere in summi Domini, ac Creatoris sui obsequium, justissimum est, ut omnes religiosæ animæ, omnes DEO sacratæ personæ attentè meditentur, & graviter, solidè, piè, ac Zelosè exequantur.

4. Consideremus enimverò quæ, & quanta bona, quanta beneficia à DEO Domino, ac Creatore nostro

acce-

acceperimus , & palam, manifestè
 reperiemus nec pauciora esse nume-
 rô nec valore minora ijs , quæ Rex
 iste commemorat sibi collata. Da-
 vid è vita paistoritia ad regium eve-
 ctus est splendorem, Religiosus per
 divinam vocationem, vitam mun-
 danam, & obscuram cum vita reli-
 giosa, ac sancta commutavit. David
 Philistæi iram, & furorem effugit,
 Religiosus sæculi blandientis dolos,
 & insidias evasit. David persequen-
 te se Saule à periculo mortis corpo-
 ralis est liberatus, Religiosus virtu-
 te, & gratia divina ab interitu ani-
 mæ suæ fortiter est ereptus. Ille ho-
 stes Israëliticæ plebis vicit, Religio-
 sus protervos inimicos mundum,
 diabolum, & carnem prostravit.
 David tandem suorum criminum fa-
 cile

cilè accepit veniam, Religiosus in ipso Religionis ingressu tamquam in quodam spirituali baptismo suorum facinorum remissionem impetravit.

5. Ast non hic finis est beneficiorum DEI, quæ nobis divina misericordia contulit, & confert in Religione. Nihil est in universa creaturarum multitudine, siue cælestia consideremus, siue terrestria spectemus, siue etiam inferiora ergastula purgandorum meditemur, siue ad ultimum perpetuos damnatorum cruciatus contemplemur, quid nos ad serviendum DEO per vitam spiritualem non invitet, non animet, non excitet? Quod enim spiritua- lem vitam æternæ damnatorum pænæ sua interminabili diuturnitate nobis sua sint, ut ab illis liberemur; quod voraces purgatorii ignes im-
perfe-

perfectis, frigidis, ac tepidis præparati, nos admonent, nè eorum acerbitate obruamur; quòd nobis terrestria obsecundent, ut DEO fideliter, promptè, ac ex animo serviamus; quòd nobis omnia cælestia pro munere spiritualis vitæ immensas, infinitas spondeant, ac promittant delicias, hæc omnia immensa, infinita fecit bonitas DEI erga nos miseris juxta effatum scripturæ, quæ 1. Jac. 17. inquit: *Omne bonum de sursum est procedens à Patre luminū.*

6. Tantis igitur onusti beneficijs, tantis bonis decorati, quomodo in regias coronati Vatis non erumpemus ingenti cordis affectu voces? *Quid retribuam Domino, pro omnibus, quæ retribuit mihi?* Quomodo statim non occurret nobis; vitam spiritualem, id est: votorum

torum nostrorum renovationem in gratiarum actionem ei offerendam? *Vota mea Domino reddam in conspectu omnis populi eius.* Hæc etenim in tantorum beneficiorum compensationem debemus Domino retribuere juxta illud scripturæ: *Immola DEO sacrificium laudis, & redde Altissimo vota tua.* Psal. 49. 14. Quod enimverò ad primum nostræ Religionis ingressum fervidè, ac devotè, promptò animò, ac affectu pietatis promissimus, æquum est, ut ad finem usquè inviolatè servemus, & in dies magis, ac magis renovemus. Præclarè enim ait D. Chrysostomus hom. 2. in Gen. *Danda nobis est opera, ut totis viribus devotionis in divina obsequia exerceatur, reddenda sunt vota & renovanda, ut virtutes eorum in actum proferantur.*

Ad

Ad hoc enim in cætum Religiosorū à Domino fuimus admissi, ut tanti beneficij vocationis nostræ per actiones virtutum fructum ei offeramus, ut ipse Salvator ait Joann. 15. 16. *Ego elegi vos, & posui vos, ut eatis, & fructum afferatis, & fructus vester maneat. Fructificate ergo & vos charissimi*, inquit Bernardus ser. de S. Benedicto, *quoniam in hoc positi estis, ut eatis, & fructum afferatis; fructum verò afferetis, si voluntates vestras per professam proteretis obedientiam, ac cæterorum votorum, unaquè bonorum operum manipulos Domino pro tantis beneficijs cummulatè afferetis.*

7. Vota itaquè nostra, quæ jam pridem à multis annis DEO obtulimus, nunc in profundissimam adorationem Majestatis ejus; in recogni-

cognitionem supremi Domini, ac in debitam gratiarum actionem pro tam innumerabilibus donis, gratijs, ac beneficijs ejus renovemus. Quæ si bene, ac exactè observabimus, non ingrati, & beneficiorum obliti reputabimur, sed gaudebimus in immensum amplissimam perfectionis nostræ mercedem à DEO sperantes, quam profectò dabit, juxta verba D. Joannis Evangelistæ 1. Joann: 3. 21. dicentis: *Charissimi fiduciam habemus ad DEUM, ut quid quid petierimus accipiemus*, quia ea, quæ sunt placita coram eo fecimus. Quid ergo accipiemus? ecce maximam Beatorum felicitatem, in qua æternum victuri sumus. Nullus ibi metus, nullum aliquando perdendi illam periculum, omnis ibi regnat secu-

securitas, pax perennis, summa triumphat tranquillitas. Si ergo nos tanta felicitas, tam æterna ab omni malo manet securitas, ergo ad illam totis conatibus; magnô zelô pietatis; ardentissimo affectu per votorum nostrorum renovationem contendamus. Amen.

Sermo III. pro eadem renovatione Votorû.

Renovamini spiritu mentis vestre.

Ephes. 4. 23.

- I. **E**Ligere sibi vitæ genus Christi Evangelio conforme, hoc quidem omnibus facilè esse potest; quòd verò quis omnia ea servet, quæ in illo sunt conscripta, vel saltem quæ sunt minutiora sinè culpa negligenter non omittat, nullus vel
rarif.

rarissimus invenitur. Indolet tanto casui vitæ Religiosæ S. Legislatoꝝ noster D. Augustinus, ideò ad Fratres suos Eremitas serm. 215. de tempore sic ait: *Rogo vos Fratres charissimi, ut attentius cogitetis, quare Religiosi facti estis, & cur crucem in fronte portatis. Scire enim debetis, quia non sufficit vobis, quòd nomen Religiosorum acceperitis, si opera religiosa non feceritis. Quid tibi prodest, si te Religiosum nomines, si religiosas actiones non feceris, linguam obvinctam continenti silentio non habueris; oculis eam disciplinæ moderationem non adhibueris; quam ipse religiosæ perfectionis requirit tenor. Ubi est nunc in nobis omnis modestiæ religiosæ circumspectio, si non potius planè rabies, & furia! Ubi est debita humilitas,*

litas, & subiectio, si non potius superbus fastus, & arrogantia? Ubi est in animo, & mente continua divinæ præsentiae recordatio, si non potius perpetua oblivio? Ubi est ineffusus in cultu divino labor, si non potius supina negligentia? Ubi est vera, religiosa, & Christiana sinceritas, si non potius hypocrysis, & insultatio? Ubi est debita tot legibus, & exemplis patientia, si non potius furor, & vindicta; murmur; & conspiratio? O vitam talem religiosam ipsis Ethnicis deteriorem! Magna res est, Religiosum esse, sed pessima, & damnabilis est religiosam non ducere vitam. Quid enim prodest, si de aureo annulo sigillum facias, & putridas paleas intus recondas? Quid prodest religiosam portare vestem, & peiores sæcula-

tium gerere mores! Quid prodest plus cogitare de carne sua, quàm de anima; plus diligere gulam, & luxuriam, quàm castitatem, & abstinentiam; plus de præsenti cogitare commodo, quàm de præmio futuro! Quid prodest suam conscientiam quotidie examinare, & tamen mores, actus, gestus aliorum censurare, vituperare! Quid prodest abstractam à mundo ducere vitam, & aliorum dispositiones inspicere; mirari, obloqui; involvere se ad omnia, quæ ad nos non pertinent! Non est hæc vita Religiosorum, sed hystrionum; non est hæc vita Religiosorum in pace, quiete, amore, charitate, & sanctitate viventium, sed turbulentorum, inquietorum, ubique nasum suum intrudentium. Fulminat contra tales Religiosos D.

E

Ber-

Bernardus: *Redi Religiose ad domum cordis tui, collige te intra te metipsum, si hanc domunculam derelinques, facile fimo vanarum occupationum fordesces.* Et tamen vix non in talem devenit ruinam vita nostra Religiosa per contemptum, & inobservantiam non tantum majorum, sed & minorum præceptorum Religiosæ observantiæ, ita, ut rectè pro nobis clamet Apostolus: *Renovamini spiritu mentis vestræ.* In hac ergo renovatione votorum nostrorum breviter loquar de observantia, & sedula cura etiam minimorum, quæ in Regula, & Statutis nostris continentur. Facta enim in his fidei observantia, votorum quæquæ nostrorum ab'quæ dubio fideles adinveniemur executores juxta illud

Evan-

Evangelistæ Luc. 16. 10. effatum:
Qui fidelis est in minimo, & in ma-
iori fideles erit. A. M. D. G.

2. Cærtum est, quòd & DE-
 US, & natura ipsa non modicam
 sed magnam minimorum curam ge-
 rant, ita, ut non immeritò canat
 Póeta: *Eminet in minimis, maximus*
ipse DEUS. Quid magis modicum,
 quid vilius capillo hominis est, vel
 esse potest, & tamen DEUS omnes
 capillos nostros, ac si quid pretiosi
 numeratos habet, & conservat, ut
 habetur in Evangelio Luc. 21. 18.
capillus de capite vestro non peribit.
 Quid abjectius pullis corvorum,
 qui ovis exclusis deseruntur à pa-
 rentibus, & tamen DEUS illos pa-
 scit, cibumq; præparat illis, ut in-
 quit Psalmista, Psal. 145. 9. *Qui dat*
iumentis escam ipsorum, & pullis

corvorum invocantibus eum. Quid
vilius esse potest ipsis aviculis,
quæ hodie adfunt, cras avolant; ho-
die vivunt, cras moriuntur; hodie
garrunt, cras jaculantur, vel truci-
dantur, & tamen DEUS ipsum ni-
dum procurat illis: *Volucres celi
habitabunt in ea* Plal 103 12. Sic
enim DEUS Creator, & Conditor
universi, per curam suam minimo-
rum, nos etiam ad minimorum cu-
ram, & modicorum observantiam
suô exemplô provocare intendit.

3 Porro: scrutemur totam Le-
gem Christi, & nihil frequentius,
quàm obligationem ad minima, &
modicorum inculcatam observan-
tiam inveniemus. Mavult enim
DEUS cælum, & terram interire,
quàm ut unus apex, unum jota de
lege ejus pereat. Plus apud DEUM
valet

valet modicorum observantia, quàm
legis totius sola advertentia. *Non
parvus est census, cui magnus est ani-
mus* ajt S. Leo Papa. *Nunquam
merito caret, etiam in tenui faculta-
te bonæ voluntatis opulentia, exigua
portio maximi pretij, multis vilibus,
& periculosis præstat opibus* Grego-
rio teste.

4. Præter autem Leges Chri-
sti omnibus Fidelibus communes,
nos, qui Religiosæ Professionis titu-
lò ad perfectionem tendere debe-
mus vî etiam Statutorum, Consti-
tutionum, ac Regulæ Sacræ, ad
modica quæquæ non spernenda, sed
curanda, & observanda peculiari-
ter constringimur. Sed fortassis di-
cetur mihi: ediffere, quænam sunt
hæc modica, minima puncta, & a-
pices? Dico cum omnibus Ascetis,
& per-

& perfectis viris non esse alia, quàm, ut non solum magna, sed etiam modica, & minima vitia; defectus, & imperfectiones cum omni diligentia caveamus, & cum pari solitudine quasvis perfectiones, etiam modicas, quas ipse sanus intellectus, dictat esse rectas seriò amplectamur. In his etenim parvis, & modicis, quæ nos minus prudenter postponimus certocertius æterna nostra salus consistere potest Chrysostomo affirmante, qui hom. 38. ad pop. inquit: *DEUS omnia facit, & satagit, ut ex minimis te coronet.*

5. In nascentis Ecclesiæ primordijs quisquis pietatem colere, Deoque famulari decrevisset, fortunam, substantiam, opes, divitias suas fisco, famam calumnijs, corpus catenis, vitam ipsam carnificum crude-

crudelitati addicere cogebatur.
 Quod si autem quis tantam barba-
 riem non ferens fidem sanctam mo-
 rum pietatem conservare voluisset,
 talis profectò vel cum D. nostro
 Patre Páulo primo Eremita in soli-
 tudinem fugere debuit, vel cum
 D. Athanasio horrida mortuorum
 sepulchra inhabitare. Longè diver-
 sa ratione, quia clementiori modo
 agit nobiscum DEUS, quando ad
 consequendam nostram salutem,
 non tormentorum atrocitatem su-
 bire nos cogit, sed solùm exactam
 modicorum observantiam à nobis
 requirit. *Si minima queque feceris
 simplici, & ferventi affectu, non dubi-
 tes te magnam DEI gratiam affecu-
 turam* dixit quondam B. M. V.
 Sanctæ Catharinæ senensi. Et ta-
 men, proh dolor! in his modicis
 sæpe

sæpe infideles sumus; in his modicis, quæ nobis sacra Regula, & Constitutiones observanda præcipiunt, vel ipsi Superiores mandant, inutiles nos servos agnoscit DEUS, dum quia vel planè illa contemnimus, vel non fervidè, sed languidè, ac segniter exequimur. Magnus Flogiasta B. M. V. S. Ambrosius dum in laudes eius excurrit, non laudat eam, quòd sit Mater DEI, non laudat eam, quòd sit Regina cæli, Domina mundi, sed ea, quæ sunt minora extollit, dum ajt: *Corde humilis, verbis gravis, loquendi parcior, legendi studiosior, verecunda sermone, intenta operi: nihil torvum in oculis, nihil procax in verbis, non gestus fractior, non incessus solutior, non vox petulantior, ipsa species corporis figura erat probitatis.*

En pulcherrimam imaginem vitæ
Religiøsæ, en magnum exemplum
minimorum observantiæ.

6. Parum refert quam quis
rem agat five magnam, five par-
vam, sed qua mentis hilaritate,
qua pietate, & devotione id faciat,
respicit DEUS. *Minimis etiam re-
bus, quas DEO consecramus, hila-
ris noster animus pretium, & valo-
rem apud DEUM imponit, inquit
S. Ambrosius. Sæpe DEUS non at-
tendit quid facias, sed quo affectu
aliquid propter ipsum facias. Sæpe
res, quæ videntur in se parvæ, plu-
ris ab eo fiunt, quàm res magnæ ad
speciem. Parvis actionibus magis
DEUM flectimus, & placamus, præ
nonnullis, qui magna faciunt, ait S.
Ephrem. Tunc qui rectè persvadetur*
in ma-

*in magnis versari, seu magnum quid
jacere, si se valde probum in mini-
mis ostenderit, affirmat Tertul. Mul-
tum operatus es, (adstipulatur S.
Leo P'apa) magnum quid effecisti,
si parva, & minima hilari vultu, &
prompto animo observasti Quod
pulchrè confirmat S. Theodor Stu-
dita dum ait: DEUS, ut est miseri-
cordie largus, virtuti debitum, etiã
ob ipsum propositum remuneratur.*

7. Confert igitur plurimum ad
renovationem votorum nostrorum,
ut totam nostram in ejus actionibus
renovemus vitam, ac quæ DEO
displicent, etiam si modica, & mini-
ma sint, diligenter caveamus, & vi-
temus; & ea, quæ DEUS nobis in
Regula sacra, & Statutis præcipit,
etsi minima sint. non obiter, ac segni-
ter, sed fervidè, ac diligenter pera-
gamus.

gamus. Non sunt negligenda talia, quia, ut Spiritus Sanctus monet Eccles 7. 19. *Qui timet DEUM nihil negligit; virtus enim magna in minoribus semper experimentum capit* Sancto Valerio teste. Quocirca juxta Ambrosij consilium: *In minimis probandum est conficiendis quam viriliter in maiori certamine stare possimus.* Fideles ergo firmi etiam in parvis, ac minimis DEO, bene, ac ferventer ea exequendo, ut à Remuneratore Cælesti, pro exacto in minimis nostro famulatu, tandem aliquando, post instauratam vitam nostram, quando ad sonitum terribilis illius cælestis tubæ totus renovabitur orbis, nos æternâ gloriâ premiari mereamur. Amen.

Sermo

Sermo I. pro Cæna Domini.

Ante diem festum Paschæ - - cæna facta. Joann. 13. 1. & 2.

I. **M**agna, & non rara in prisco illo, seu veriùs, veteri Testamento eo die fuit solemnitas, quo post partas populi DEI de hostibus victorias, post pacatam totius Israëliticæ gentis Patriam, Rex, & Propheta David de arce montis Sion suæ residentię Arcam Veteris Testamenti in Urbem Jerosolymam introduxit. Tunc enim tanta fuit solemnitas, quantam nec vidit, nec audivit universus orbis. Legantur Sacræ Historiæ fasti; ibi licebit videre hujus solemnitatis triumphum. Ego hîc tantum scire desidero, quæ
tantæ

O. tantæ causa lætitiæ, quæ causa hujus
 solemnitatis propter unam arcam
 ligneam illatam Civitati? Aliam ego
 non invenio, nisi, quòd David, ut
 fa. Propheta expresserit in hac Arca
 Corpus Christi Domini speciebus
 panis inclusû. Digna hæc mystica Ar-
 ca tali plausu; tali solemnitate, cu-
 jus gloriam etiam ipsi canunt Ge-
 nus cælestes. Grandis hæc Cæna,
 qua digniore ipsæ cælestes non fru-
 untur mentes. Magna Cæna, quia
 à Magno, imò Summo Rege Re-
 gum instituta, & præparata. Magna
 cæna, quia magno Christianorum
 instituta orbi. Magna cæna, quia
 magno pretio sanguinis Christi com-
 parata.

2. In convivio Cleopatæ Re-
 ginæ, Plinio referente, fuit unica
 gemma, quæ valore suo totum Im-
 perium

perum adæquabat. *Antoni! Regnū
bibisti.* In convivio Christi Domi-
ni, in hac sacratissima cæna, non jam
gemmæ pretiosæ, sed ipsa Caro
Christi Domini, ipse Sanguis totā
occupat mensam. Verè cæna ma-
gna, quā nec orbis universus digni-
orem, nec aulæ Principum viderunt
opulentiores. Ast si tam magna cæ-
na, ubi sunt dignissimi hospites ejus?
Ubi sunt præclarissimi convivæ? Uti-
quē magnam cænam magni hospites
solent condecorare? Monstrabo il-
los, dum loquar, quomodò, ad hanc
sacratissimam cænam accedere de-
beamus, quæ dignè accedentibus
magnos parit fructus; indignè su-
mentibus interitum summum. A. M.
D. G.

3. Christus Dominus in sacra
Eucharistia transubstantiato pane in
corpus

corpus suum, substituit se loco panis, immutat vultum suum; tegit speciem suam gloriosam, & induit speciem panis humilem, parvam, & ingloriam. Et verò: solent quandoquē amantes, interdum se alieno habitu vestire, ut sub eo latentes, amicam, aut sponsam liberiùs convenire possint, & reciprocum ejus amorem experiri. Ad similem formam fecit Christus Dominus, ut possit nobis intimè uniri. Amore nostri speciem induit panis nobis communissimi. Quid igitur nos facturi sumus, ut digni ejus appareamus hospites, & convivæ? nisi, ut accessuri ad ejus mensam, aliam etiam induamus personam, abjicientes personam peccatoris; hominis carnalis; hominis dissoluti. Sumat quisquē superbus, fastuosus, personam humilis; gulo.

gulosus personam sobrii; lascivus, personam casti, & luxuriosus; ita erit ad mensam Domini magnus hospes; dignus conviva.

4. Pericles Atheniensis Philosophus dum aliquando iturus ad convivium cujusdam præstantissimæ formæ juvenis, nobiliores ultra suam convetudinem accepisset vestes, quæsitus ab amico, cur se ita ornaverit, respondit, ut pulcher ad pulchrum vadam Pulcherrimus est Dominus noster sub hoc Eucharistiæ Sacramento; speciosus formâ præ omnibus filiis hominum, cujus pulchritudinem sol, & luna mirantur, ad quem hodie accessuri sumus, idcirco non tantum decet, sed omnino necesse est, ut pulchri ad pulchrum vadamus.

5. Esther 2. Repudiata Regi-
nâ

nus, nâ Vasti Asverus Rex, quando vo-
 cavit Esther, non prius illam ad-
 misit ad mensam suam, donec splen-
 didè ornatam regalibus quoquè in-
 duerit vestibus. Ad mensam Sal-
 vatoris nostri Christi JESU, ad ejus
 cæleste convivium nemo dignè ac-
 cedere potest, nequè debet, nisi
 prius splendide ornatus, ipsius vesti-
 bus, sanctis scilicet virtutibus se in-
 duerit. Ita nos docet Doctor Gen-
 tium Ephes: 4. 24. *Induite novum*
hominem, qui secundum DEUM
creatus est in iustitia, & sanctitate
veritatis. Vana sæculi pompa non
 admittit ad suam mensam, & con-
 vivia, nisi eos, de quibus ait Scri-
 ptura: *Omnis lapis pretiosus operi-*
mentum ejus. Ezech. 28. 13. Nisi e-
 os, qui pretiosis aurô, gemmisq;
 ornatis incedunt vestibus, splendi-

do stipantur comitatu. Cæna Do-
 mini illos tantum quasi dignos in-
 vitat hospites; illos ad suam admit-
 tit mensam, qui splendore virtutum
 sicut Job nitent, qui de seipso 29.
 14. dicit: *Iustitiâ indutus sum, & mus*
vestivi me sicut vestimentô, & diade-
mate iudiciô meô. Alij legunt: *Ve-*
stivi me vestimentô, & diademate;
innocentiâ, & animæ puritate. Has
 vestes, ait D. Ambrosius, nobis com-
 paremus, hæc indumenta habea-
 mus, ut digni mensæ Domini assi-
 deamus. Confirmat hoc ipsum Hu-
 go Card. cap. 6. dum inquit: *Hæc*
sunt sola indumenta virtutum, qui-
bus anima potest cælesti placere Im-
peratori.

6. Alta hanc divinam Cænam
 contemplatus admiratione D. An-
 tistes Constantinopolitanus Chry-
 sosto-

so-
 Quis
 Ecce
 pascit
 culose
 mus i
 instan
 stulus
 Fratr
 exhib
 viver
 dicit
 ficut
 vitâ
 nis
 tiam
 Iden

28.
 ad h
 præp

Do-*sol*stomus, exclamavit quondam :
 s in- *Quis loquetur potentias Domini !*
 mit- *Ecce cælestis Pastor oves suas proprio*
 tum *pascit cruore, quid nos pro hoc mira-*
 o 29- *culoso ferculo vicissim. nostro parabi-*
 mus *Domino? Corpora nostra offera-*
 ade- *mus in hostiam, & holocaustum, quod*
Ve. instanter nobis præcipit Paulus Apo-
late; stolus Rom. 12. dicens: Obsecro vos
Has Fratres per misericordiam DEI, ut
 om- *exhibeatis corpora vestra hostiam*
 bea- *viventem, DEO placentem. Non*
 ali- *dicit, ut occidatis corpora vestra*
 Hu- *sicut victimæ cædi solent, sed, ut*
 Hæc *vitâ eis conservatâ mortificetis car-*
 qui- *nis concupiscentias per continen-*
 Im- *tiam, abstinentiam, & patientiam.*
 Idem Doctor Gentium 1. Cor. 11.
 nam 28. scribens, arctius illos monet, ut
 An- ad hanc cænam Domini accessuri
 hry- præparent se dignè, dum ait: *Probet*

autem se ipsum homo, & sic de pane illo edat, & de calice bibat. Supra quæ verba inquit Doctissimus Marchantius: Quenam est hæc probatio nisi vitæ, & conscientiæ diligens examinatio.

7. Probet ergo quisquè seipsum; scrutetur, & examinet cor suum; videat accensâ lucernâ, an in angulo conscientiæ non lateat aliquid venenosum; an affectus aliquis vitiosus, aut turpis, & tordida non delitescat cogitatio. Hæc enim viri secum trahunt, & quasi parvuli serpentes mordent conscientiam, & insensibiliter in mortem ducunt æternam, nisi per arduæ pænitiæ perimantur antidotum, & dolorosam evomantur confessionem. Probet iterum cor suum, antequam de
hoc

hoc pane edat. Hoc est: scrutetur
 quilibet qua intentione feratur, quò
 affectu impellatur, qua cordis muni-
 ditie, & præparatione ad hanc sacra-
 tissimam accedere intendit men-
 sam: qua contritione, & compun-
 ctione cordis afferat firmum pro-
 positum emendationis. Probet ulti-
 mò, & examinet linguam suam,
 quæ est quidem modicum membrum,
 sed non modica invehit mala; faci-
 le inflamatur à gehenna: diligen-
 ter igitur examinanda est, & studi-
 osè purganda; quia primum mem-
 brum est, quod Christum recipit;
 quod tremendo ejus nimis sanguine
 rubescit. Qua non igitur debet ni-
 tere puritate! Nam si repleta fuerit
 maledictionis amaritudine; nam si
 plena fuerit venenò mortiferò; vanis
 verbis, aut scurilibus; turpibus, &
 bla-

blasphemis; plena irrisione, & contentione; plena maledictis, & execratione: quomodo tali fece vitiorum deturpata poterit hunc cælestem degustare cibum? Expurgetur ergo prius ejus venenum lanceola validæ contritionis; extingvatur ignis ejus infernalis aquâ pænitentiae serveræ; extergatur omnis in ea maledictionis, blasphemiae, susurationis, contentionis, infamiae, irrisionis, pia, & integra Confessione: tunc modò primum cibum hunc cælestem sumat, tunc de calice benedictionis bibat; tunc mensæ Domini dignus assideat conviva.

8. 2. Reg. 9. 6. Invitat Rex David Miphiboseth ad suum convivium, & dicit ad eum, *Nè timeas, quia faciens faciam in te misericordiam, propter Jonatham patrem tuum,*

*tuum & restituiam tibi omnes agros
 Saul patris tui, & tu comedes panem
 in mensa mea semper. ibid. v. 7. Quô
 auditô respondet Miphiboseh: Quis
 ego sum servus tuus, quoniam respe-
 xisti super canem mortuum similem
 mei. ibid. v. 8. Fuit sarè Miphibo-
 seth regius Princeps filius Jonathæ,
 legitimus Regni successor: & ecce
 quomodò se humiliavit coram Da-
 vid, canem se mortuum appellan-
 do. Quomodò nos non majori jure
 debemus nos humiliare ad mensam
 divinam accessuri, qui plus quam
 mortui canes sumus, nullius virtutis
 habentes vigorem. Hinc ad nos
 S. Legislator noster Augustinus
 serm. 127. sat benignè, sed Zelosè
 ait: Obsecro vos dilectissimi Fratres,
 & admonéo, ut unusquisquè recurrat
 ad testem idoneum, id est conscientiam su-*

am suam; & si ibi aliqua peccatorum
 invenerit vulnera, confugiat ad re-
 medium lachrymarum: pœniteat se
 fecisse, quod fecit, quia de suis ini-
 quitatibus non accedet ad cœnam Do-
 mini iustus, nisi vera eum disposue-
 rit penitentia. Pergit ulterius & Le-
 gislator noster dicens: Accessuri ad
 cœnam Domini nostri, inspicite lati-
 bula cordis vestri, nè forte sint ibi
 aliqua peccata, quæ nondum sunt stri-
 clo divini amoris exusta dolore. Pu-
 ritatem vestrarum custodite anima-
 rum, gulam refrenate; ebrietatem
 fugite; odia deponite; susurationes, uti
 vera diaboli semina deponite, abiici-
 tequæ, pacem cum omnibus Fratribus
 habete, & sic in corpore, & anima
 iustificati, & ab omni depurati in-
 quinamento digni convivæ huic asside-
 bitis Cœne.

9. Hæc Augustinus, ego verò præsentem sermonem concludo verbis Adriani summi Pontificis, quæ ille ad unum Lothariæ Regem tenens in manibus sacram Eucharistiam locutus est, *Si te tua accusat conscientia; si lethali sauciatum proclamat vulnere, nequaquam sumere præsumas, nè fortè ad iudicium, & condemnationem tibi eveniat, quod fidelibus ad remedium divina præparavit providentia. Amen.*

Sermo II. pro Cæna Domini.

Cenantibus autem eis, accepit IESUS panem. & benedixit ac fregit, deditquè discipulis suis, & ait: accipite, & comedite: hoc est corpus meum. Matth. 26. 26.

I. **I**Nter solennes aliquando questiones

stiones jure merito quæri potest, cur
 Incarnata Sapientia Christus Domi-
 nus noster mundo valedicturus so-
 lenne Eucharisticum convivium
 post cœnam instituerit, ut clarè de-
 monstrat Lucas Evangelista 22. 20.
Post quam cœnavit. Cur, inquam,
 postquam cœnavit, instituerit hoc
 convivium? Acutissimæ, ac ingenio-
 sissimæ à Scriptoribus nonnullis af-
 signantur rationes: Quod est omni-
 um optimum, hoc debet esse ulti-
 mum. Sacratissima Eucharistia o-
 mnium optima, supra omnia ex-
 cellentissima, ideò in Cœna Domini
 ultimò locò asservata fuit. Serva-
 vit morem Christus Dominus nu-
 ptiarum in Cana Galilææ, ubi vinũ
 generosum extremò locò datum fuit:
 ita ille post ultimam cœnam hoc au-
 gustif.

gustissimum instituit Sacramentum.
 D. Gregorius in Glossa inquit: *Post
 cenam instituit Eucharistiam, quia
 post cenam nullum convivium restat,
 nec post hanc cenam melius quiaquā,
 & magnificentius DEI omnipotentia
 etsi sit infinitæ sapientiæ, infinitarum
 civitiarum, plus dare nescivit, plus
 dare non habuit, nec plus dare potuit.*
 S. Ambrosius ait: *Quid restat post
 cenam, nisi somnus? post Sacram Eu-
 charistiam nihil aliud desiderare pos-
 sumus, ac debemus, quam quietem
 eterne beatitudinis. Est Eucharistia
 ferculum, quale nunquam vidit anti-
 quitas. Delicatissimè, ac magnifi-
 centissimè nobiscum preccedit DE-
 US, qui in Eucharistia non tantum
 pascit mentem, sed & sensus exter-
 nos. At & hoc non postremam pa-
 rit quæstionem, cum enim Christus*
 Domi-

Dominus post ultimam cœnam hoc
 sacrum Eucharistiæ instituit convi-
 vium, quare hæc Eucharistia vo-
 catur Cœna magna! Respondet pur-
 puratus Hugo, homil. hodiernâ:
*Multa cause sunt, cur cœna Eucha-
 ristia, vocatur Cœna magna! Ma-
 gna cœna est, quia iste est maximus,
 qui ad ostendendas divitias potentie,
 sapientie, ac clementie sue hanc cœ-
 nam instituit. Magna cœna, à ma-
 gnis, exquisitissimis epulis, quia hîc
 est divinitas Christi cum omnibus per-
 fectionibus, anima Christi cum omni-
 bus virtutibus, caro Christi cum o-
 mnibus privilegijs, sanguinis Christi
 cum toto illoque infinito pretio. Sed
 præ omnibus alijs causis hæc vide-
 tur esse maxima cur cœna Eucha-
 ristica vocatur magna! quia maxima
 dona, maximas gratias in illa nobis
 contu-*

contulit Salvator noster, prouti ul-
teriori videbimus discursu. A. M.
D. G.

2. Scribunt Naturalistæ ho-
minem quò præstantioribus, & sub-
tilioribus utitur cibis, meliorem,
& firmiorem aquirere sanitatem.
Cum anima hominis sit pars subti-
lissima; cum sit purissimus spiritus,
ad sanitatem ejus meliorem, & sub-
tiliorem cibum non poterat inveni-
re Salvator noster, quàm pretiosis-
simum corpus suum sub speciebus
panis Eucharistici, per cujus sum-
ptionem ipsam ei tribuit immorta-
litatem attestante sacro Evangelio
Joann. 6. 59. *Qui manducat hunc
panem vivet in æternum.* Obstupe-
scunt ad tantum mysterium ex ore
sui Magistri audientes hæc verba
Apostoli, dum ajunt: *Durus est hic
sermo,*

sermo, & quis potest cum audire? ibid.
 v. 61. Utiquè dicitur in eodem Evan-
 gelio cap. eod v. 64. *Spiritus est,*
qui vivificat; caro autem non pro-
dest quidquam. Si nihil prodest,
 quomodò ergo qui illam comedunt
 vitam æternam habebunt? Respon-
 dent Sancti Doctores Augustinus,
 Cyrillus, & Bernardus: Carnem
 quidem Christi, si præcisè suma-
 tur, nihil prodesse; non enim ex se
 virtutum habet animas hominum
 vivificandi, sed quia semper est uni-
 ta Divinitati, & Divinitas sicut vi-
 ventium productiva est, ita & vivi-
 ficativa: ita quoquè & corpus Chri-
 sti Domini eandem vim habet per
 communicationē idiomatum. Quis-
 quis igitur Corpus Domini dignè
 manducat vivet in æternum.

3. Sed si ardua hæc verba fu-
 erunt

erunt Apostolis, nobis planè nullò
 modò facilia captu! Nonnè duode-
 cim Apostoli cum timore, & reve-
 rentia pane hoc Eucharistico vesce-
 bantur! nonne tot mira sanctitate
 conspicui post multas animi tribu-
 lationes, post plurimos corporis cru-
 ciatus, post ardua jejunia ad cæle-
 ste hoc accedebant epulum! & ta-
 men inevitabili succubuere fato!
Statutum est hominibus semel mori.
 Hebr. 9. 27. Quomodò ergo verba
 hæc noster miser intellectus concipi-
 pere potest, quòd quicunq; panem
 hunc, corpus scilicet Domini nostri
 JESU Christi manducaverit, vive-
 re debeat in æternum; cùm nemo
 sit, qui mortem effugerit, aut effu-
 gere possit! Ad hoc respondet ipsa
 Incarnata Sapientia, dum Joann.
 11. 25. ait: *Etiam si quis mortuus fu-*
erit,

erit, vivet æternum. Minimè trepidandum est: sancitum quidem est in cælesti consistorio, ut quilibet nostrum lethali Libithinæ falce corruat succisus, verum tamen inquit æterna veritas, si quis hoc cælesti pane dignè, piè, ac devotissimo affectu, unàquè teraphico amore reflectus fuerit, etsi mortuus fuerit, vivet in æternum, quia ego resuscitabo eum in novissimo die. Ecce quàm maximum animæ nostræ donum ex hac Eucharistica Mensa, nempe immortalitas.

4. In veteri illo Testamento severè DEUS præcipiebat summo Synagogæ Sacerdoti, ut in medio Templi decenter apparatâ mensâ panein récenter assum exponeret, ut quicunque alicujus noxæ conscius Tempium illud ingressus esset, De-

oquè

oquē reconciliari vellet, per illius
 comestionem ferventi accensus in
 DEUM charitate domum suam in-
 nocens rediret. Christus Dominus
 Summus Ecclesiæ suæ Catholicæ
 Pontifex videns nos peccatorum
 pondere aggravatos, & in servitio
 suo languidos, exponit hodie in al-
 tari sacratissimum Corpus suum, ut
 omnes huc congregati, & per ve-
 ram humilitatem, per intentissimum
 ejus amorem ei reconciliati, ab hoc
 ejus cælesti pabulo ferventiùs in
 DEI charitate incalescamus, & ju-
 stificati ab eo recedamus. Hic ci-
 bus confert homini magnum fru-
 ctum; quia eundem replet gratia
 sanctificante. Ecce quantam grati-
 am recipimus in hac Eucharistica
 cæna, si dignè, si sanctè ad illam ac-
 cedimus, nempe justificationē nostrā.

5. Esther cap. i. refert sacra
 Historia quod Asverus Rex, qui re-
 gnavit ab India usquè Æthiopiam
 super 127. Provincias, tertiô Impe-
 rij sui annô, cunctis Principibus,
 & Præfectis suis splendidum insti-
 tuit convivium. Videre ibi erat
 splendidum apparatus; mensas ex-
 quisitissimis instructas dapibus; ge-
 nerosa vina; aureos sciphos; cultis-
 simos hospites, qui digni tanti Re-
 gis tanta mensâ fuerunt. Christus
 Dominus, cum sit non 127. Provin-
 ciarum, sed universi orbis Dominus,
 lautissimum hodie non propter Prin-
 cipes tantum, sed propter universum
 mundum præparavit convivium, in
 quo non terrestribus ferculis; non
 ferinis dapibus non volatilium cu-
 pedijs, sed suo pretiosissimo corpo-
 re; sacratissimo sanguine unum-
 quemq;

quemq; nostrum tractat. Cibus hic ineffabilis gustus est, qui cælesti repletur ambrosia. Cibus hic delicatissimus tantæ est virtutis, ut quicunque illô dignè, & piè vescitur, quidquid molestiarum ei acciderit, non eum conturbabit testante ipso Salvatore, qui Joann. 16. 20. ait: *Tristitia vestra vertetur in gaudium.* Cibus hic confert dignè sumentibus maximos honores, quia hominem in DEI filium transformat; confert sublimes prærogativas, quia hominem facit Christi fratrem; confert deniquè summâ privilegia, quia hominem efficit cælestis patriæ hæredem. Bene hîc Seraphica Virgo Terefia inquit: Unica Synaxi cum magna fidè, profunda humilitate, ardenti amore posse animam nostram ingenti cælestium donorum

Iocupletari thesauro. Et verè sera-
 phicè locuta est hæc D. Virgo, nam,
 ut asseverat S. Ambrosius de hoc
 Augustissimo Sacramento: *Si vul-*
nus curare desideras, medicus est; si
febris æstuas, fons est. Si gravaris
iniquitate, iustitia est; si auxiliò in-
diges, virtus est; si mortem times, vi-
ta est; si celum desideras, via est; si
tenebras fugis, lux est; si cibum que-
ris, alimentum est. En quanta nobis
 dona ex hac sacratissima Eucharisti-
 ca mensa cumulare possumus, si di-
 gni; si intaminato corde; si fervido
 amore; si Zelosissimo affectu; si vi-
 va fide ad illam accedemus. Audi-
 amus quid dicat non sinè magno
 stupore Hyponensis Antistes D. Au-
 gustinus: *Dives est Christiana Reli-*
gio, que in omnium possessore, nem-
pe DEO, omnia possidet.

6. Apud antiquos homines celebrabatur solenne convivium, quod vocabant, finis amicitiae, quasi jam non poterat ultra major amicitia ostendi, quam in illo convivio. In illo convivio hospes, id est, qui tractabat, solebat sibi e vena sanguinem mittere, exceptum calice vinum miscere, & sic propinare amicis. An non majori titulo convivium Christi, cæna hæc Eucharistica, quam hodie nobis præparavit Salvator noster vocari potest, & debet convivium amoris, finis amicitiae; cum quid ultra dare potuit, non habuit, quando se totum in animarum nostrarum tradidit saginam. Invitat igitur hodie nos omnes verè plus quam ad regale convivium, ut nos in seipsum transmutatos efficiat immortales; ut restauret conscientias nostras

nostras omni puritate, ut vires animæ conferat ad serviendum sibi fincerè.

7. Accedamus proin ad hoc cæleste pabulum cum maxima, qua possumus humilitate, pietate, sanctitate; ac reverentia. Si enim beatæ illæ mentes omni, quo possunt modo venerantur Christi præsentia, nos quoquè quicumquè ad Sanctissimum Eucharistiæ Sacramentum; ad hanc cænam magnam accedimus, præsentem summa conscientia puritate adoremus. Duplex adveniendi Christo Domino aperimus organum os scilicet, & linguam: si igitur in salutem animarum nostrarum suscipere volumus Corpus Christi, nihil sit in ore noxium; nihil in lingua fætidum; nihil in corde sordidum, sic sinè offensa manducabimus hunc panem,

panem, qui est fons salutis; causa
 prædestinationis, & certissima spes
 nostræ redemptionis. Et quamvis
 haberemus Angelicam puritatem,
 & S. Joannis Baptistæ sanctitatem,
 adhuc non essemus digni hoc Sacra-
 mentum tractare, & suscipere. Non
 enim hoc meritis debetur hominum,
 quòd homo sumat in cibum, panem
 Angelorum. Quare etsi cælestes,
 & tam igniti, ut Cherubim, & Se-
 raphim esse non possumus, con-
 mur tamen tam fervidè devotioni
 insistere, corda nostra præparare, ut
 saltem modicam divini incendij
 flammam ex humili, & devota hu-
 jus vivifici Sacramenti sumptione
 conquiramus. Hoc enim altissimum,
 divinissimum, ac sanctissimum Sa-
 cramentum salus est animæ, & cor-
 poris

poris nostri; medicina omnis spiri-
tualis languoris, in quo vitia nostra
curantur; passionēs frænantur; ten-
tationes vincuntur; gratia major a-
nimæ infunditur; virtus incepta au-
getur; firmatur fides; spes roboratur,
& charitas DEI magis ignescit.
O! felix mens, ac beata anima, quæ
Dominum DEUM suum merebitur
hodie devotè intra sua viscera
fascipere. Hanc gratiam da nobis,
qui vivis, & regas in sæcula sæcu-
lorum. Amen.

Sermo III. pro Cæna Domini.

Et vos mundi estis, sed non omnes.

Joann. 13. 19.

1. **C**ujus hæc verba sunt RR. PP.
Fratresque amantissimi! dici-
te mi-

te mihi. Utiquè ille hæc dixit, qui scrutator est cordium; cui nota sunt omnia; qui obstrusam nostram conscientiam clariùs, quàm sol orbem penetrat universum. Ille hæc dixit, qui cuncta novit, quæ cuncti ignorant. Ille hæc dixit, qui orbis scelera longè, quia de excelso cælorum throno acutè prospiciens, agnovit, & sub candido vellere turpem conscientiaë labem, ideò palam dicit: *Et vos mundi estis, sed non omnes.* Quid dulcius, quæso, quid optabilius esse potest, quàm de ore æternæ veritatis suæ innocentiaë habere testimonium: *Et vos mundi estis:* sed quid lachrymabilius, quàm de ore hujusce Veritatis suam audire condemnationem: *sed non omnes.* Et quare hoc? An non omnes sumus vestiti habitu illo, qui

qui est vestimentum salutis, quò
quondam indutus Isaias Propheta
gloriabatur dicens: *Gaudens gaudebo in Domino, & exultabit anima mea in DEO meo: quia induit me vestimentis salutis.* Isai. 61. 10 An non omnes sumus illo vestiti habitu, qui est vestimentum lætitiæ, quò ornata Judith Religiosa Mulier suum, & patriæ suæ capitalem devicit hostē, cum summa orbis Isrâelitici lætitiâ! An non omnes sumus illo vestiti habitu, qui est vestimentum gloriæ sicut vestis illa Aaron, de qua Exod. 28. 2. dicitur: *Facies vestem sanctā Aaron fratri tuo in gloriam!* Utiquè vestis Religiosa, est vestis puritatis; est vestis solennitatis, quæ virtutibus tamquam florum nitet splendore! Vestis Religiosa, est vestis dignitatis, quam Principes, Nobiles, ipsiq;

ipsiq; honorant Reges! Quare ergo
mundi sumus, sed non omnes! Nisi
fors ideò sicut ait S. Leo Papa: *Ne-
cesse est de humano pulvere etiam re-
ligiosa sordescere corda.* Hoc est:
sanctis etiam, ac perfectis viris mi-
nutas sæpe inesse maculas culparum.
Sed appage hinc quisquis mundano
sordium pulvere suam novit detur-
patam conscientiam. Sanctum Do-
mini Pascha celebraturi sumus; ut
igitur mundi omnes appareamus ne-
cesse est. Mensam Domini accessu-
ri sumus, ad quam, ut dignè acce-
damus, priùs de condigna præpara-
tione breviter loquamur. A. M.
D. G.

2. Math 14. 14. Dominus, &
Salvator noster tractaturus turbam
magnam in spatiosis campis ferè
quinquè millia hominum, priùs illā
visi-

visitavit, & quos debiles, ac infirmos invenit, sanavit, ut sacer innuit
 Textus: *Misertus est eis. & curavit languidos eorum.* Quare hoc? fortè non habuerunt appetitum, & gustum alicujus cibi; nequaquam; sed ideo, quia illa tractatio figura fuit Eucharisticæ Mensæ. Ideo ergo hoc fecit, ut doceret prius esse sanandos peccatores per pœnitentiam, quàm ad Mensam Domini accedant, quia hoc Sacramentum vivorum, & benevalentium est, non pusillorum, aut languidorum. Et sicut cibus sanorum nocet ægris; sic Eucharistia obest malis. Unde enim, quæso, fit, quòd pleriquè post sacram Communionem adhuc tam infirmi, tepidi, fragilesquè sint? Cur hoc sanctissimò cibò non impinguantur, & roborantur? Cur non velut leones ignem spiran-

spirantes, & diabolo terribiles re-
 cedant? Nisi quia validorum cibū
 sumpserunt languidi; Confessionem
 obiter fecerunt; sinè accurato exa-
 mine; sinè serio dolore; sinè firmo
 proposito emendationis. Cibus sa-
 cratissimus, quem nobis in his Pa-
 schalibus gaudijs offert Salvator
 noster, Cibus est Angelicus: *Panem*
Angelorum manducavit homo. Psal.
 77. 25. ergo instar Angelorum puri,
 & fortes esse debent, qui cum fru-
 ctu cælestem hunc panem sumere
 optant, desiderantquē. Pulchrè hic
 ait S. Cyprianus serm. de lapsu ho-
 minis sic scribens: *Quando ergo vi-*
ri esse debent, qui ad hanc Cenam
Domini sedere volunt, videat unus-
quisquē, ut acuratè, & fortiter se
lavet in Confessione, & abstergat sa-
tisfa-

*ti*sfactione quantò enim magna deliquimus, tantò granditer defleamus.

3. Exod. 16. 4. Existenti populo suo educto de servitute Babylonica in deserto, & magnâ alimenterum penuriâ presso, Dominus pluens manna sic loquitur ad Ducem illorum Moysen: *Egrediatur populus, & colligat, quæ sufficiunt per singulos dies.* Verè res magno stupore digna: populus ille in actuali via fuit in deserto, non sub tecto, sed sub solius cæli umbra residens. unde ergo ad colligendum manna egredi debuerat: *Egrediatur populus.* S. Rupertus scribens in hunc Textum ait: *Quòd Dominus egredi mandaverat populo non de domibus, quas non habuit, non de tabernaculis, quibus carebat, sed, ut dignè hoc de cælis colligat manna egrediatur prius de pri-*

de pristiua sua pessima conuersatione,
 id est, de nequissimo illo murmure;
 de antiquis illis sordibus peccatorum,
 quibus contra DEUM, dum contra
 Duces ab illo constitutos pessimâ suâ
 consurgebat linguâ. In hac paschali
 mensa, cæleste nobis est præparatû
 manna, ut itaquè dignè illud, & re-
 verenter colligamus necesse est, ut
 de antiquis inveteratis in nobis e-
 grediamur vitijs; de murmure pessi-
 mo, de lingua infami etiam inno-
 centes veluti cultrô acutissimô bo-
 nâ excoriantes famâ.

4. Exod. 12. 8. ad comeden-
 dum agnum paschalem DEUS Ju-
 dæis assignavit tempus vernale,
 quô totus post hyemem quasi post
 senium reflorescit orbis, quô tellus
 universa vario florum condecora-
 tur colore. *Edent carnes - - assas
 igni,*

igni, & azymos panes cum lactucis
agrestibus. Hoc considerans supra
citatus Rupertus ita ad omnes Agrū
Paschalem Christum Dominum sci-
licet in Eucharistia sumere cupien-
tes inquit: Nonne sensatum decet
hominem, quatenus renovatus spiritu
mentis suæ, fide viridis, spe letus,
charitate floridus, amore Zelosus, pie-
tate seraphicus, puritate Angelus Pa-
schalis Agni intersit epulis. Aurō,
cedrōquē notanda verba, qui enim
ita quasi renatus accedit ad Sancta
Sanctorum, jam effugit illud terribi-
le, quō Apostolus 1. Cor. ii 29. scri-
bens minatur: *Judicium sibi man-
ducat, & bibit.*

5. Exod. 19. 10. Descensurus
Dominus in nube ad dandam legem
intolenti, & toties rebellione nota-
to populo, hanc præprimis cum
Moy-

Moyſe ſervo ſuo habet conferentiā:
*Sanctifico illos hodie, & cras; lavent-
 quē veſtimenta ſua, & ſint parati in
 diem tertiam: die enim tertia deſcen-
 det Dominus coram omni plebe. Si
 DEUS præcepit filiis Iſraël, ut ſan-
 ctificarentur, ut lavarent veſtimenta
 ſua unicè ad percipiendam legem
 divinam, conſideret unusquique
 noſtrum quāto major puritas, ex-
 cellentior ſanctitas requiritur in no-
 bis, ut non jam legem, ſed ipſum
 Legislatorem dignè ſuſcipiamus.
 Hoc nobis exemplificans S. Legis-
 lator noſter Auguſtinus ſic alloqui-
 tur unumquemque: *Rogo vos Fra-
 tres! nunquid eſt aliquis veſtrum,
 qui in arcam ſordibus plenam velit
 reponere veſtem ſuam? ſi ergo in ar-
 cam ſordibus plenam veſtis pretioſa
 non reponitur, qua fronte in anima,**

H

que

quæ sordibus peccatorum inquinata est corpus Domini sacratissimum suscipitur. Communionis tempus non est festum, atquæ celebritas, sed conscientia pura, vitaquæ à peccatis repurgata. ajc S. Chrysoſt

6. Exod. 12. 11. Inter alias ceremonias, quas DEUS præscripsit populo suo in sumptione agni paschalis fuit hæc, ut baculos tenentes in manibus illum lumerent: *Tenentes baculos in manibus, & comedetis festinanter.* Utquid rogo ista ceremonia? Num potius cultros, & non baculos deberent tenere? Respondet Doctor Angelicus S. Thomas dicens: *Baculus significat iustitiam: quando ergo præcepit DEUS Judæis, ut baculos teneant in comedendo agno paschali, nos profectò docuit, ut nos prius de nostris excessibus iudicemus*
ante-

antequam ad sacram accedamus communionem.

7. Proverb. 23. 2. Præcepit olim Salomon cunctis ad mensam Principis accedentibus, ut cultrum statuunt in gutture suo: *Quando sederis ad mensam cum Principe, statue cultrum in gutture tuo.* Variam, fateor, hæc scriptura habet explanationem, sed unam accipio, quam affert Doctissimus Hugo, id est: *ut iuguletur in te vetus homo.* Ad mensam hodie magni Principis, quia ipsius DEI accessuri sumus, necesse est ergo, ut cultrum nostro apponamus gutturi veterem in nobis hominem, plenum vitijs; plenum peccatis, ac vitâ ipsa pessima jugulemus Caveamus nè contingant nobis verba illa Christi Domini, quæ Judæ nequissimo contigerunt indignè

ad hanc sacratissimam mensam accedenti: *Unus ex vobis diabolus est.* Joann 6. 71. *Angelica reverentia opus est,* ait S. Augustinus, *cum ad altare accedis; Christus enim sumitur.*

8. Joann 13. Veniens Christus Dominus ad cœnaculum, quod parari jussèrat antequam traderet seipsum in cibum Apostolis, primò voluit lavare pedes ipsorum. Quare hoc? Ecce ait V. Beda, *Hoc fecit JESUS, ut summam innocentiam ad sacram Euchariam suscipiendam requisitam esse demonstraret.* Nullus ergo, clamat D. Chrysostomus, *accedat ad hanc divinam mensam avarus, nullus Judas, nullus hypocrita, nullus in corde odium retinens, nullus ambitiosus, quia hic partem cum demonibus habet. Accedamus omnes*

omnes ad illam mente, & corpore casti, corde humiles, conversatione sancti, & ab omni prorsus culpa liberi, laventur corda aquâ lachrymarum compunctionis. O! affidat omnes sic ad se accedentes de æterna salute ipse Salvator noster Christus Dominus cujus verba pro coronide pono relata apud Domini Evangelistâ Joann. 6. 59. *Qui manducat hunc panem, vivet in æternum. Amen.*

Sermo I pro Vigilia Immaculatæ Conceptionis B. M. V.

Liber generationis JESU Christi.
Matth. 1. 1

I. **I**N aperto est Dilectissimi Librum nobis proponere Domini Evan-

ni Evangelistam in Evangelio crastinae Festivitatis. Qualem Librum certè illum, qui omni mendo, qui etiam minimò caret erratò, qui denique nulli subjacet suspitioni. Et quis invenietur talis, qui Librum hunc non optabit terere cum gustu, volvere, & revolvere sinè fastidio? quis dare gestiet Libro huic repudij libellum? Liber hic suavis lectu, memoriâ dulcis, auditu amarus, & jucundus. Liber hic, ille est, in quo confectus est nostræ libertatis libellus; Liber hic, ille est, in quo adversus mortem confecta sunt arma: *Inimicitias ponam inter te, & mulierem.* Gen 3. 15. Liber hic, est illud templum, in quo DEUS ipse secundum Ordinem Melchisedech factus est Sacerdos. Liber hic, est ille deliciarum hortus, ex quo multipli-

tiplices gaudiorum colliguntur flores. Verè paradisus DEI est Liber iste; quia lignum vitæ inde proferitur. Liber hic, est illa concha, quæ viva manens de intemerato sanguine suo, rubrum ad instar purpuræ lucens Paludamentum pro rerum omnium Rege tinxit, & simul per illud nuditatem operuit Adami. Liber, inquam, hic, est illud confatorium, in quo conflatum est aurum, & decoctum ad purum; natura humana ab omni labe purgata, verbo unita; formatus annulus, lapis pretiosus; & in eo imposita est forma summi Regis, & imago impressa, & plenè expressa. Aurum optimū Caro Christi; lapis pretiosus anima Christi. figura, & imago, Patris, divinitas Christi. Qui cū sit *splendor gloriæ*, & *figura substantiæ eius*; Hebr. i. 3.

nihil-

nihilominus humanitati nostræ est unitus; ut ex duabus naturis, esset quasi in unū annulū junctus Mediator DEI, & hominum, Homo Christus JESUS, & fieret dexteræ Excelli ornatus. Pando quod sentio; mysteriū aperio, Liber hic est Virgo Maria orta de Tribu Juda, clara ex stirpe David, *de qua natus est JESUS*, qui vocatur, Christus. Ergo hæc facta est illius Mater, qui cælum condidit, & terram, & qui non fecit peccatum, nec in cujus spiritu inventus est dolus! Quis jam pessum ibit hanc originali culpæ subjacuisse? Certè contra ejusmodi optimè militabunt rationes, quas ulteriori adducam discursu. A. M. D. G.

2. Nullus dubito scelus impijssimum fore, peccatum actuale etiam veniale in purissima Virgine ponere,

nere, equidem, ut Sol Doctorum
 S. Thomas 3. p. q. 27. art. 4 adver-
 tit non solum, sed & palàm docet,
 minimè esset apta, idoneaque in ma-
 trem DEI, si aliquando peccato
 consensisset; originalem verò cul-
 pam longè majorem veniati pec-
 cato, quod nullatenus gratiæ DEI
 est sublativum, omnes Scholæ con-
 testantur: atque adeò Beatissima
 Virgo haudquaquam originali sub-
 jacuit noxæ. Eapropter D. Legisla-
 tor noster August. libr. de natura,
 & gratia optimè subinfert dicens:
*De Beata Virgine propter honorem
 Christi nullam prorsus, cum de pecca-
 to agitur, habere volo questionem.*

3. Nequè verò quempiam pos-
 se supputo negare Divinam illam
 Nemesisin potuisse ex suo inexhausto
 gratiarum thesauro conferre privi-
 legi-

legium illud Sanctissimæ Parenti,
 quod æquivaluisset iustitiæ originali,
 sicquæ eam à quavis præservare no-
 xa, quod si potentiæ limites haud
 excessit, cur, quod excellentius est,
 Matri Domini non tribuimus? Affër-
 tum hoc, ut tantò majori efficacia
 fulciatur, testem appello S. Ansel-
 mum à Joanne de Dun: Scoti libr.
 3. distinc. 3. q. unica relatum, & di-
 centem: *Nonne castaneæ molli DE-
 LIS confert, ut inter spinas, & à spi-
 nis alatur, & formetur? Non-
 ne hoc potuit facere Matri suæ?
 Planè potuit. Quod si potuit, & vo-
 luit: si voluit, & fecit. Quare Spon-
 sus ille cælestis cant. 2. 1. laudat
 Sponsam suam: Sicut lilium inter
 spinas, sic amica mea inter filias.*

4. Nemo quicquæ dixerit sen-
 tentiæ huic tam sanctæ Sanctorum
 Docto-

Doctorum oracula esse inimica,
 imò in tantum favent, quòd illam
 luce meridiana reddant clariorem.
 Nonnè S. Ambr. l. i. hexam. c. 8.
 negat in lumine vitæ tenebras mor-
 tis debere inquire; cum nequeat
 quidquam adinveniri splendidus
 illâ, quam splendor elegit? Nonnè
 S. Aug. serm. 20 ad FF. in Erem.
 sive 10. de Nat. Chr. palàm coram
 toto mundo fatetur dicens: *Sicut in
 celo, qualis Pater, talis & Filius;
 sic & in terra, secundum carnem,
 qualis est Mater, talis & Filius.*
 Nonne S. Germanus Archiepisc.
 Const. serm. de dorm. Virg. ma-
 jorem dolorem animæ astringit hâc
 immaculatâ privari, quàm corpori
 ultimum dicere vale. Nonnè Jde-
 phonfus l. de parturit. Virg. con-
 stanter asseverat constare eam ab
 omni

omni peccato originali fuisse immunem, per quam non tantum maledictio matris Eux soluta est, verum quoque & benedictio singulis condonatur. Carnem verò Virginis ex Adam assumptam maculas Adæ nequaquam admisisse, sed in candorem lucis æternæ conversam esse testatur Petrus Damiani serm. de Assumpt.

5. Certè ad hoc DEI Filius decrevit ex muliere nasci, ut destrueret opera diaboli, & maxime peccatum mundi, quod ejus malitiâ, dum Evam decepit, introductum est. Si ergo Christus Amen mulieris, per mulierem Matrem suâ contriturus erat caput serpentis, quod est peccatum originale, reliquorum peccatorum caput; æquum erat, ut mulier ista benedicta illâ macu-

maculâ non contaminaretur. Et si
 ædes Rahab DEUS ab incendiij
 conflagratione defendit Jos. 6. 25.
 quomodo Sanctissimam Matrem ab
 originali peccato non præservâisset?
 Si stabant aquæ Jordanis impetum
 continentes, cùm transiret arca Do-
 mini Jos. 3. 16. quasi venerando nè
 contingerent fluxu: & non cessisset
 culpæ originalis inundatio reveren-
 tialiter parcendo Virgini Matri, quæ
 vera arca DEI est; nè in concepti-
 onis transitu naufragium pateretur?
 Si fuerunt Jonas, & Daniël à mor-
 te illæsi præter ordinem naturæ;
 unus in ventre ceti, alter in lacu le-
 onum: an non servârit DEUS Ma-
 trem illæsam in utero Annæ à mor-
 te spirituali, & à monstro terribili o-
 riginalis peccati? O mi DEUS! vas
 in quo

in quo locandum erat manna calicum ex auro purissimo Moyſes ex præcepto tuo fabrefecit: & Virgo præclariffima, in qua collocandus erat panis vivus, qui de cælo deſcendit, non ſine immunditia originalis culpæ fuit concepta;

6. Hanc doctrinam pientiffimam approbat Sancta Eccleſia Romana, enimverò in Concilio Baſilienſi ſeſſ. 39. determinatum & ſtatutum eſt publicò decretò, quòd doctrina aſſerens Virginem Mariam nunquam ſubjacuiſſe peccato originali, tamquam pia, & conſona cultui Eccleſiaſtico, Fidei Catholicæ, rectæ rationi, & Sacræ Scripturæ ab omnibus Catholicis eſt approbanda, tenenda, & amplexanda, nullq; licitum fore deſinit. ibidem ſancta Synodus contrarium prædicare, ſeu docere.

7. Ea-

7. Eapropter nemo vestrum
 Dilectissimi impostero animò hæ-
 sitet aut suspendatur de intaminata
 Conceptione Virginis Mariæ Ma-
 tris DEI, ast, ut honor Matris in
 Filium refundatur, singuli eam pu-
 ram, ac sanctam, expertemquè à la-
 be originali prædicemus. Filij ejus
 omnes sumus, eam ob causam fer-
 venti zelo ejus honorem tutemur,
 defendamus, promoveamus, con-
 servemus quantum vires patiuntur
 est necesse. Ad quod præstandum
 ipsa utiq; nos invitat, incitatvè dum
 apud Domini Sapientem Eccli. 24.
 31. continuò inclamat: *Qui elucidant*
me vitam eternam habebunt.

Quam conferat nobis il-
 le, qui vivit, & regnat
 per omnes æternita-
 tes. Amen.

Sermo

Sermo II pro eadem Vigilia.

*In transmigratione Babylonis , &
post transmigrationem Babylonis.
Matth. .I. II. 12.*

I. **T**Ametsi primus generis humani parens Adamus præceptum à DEO acceperit, nè de ligno in medio paradisi plantato vesceretur; benevolo attamen, & tenero in conjugem suam amore ductus, & victus divinum mandatum est prævaricatus. Unde & ipse, & conjux, & nos quotquot sumus mortales è paradiso deliciarum horto ejecti, & in orbis exilium pulsi, & relegati sumus. Eapropter, quòd defactò infinitis, ut ita loquar, præmamur, & opprimamur malis; quòd *statutum*

tum sit hominibus semel mori Hebr.
 9. 27. quòd tot crudelia, & exotica
 bella in orbe sint excitata; quòd ur-
 bes usurarijs, sylvæ, & saltus præ-
 donibus, domus furibus, mare py-
 ratis, tribunalia iniquis judicibus
 plena sint; quòd omnis scientiæ bo-
 nò vacui, adeoq; rudes nascamur;
 quòd proni sint sensus nostri ad ma-
 lum ab adolescentia sua, & caro
 spiritui contradicat; quòd nondum
 lucis usurâ donati candidâ innocen-
 tiæ spoliemur veste; quòd prode-
 mus in hunc mundum filij iræ, &
 vindictæ; quòd tanta pars hominũ
 cæcò modò ruat in tartara lacu sem-
 piterni; quòd ira, & odium, & o-
 mnis mala voluntas in orbe terra-
 rum dominetur, augeaturvè dies in
 dies. Ista, aliaquè id genus innume-
 ra, pænæ sunt, & suplicia, quibus

Adæ culpam unicam, pomi morsu
 DEUS justissime castigat. Ex hoc
 namquæ draconis foco tantæ vipe-
 ræ prodivêre. O infelix morsus! in-
 felix suggestio serpentis! *Eritis*
sicut dij. Gen. 3. 5. Ah quàm longâ,
 & arctam pænitentiam egerunt pri-
 mi Parentes de hac prævaricatione,
 minimè tamen pro illa satisfacere
 potuerunt cum in nos omnes per na-
 turalem propagationem diffundatur
 excenta Virgine Beatissima Maria.
 Patebit hoc ex dicendis. A. M.
 D. G.

2. Cant. 4. 8. Magnis enco-
 miorum laudibus celebrat Sponsus
 cælestis Sponsam suam dilectissimâ
 pulchritudinem ei, & venustatem
 omni ex parte, attribuens quâ vulne-
 raverat cor ejus in uno oculorum.
Tota pulchra es amica mea, & ma-
cula

cula non est in te. Res, quæ dicitur
 pulchra, ex eo dicitur esse talis,
 quod quaquà versùs talis habeatur,
 & plus quàm talis: sitq; pulchra,
 quæ eodẽ modò semper se habet;
 ita, ut nec oriatur, nec intereat, ne-
 què augeatur, nequè minuat: ne-
 què partim pulchra, partim turpis
 sit; nequè hoc tempore pulchra sit,
 alio verò non item niteat. Atque
 adeò taliter explicata pulchritudo
 ubi quæretur si non in concavo lunæ
 Maria Virgine excepta: quodlibet e-
 nim, cui natura parens indidit, aut so-
 lertia humana excogitavit quempiã
 decorem, labente temporis cursu
 necesse est in eodem statu haud
 permanere. Sic aurum rodit rubi-
 go; pannum tinea depascit; acupi-
 cturæ subjacent vetustati; prata ve-
 re oculos delectant amænitate, hy-

eme nivibus sepeliuntur; flores modò
 oriuntur, modò marcescunt, modò
 moriuntur, seu in nihilum redigun-
 tur. Adeoque res omnis quantum
 habet de mutatione, tantum quo-
 què habet de ipso non esse, hæc-
 què mutabilitas nihil aliud est, quàm
 mors quædam, quæ dum rem quam-
 libet in aliam immutat, quasi occi-
 dit, quod fuerat; ut incipiat esse
 quod non erat. Floret juvenis ma-
 nè rubescitquè, ut rosa, meridie ni-
 grescit, vespere vultu palefcit. Ubi
 decor, ubi pulchritudo? Tempus
 absumpsit, tempus consumpsit.

3. Pulcherrima pulchritudo o-
 mnium pulchrorum Beatissima Vir-
 go Maria, imò pulchrorum omniū
 summum decus, & ornamentum,
 cui Divinum illud elogium sugge-
 stum

stum ab æterno Verbo Salomoni:
Tota pulchra es haud conveniret, ut
 advertit Oliva tom. 2 conc. 2. in
 Festo Immac. Conc. si in concepti-
 one immaculata non fuisset: ideo-
 què si Matri DEI id non conveni-
 ret ob contagium originalis noxæ;
 nè inanè, & fabulosum foret; debe-
 ret mundus expectare à cælo muli-
 erem Mariâ majorem, quæ ex luto
 Evæ compacta non esset, cui jure
 dici posset: *Tota pulchra es, & ma-*
cula non est in te. Eapropter Idiota
 contempl. &c. c. 3. optimè, & do-
 ctissimè subinfert concludendo di-
 cens: *Tota pulchra es Virgo glori-*
osissima: non in parte, sed in toto: &
macula peccati, sive mortalis, sive ve-
nialis, sive originalis, non est in te;
nec unquam fuit, nec erit.

4. Revera res admiratione

non

non mediocri, & notatu diligenti
dignissima est, quod nec perfidus,
atque impurissimus Mahomes pu-
rissimæ Virgini Mariæ hanc præro-
gativam, quod duntaxat absquæ la-
be peccati originalis fuerit concepta
neget uti legere est in Mezlin, &
Albacori Alcorani ejusdem; cum
plurimi Christiani hanc ei ultroneè
per fas, nefasvè pernegaverint. Uti-
nam ejusmodi sapiant, velim, & il-
lud memoriâ non postremum, quod
in Chronicis Fratrum Seraphici Pa-
tris 3 p. l. c. 47. evenisse annotatur,
alta retineant mente. Enimverò
cùm Doctor quidam in sacra The-
ologia Rector Universitatis Tholo-
sæ publicè populo persuadere vellet
gloriosissimam Virginem Mariam
DEI Matrem in originali culpa fu-
isse conceptam, maximâ furiâ, &
totius

totius concursu populi ab ipsa urbe
 expulsus fuit: qui postea Romam
 petens apud Summum Pontificem
 Martinum quintum de injuria sibi
 illata conquestus est. At cum Sum-
 mus Pontifex auditô, & intellectô
 meritô causæ discussionis disputati-
 onisvè diem assignaret, & plurimi,
 ijquè gravissimi Magistri ad hoc
 negotium pacificandum conveni-
 rent: cumquè Doctor ille ad dispu-
 tationem non venerit, nec in loco
 designato comparuerit, eum vocari
 jussèrunt, & quæsitum in cellula e-
 jus mortuum invenerunt, quod ma-
 ximam admirationem, magnumq;
 terrorem incussit omnibus, qui il-
 lius partes agebant, ipsiusq; opinio-
 nem tuebantur. Revera horrendus
 casus, ast jucundiorè audite:

5. 1496. Annò Scotus in dispu-
 tatio-

tatione, quam habuit cum Discipulis Alberti, cognomen Subtilis accepit. Cum idem Doctor ad defendendam Beatissimæ Virginis Mariæ Immaculatam Conceptionem (uti notat Lacor. Chrysog. S. J. Mundi Mariani part. 2. disc. 5) contra illius adversarios descenderet in arenam, brevemquè illam precatunculam: *Dignare me laudare te Virgo Sacrata, da mihi virtutem contra hostes tuos*, præmisisset ante ejus Simulacrum; ipsa Mater benignissimè se se illi inclinare non est dedignata: & in hodiernum diem inclinato capite conspicitur perseverare.

6. En! Vidimus jam (quamvis brevibus) Beatissimam Virginem Mariam sinè originalis culpæ noxa conceptam: modò superest, ut nos peccatorum sordibus totos inquin-

quinatos ad purissimæ hujus Vir-
gis pedes prosternamus, & per eam
culparum nostrarum omnium veni-
am obtestemur, precemurvè, ut o-
pe misericordiæ ejus à peccato simus
semper liberi, & à peccandi peri-
culis securi. Quod, ut eveniat, can-
dido exopto corde. Amen.

Sermo III. pro eadem Vigilia.

*De qua natus est JESUS, qui voca-
tur Christus. Matth. i. 16.*

I. **P**OSTquam primus ille generis
humani Parens Adamus sto-
lam justitiæ per prævaricationem di-
vini mandati morsu pomi de ligno
vetito amisisset; futurum erat, ut is
unà nobiscum omnibus sub tartarea
potestate æternùm gemuisset. Ve-
rùm

rūm misericordissimus DEUS, cui
*proprium misereri semper, & parce-
 re, cogitavit super nos cogitationes
 pacis, & non afflictionis* uti inquit
 Domini Propheta Jer. 29. 11. Cogi-
 tavit, & decrevit Unigenitum suum
 mundo Redemptorem dare. Unde
 S. Joannes admirabundus exclamat:
*Sic DEUS dilexit mundum, ut Fili-
 um suum unigenitum daret.* Joann.
 3. 16. Tam sanctam Sobolem, sancta
 nonnisi viscera suscipere debent. E-
 quidem si agnum jugulare non sunt
 ausi Machabæi in ara, quam hostiæ
 gentium profanârunt: & DEI A-
 gnus potuitnè concipi, ubi Levia-
 than lusit, & scelus illudit? Si Judas
 Machabæus (1 Machab. 4. 44.)
 indecens judicavit, ut altare illud
 DEO deserviret, quod falsis dijs

con-

consecratum erat! quò pactò fieri potuit, ut ille uterus, qui aliquando mancipium fuerat orci, concepisset, genuissetquè illum, qui est castissimus Sponsus animarum sanctarum, & cujus pulchritudinem sol, & luna mirantur. Maria circumdedit Virum; Maria castis visceribus concepit, & peperit Salvatorem mundi, utpote ipsa sinè originalis culpæ noxa concepta, & mundo data, uti patebit ex dicendis. A. M. D. G.

2. Certum, & indubitatum est voluisse Omnipotentissimum DEUM, Sanctissimam Matrem suam eripere ab opprobrio, & infamia illa, quòd duntaxat non haberetur, ut adultera, propter hocquè constituisse, ut priusquam conciperet de Spiritu S. Josepho fuisset desponsata: nè dicere auderent profligatæ fæcis

facis Hebræi, *cam* ex adulterio concepisse. Satiùs enimverò putari permisit Dominus (ut rectè advertit Præsul Mediolanensis D. Ambrosius homil. super Matth.) de suo ortu, quàm de Virginis pudore dubitari, & potius voluit, ut Judæi cogitarent, ipsum esse filium Joseph fabri lignarii, uti defactò supposuerunt, cum ei convitij loco id improperabant dicentes: *Nonnè hic est faber filius Mariæ* Marc. 6. 3. quàm, ut existimarent, & crederent, purissimam Matrem suam adulteram fuisse. *Nec putavit* (ait memoratus Doctor) *ortus sui fidem Matris iniurijs astruendam.*

3. Ast majus opprobrium, & magis contra honorem Sanctissimæ Virginis Mariæ fuisset, si ipsi quoque tempore peccatum originale prædomina-

minatum fuisset, & orci princeps in
 illam potestatem quamquam habu-
 isset, fuissetquè filia iræ, & vindictæ,
 ac condemnationis æternæ. quæ o-
 mnia plus erant, quàm falsis He-
 bræorum testimonijs injustè, falso-
 què infamari. Atque adeò si DEUS
 propter honorem maternitatis eam
 præservavit ab opprobrio, & falsa
 calumnia adulterij; quis eam dicet
 tali speciali privilegio non præser-
 vatam ab originali peccato fuisse.
 Hinc Doctus Nierembergus de am.
 erga B. V. c. 9. egregiè admodum,
 & sapienter: *Juxta communem Pa-*
trum sententiam, (inquit) primus
Adam Christum Dominum præfigura-
vit; Eva verò B. Virginem. Sicut
ergo terra, ex qua productus erat A-
dam, nulli unquam maledictioni ob-
noxia fuerat: ita & B. Virgo, ex
qua

qua secundus Adam prodijt, nulli origini peccati maledicto subiacerat.

4. Quod si verò Sancta Mater Ecclesia profiteatur, DEUM honoris gratiâ intuitu maternitatis præservare ejus corpus à vermium corruptione, longè perfectò majus opprobrium fore animam culpa infici originali, quàm corpus corruptione oneris involvi unicus non agnoscit cæcus. Eatenus Regius Paraphrastes Psal. 45. 6. *Adiuvabit eam* (inquit) *DEUS manè diluculo.* Ubi alia versio habet: *Adiuvabit eam DEUS in ortu auroræ*, per quod significare vult Beatissimam Virginem Mariam nec mortaliter, nec venialiter, nec originaliter peccasse, sed, ut purissimam auroram conceptam in mundum prodijisse, in mundo vixisse.

5. Et verò: Non enim unô modo so-

dò solent Medici curare Regem,
 & hominem plebeum, sed alio Re-
 gem, & alio populum communem:
 Regi enim priusquam olfaciat infir-
 mitatem fàrmaca præservativa adhi-
 bere solent, nè nimirum infirmetur,
 ast populum communem nuspiam
 curant antequam ægrotet, & ple-
 rumquè in octavo gradu. Omnes,
 & singulos filios, & filias Adæ mise-
 ricordissimus DEUS curavit, post-
 quam in peccati ægritudine pro-
 labi fuerunt: Sacratissimam verò
 Virginem, quippe, cùm eam crea-
 verit, ut Regina cæli suaquè fieret
 Mater, ipsam curavit suis divinis,
 & locupletissimis gratijs præservan-
 do Ad hunc sensum loquens Spiritus
 Sanctus cum Ecclesia inquit: *Si-
 cut turris David collum tuum, que
 ædificata est cum propugnaculis Cant.*

4. 4. Atque adeò collum Ecclesiæ
 est purissima Virgo Maria; equidẽ
 quemadmodum in corpore humano
 est collum post caput, quod altiorẽ
 sibi vendicat locum: pari modo lo-
 quendo in Sancta Ecclesia post ca-
 put, quod est Christus Salvator no-
 ster Sanctissima Virgo altius præ sin-
 gulis eminet creaturis: & quemad-
 modum collum est via veluti, per
 quam influentia capitis in corpus
 fluunt, & humores corporis in ca-
 put ascendunt; ita pientissima hæc
 Regina, & Mater misericordiæ est
 mediatrix, & advocata per quam
 orationes Ecclesiæ ascendunt ad
 cæleste caput, quod est Christus, &
 per eam divini favores velut ros in
 terram descendunt, & sparguntur.
 Istud autem collum est admodum
 turris illius Davidis, quæ ædificata
 fuit

fuit propugnaculis vallata: etenim Sanctissima Virgo in sua sacratissima conceptione ædificata est cum gratijs, & divinis, atquè altissimis donis, atquè ita fuit præservata ab illa labe originali. Quare ad nostrum propositum rectè Rupertus l. 2. de vict. DEI c. 16. *Stetit* (-inquit) *quidem draco ante mulierem; serpens namquè insidiabatur, nè fieret, quod proposuerat DEUS. At DEUS propositi sui victoriam in potestate habens, mysteriò à sæculis absconditò Immaculatam iam sibi Matrem delegerat* Cui adstipulatur Richardus à S. Victore l. 1. in Cant. dicens: *Virgo tenebrarum principibus semper fuit terribilis; ut ad eam accedere non præsumpserint.*

6. O! mi DEUS si impius filius haberetur qui potestate habita

K

con-

condendi gravissimam legem, matrem annumeraret vulgo. Si in Ægypto sola terra Sacerdotalis (Gen. 47.) fuit immunis ab omni tributo. Si (inquam) indecens judicavit DEUS in tabulis (Ex. 34. 1.) licet summô artificiô reparatis legis præcepta, & verba sua scribere, quomodo in Maria Verbum suum scripsisset, si prius nevum habuisset? Cujus patrociniô, ut à vinculis peccatorum nostrorum quantocyus eximamur, & perfectâ filiorum DEI libertate donemur, jam nunc eandem per immaculatæ conceptionis prærogativam devotissimè obtestemur, repetamusquè: *Sancta Maria succurre miseris, iuva pusillanimes, refove flebiles, seantiant tuum iuvenem, quicumquè celebrant tuam sanctam conceptionem. Amen.*

Sermo

Sermo I pro Vigilia Purificationis Beatissimæ Mariæ Virginis.

Postquam impleti sunt dies purgationis Mariæ secundum legem Moysi, tulerunt JESUM in Jerusalem, ut sisterent eum Domino. Luc. 2. 22.

1. **Q**uanta Beatissima Virgo Maria per quadraginta dies in stabulo illo Bethleemi degens, quæquæ materna erga parvulum, illumquæ primò genitum DEI Filium Jesulum exhibuerit officia, nullus effari scit, & valet. Quòd verò tantæ Majestati inserviendi nacta sit felicitatem, tantò perfusa fuerat animi solatiò, ut rerum mundanarum prorsus oblita, quadraginta dies, duxerit pro u-

no. His effluxis vadit Jerosolymam;
 sistit Neo-Natum Domino; offert
 pro illo par columbarum, munus
 duntaxat pauperculis statutum, &
 ut Sacerdos pro sui oret emundati-
 one, enixè precatur. O Virgo a-
 mantissima quorsum hæc? Utiquè tu
 totius mundi es Advocata? Utiquè
 per te accessus nobis panditur ad o-
 mnes promerendas, & recipiendas
 gratias? Utiquè tu es *tota pulchra, &*
macula non est in te? Cant. 4. 7. U-
 tiquè tu es pura opere, sermone, co-
 gitatione, purificationis legi mini-
 mè subjecta? *Utquid ergo Sacerdo-*
tum prece, quid purificatione tibi opus
est? (quærit Bernardus serm. 3 de
 Iurif) Vere, o Beata Virgo, verè
 non habes causam, nec tibi opus est
 purificatione, sed nonquid filio tuo
 opus erat circumcisione? Esto inter
 muli-

*mulieres tamquam una earum, nam
 & filius tuus sic est in numero pecca-
 torum. Maria Regina cæli, Mater
 DEI humilimè semper de se sentie-
 bat, & Religiosus, magnus apud
 homines gestièt apparere ! Non, si
 ea altiùs menti, & cordi impresserit,
 quæ subsequo adducam discursu.
 A. M. D. G.*

2. Omnium nostrum (ut be-
 ne supponitur) quiqui genus vitæ
 Religiosæ amplexi sumus non alia
 fuit intentio in primordijs conversi-
 onis, quã, velle nos ābabus (ut ajunt)
 amplecti ulnis, quæ mundus novit ha-
 bere exosa; fugere verò quibus ille
 potissimùm laudes suas texere con-
 sēvit: atque adeò velle nos semper
 parvos, & nunquam magnos coram
 alijs corde, & opere reputare. Et
 cur non & defacto ! Utiquè sumus
 disci-

discipuli illius, qui adeò semetipsum
exinanivit; ut omnibus, & in omni-
bus, volo dicere, omni hominum
forti finè delectu, & omnibus inju-
rijs, calumnijs, tōrmentis, & cruci-
atibus se subjecerit abiquè ulla ex-
ceptione, exemplumquè dedit no-
bis, ut quemadmodum ille fecit, ita
& nos facere debemus.

3. Et verò: utiquè appropin-
quante jam jam illius sacratissima
Passione nullum penè genus homi-
num fuit, quod augendis ejus cru-
ciatibus, calumnijs & tormentis
quampiam operam non subministrâs-
set. Mos, & consuetudo legem po-
suere, quòd in capitali illa animad-
versione uni duntaxat alterivè admi-
nistro permitatur reo manus infer-
re; ast quis non videt in Christi
Passione quemlibet pro libitu, &
arbi-

arbitrio illum posse affligere? Sit
 Dux an miles; sit Judæus, sit gen-
 tilis; sit sacerdos, sit laicus; sit Do-
 minus, sit servus; sit dives, sit pau-
 per; sit juvenis, sit senex; sit vir, sit
 fœmina, nîl officit: omnis aditum
 liberum habet, singuli habent pote-
 statem, ut suum crucient conditorẽ:
 quod ipsum testatus est Salvator
 cohorti illi ex omni hominum sorte
 conflata, quæ ad capiendum illum
 confluit: *Hæc est (inquiens) hora*
vestra, & potestas tenebrarum. Luc.
 22. 53. Tamquam diceret: Illa est
 hæcce hora, quâ indultum est terræ,
 & inferni abyssò, hominibus, & dæ-
 monibus, ut confluant, conjurentq;
 in perniciem, & mortem meam.

4. Porro in singulis omnibus-
 què se subjecit: nullum enimverò
 adin-

adinventum est pœnarum, dolorũ,
 acerbissimum, & tormentorum genus,
 cui se Salvator noster non subje-
 cisset. Subjecit se namquẽ dolori-
 bus internis, tristitiæ, tædij, timoris,
 & agonix tam acerbæ, ut hæc illi
 sanguineum planè expresserit sudo-
 rem. Subjecit se doloribus exter-
 nis in corpore, nulla, nè minima qui-
 dem parte à singulari suo cruciatu
 immuni, quorum acerbitas ex cir-
 cumstantijs maximum sumpsit in-
 crementum: & quidem primò ob
 delicatam ipsius complexionem,
 quæ, quemadmodum fuerat Spiritus
 S. operâ ex Virginis intaminatæ san-
 guine peroptimè efformata, ita quo-
 quẽ ad singulos perquam erat tene-
 ra doloris sensus. Secundò ob con-
 tinuitatem tormentorum: cum
 nè momentum quidem quietis
 ipsi

ipsi fuerit relictum ab exordio passionis usque ad finem. Tertiò ob multitudinem, & diversitatem tormentorum: ingeniosa enim, & industriosa lictorum crudelitas semper nova excogitavit, quæ inter fuerat spinea illa corona, aut ordinaria recenti exasperavit furore: adeò, ut nisi amantissimus hic Salvator noster Divina virtute fuisset confortatus ad trabale illud lignum bajulandũ, vel soli verberum tempestati cessisset, adeoque sub illa animam exhalasset.

5.^o Subjecit se demum illis, quæ in fama fuit perpeffus cū *sceleratis reputatus* Isa. 53. 12. Utiquè fuit seductor populi, potator vini, impostor, & blasphemus sceleratorum judiciò declaratus, Barabæ sedicioso mitissimus Agnus postpositus, latroni.

tronibus comparatus. Subjecit se, quæ concernunt honorem mille opprobrijs, ludibrijs subsanationibus, & execrationibus impetitus: à via enimverò contemptûs ejus adversarij ad horrorem, & execrationem usquè prosilierunt: hinc optimè de illo vaticinatus est Domini Propheta Thren. 3. 30. *Saturabitur opprobrijs.*

6. Subjecit se tandem quantum ad animam miserrimo illi statui derelictionis, in quo non solum à singulis hominibus etiam charissimis discipulis, quorum alij in dispersionem acti sunt, alij prodiderunt, alij negaverunt, & nesciisse se hominem etiam juramentò affirmaverunt; ast quoquè in extremis crudelissimæ mortis angustijs dolorum inter cruciatus, & opprobria ab ipso suo

suo Patre Cælesti in amarissima desolatione fuit derelictus. Hinc in sequentia prorumpit lamenta: *DEUS meus, DEUS meus, utquid dereliquisti me!* Matth. 27. 46.

7. Amplectamur proin Dilectissimi exemplò Salvatoris nostri, Matrisquè ejus Sanctissimæ humilitatem verè virtutum omnium, & omnigenæ felicitatis fundamentum. *Magnus esse vis! à minimo incipe,* inquit Orator Hyponensis, cui adstipulatur Præsul Constantinopolitanus D. Chrysostomus orat. de humilit. tom. 5. dicens: *Nisì hanc (humilitatem intelligit) prius fundamenti vice ieceris, omnia abs te frustra superstruuntur, nihil est enim in nostris rectè factis, quod sinè ea stare possit.* Notat Pierius 27. hieroglyph. purpuram pisciculum, qui ascendit
ad re-

ad regium ornamentum, in imo quaeri pelagi debere, ubi unicè reperitur. Pulchra sanè humilitas, & præpurpuris pretiosa de qua S. Ludovicus Episcopus Tololanus ita habet: *Nihil tam gratum DEO, quàm si vitæ meritò magni, humilitate sumus infimi. Cum tantò quis DEO sit pretiosior, quantò propter eum sibi est vilior.* Laudat quoquè Sponsus Cælestis Cant. 7. 1. Sponsam à gressibus inquiens: *Quàm pulchri sunt gressus tui in calceamentis filia principis,* tamquam nihil aliud pulchrum adinveniretur præ pedibus humilitatis. His in pedibus consistimus securè, gradimur & ascendimus feliciter, & illius possessionem hæreditatis, ac gloriæ fortunatissimè adimus æviternæ. Quod, ut eveniat, candido exopto corde. Amen.

Sermo

Sermo II. pro eadem Vigilia.

Ut darent hostiam secundum quod dictum est in lege Domini, par turturum, aut duos pullos columbarum. Luc. 2. 24.

1. **A**Dmirandam Virginis Beatissimæ paupertatem nullus est, qui prædicet sufficienter; quia in tam nobili Virgine, & Matre DEI maxima fuit, uti advertere licet jam ex sponso ejus fabro, jam ex præangusta ejus domuncula hæreditaria successione sibi obventa, jam ex stabulo Bethléemitico. Modicum id, quod habuit, amore sui Filij mox reliquit domunculam duntaxat pauperculam unà cum supellectili, quando ei

do ei de nocte surgendum fuit, & repentè migrandum in Ægyptum. Nullas etiam opes concupivit, quas cùm a filij potentia mille modis impetrare, & mille etiam titulis habere posset, respuit, contempsit. Novit perbellè eum ex aqua posse facere vinum, & quidem excellentissimum; copiam piscium capere ingentem; thesauros incomparabiles comparare, nihil attamen uspiam tale poposcit. Dona trium Regum magnifica vel non admisit integrè, sed delibavit tantùm ob mysterium; vel admissa mox pauperibus distribuit, ut vult Cherub Marianus D. Joannes Bonaventura in vita Christi. In Ægypto inter, ignotos, hostiles, & gentiles quantam, putatis, passa est paupertatem per anos septem, cùm nihil in eam attulerit secum.

In

In purificatione pro filio, non phaleras aureas plenas coronatis, aut munus pauperum, pullos duos turturū offert. O nostra tempora deploranda! Quis est, qui in tanto amore habeat paupertatem? Mittamus interim alios, nobis, utpote olim voto solemni jurata, apprimè cordi erit vel ex illis, quæ ulteriori adducam discursu. A. M. D. G.

2. Paupertas, quam profitemur Religiosi, non ab hominibus est excogitata, sed illata mundo simul cum Evangelio salutis. Et verò: Joannes Præcursor Domini, & primus prædicator Evangelij, ipse dimissis omnibus, factus est incola deserti, contentus locustis, & melle silvestri pro cibo, & ciliciō de pilis camelorū pro vestimento prædicans regnum DEI, & succlamans: *Qui*
habet

habet duas tunicas, det non habenti:
Et qui habet escas similiter faciat.
 Luc. 3. 11. Post dictum venit in ter-
 ras Filius DEI, non, ut delicijs per-
 fruatur, sed, ut paupertatem secte-
 tur; fatetur enim de illo alius Do-
 mini Evangelista dicens: *Vulpes fo-*
veas habent; Et volucres cæli nidos:
filius autem hominis non habet, ubi
caput reclinet, Matth. 8. 20. illequæ
 prædicans, quæ, & quanta sint illa
 gaudia æternæ felicitatis subjunxit:
Qui non renunciat omnibus, quæ
possidet, non potest meus esse discipu-
lus. Luc. 14. 33. Post ascensionem
 hujus in cælum missus est Spiritus S.
 visibiliter in specie flammæ, &
 adeò accendit corda credentium, ut
 testetur Pagina sacra Act. 2. 44.
 omnes fuisse pariter, & habuisse o-
 mnia pro usu communi, possessiones,
 & sub-

& substantias vendidisse, & divisisse
 illas prout cuiq; opus erat. Ad hæc
 duces illi satoresquæ fidei intonant
 constanter, & sinè vel modica inter-
 polatione: *Eccè nos reliquimus omnia,*
& secuti sumus te. Matth. 19. 27.

3. Nequè verò audeat quispiã
 supponere hoc genus vitæ in San-
 ctam Ecclesiam, sinè certa illaquæ
 cumulatiflima sponsione Divinæ il-
 lius Nemesis introductum: equidẽ
 Magister ille Cælestis interrogatus
 ab Apostolis quam mercedem re-
 cepturi forent pro eo, quod omni-
 bus renunciassent, illico respondit:
Amen dico vobis: nemo est, qui reli-
querit domum, aut fratres, aut soror-
es, aut patrem, aut matrem, aut filios,
aut agros, propter me, & propter E-
vangelium, qui non accipiat centies
tantum nunc in tempore hoc, domos,

L

& fra-

Et fratres, Et sorores, Et matres, Et filios, Et agnos, - - Et in seculo futuro vitam eternam. Marc. 10. 29. 30.

4. Atque adeò qui suis amore Christi nuncium remittunt; possidebunt hæc singula ad usum, non ad opes, aut quandam proprietatem possessionis; At, ut his debitè utantur, abundantissimè per flumen illius charitatis; ita Spiritu S. ordinante, qui unus omnium corda tangit, regit, manifestat ad unum quodque membrum corporis mystici instruantur non aliter, imò & longè perfectius, ac unus spiritus vitalis singulorum membrorum vires, opes, officia convertit in usum, partium reliquarum corporis ejusdem quantum unaquæq; earum sibi vendicat, & nequè plus quidquam requirit adscitatarum.

5. Non

§. Non est quidem hic sensus
 ille, tamquam deberent accipere
 centum domos pro una, aut verò
 centum agros pro uno, vel centum
 matres pro una; hoc enim veritas il-
 la æterna minimè dicit, ast asseverat
 centies tantum domos, agros, fra-
 tres scilicet accipiunt, id est, centies
 tantum emolumenti, utilitatis, ac
 beneficij derivat in illos ex domibus,
 & agris alienis, ex fratribus, ex foro-
 ribus, matribusquè non suis, quantū
 ex suis trahere potuissent. Singu-
 larum namquè domorum januæ eis
 patent, omnium eis agri afferunt
 fructus, singuliquè piam sectantes
 vitam officijs suis longè plus quàm
 paternis, aut maternis, aut fraternis,
 ijs nuspiam defunt. His accedit,
 quòd habeant cunctos fidei compar-
 ticipes pro fratribus acsi eadem vi-

scera eos foras fudissent, quemadmodum sunt per una viscera unius JESU Christi, ejusdemquè Spiritus S. nova creatura in DEO. Nacti sunt præterea omnes, quique regendi, instruendiq; in Ecclesia munia obeunt, tum pro venerandis, colendisquè patribus tamquam illis vitam dedissent, quemadmodum & dederunt, intelligendo, quâ dei formes efficimur, Evangelicam vitam. Fatenus Doctor ille Gentium Paulus sinè rubore Epist. 1. ad Corinthios cap. 4. v. 15. intonat dicens: *Si decem millia pædagogorum habeatis in Christo, sed non multos patres. Nam in Christo JESU per Evangelium ego vos genui.* Singuli deniquè quibuscunque illi quodpiam augmentum gratiæ Evangelicæ contulerunt, veluti proprios filios complectuntur, prout

prout patet ex illo, ubi memoratus
 Doctor Gentium Epist. 4. v. 19 Ga-
 latis scribit: *Filioli mei, quos iterum
 parturio, donec formetur Christus in
 vobis.*

6. Amemus igitur Dilectissimi
 professam olim paupertatem, diliga-
 mus eam tamquam matrem nostram
 locupletissimam, & fiet quòd illâ
 ditati, thesauros nobis comparabi-
 mus æviternos. Amen.

Sermo III. pro eadem Vigilia.

Secundum quod dictum est in lege.

Lucæ 2. 24.

1. **P**ER quadraginta annos, quibus
 populus DEI ambulavit per
 desertum, non fuerunt ruptæ, nequè
 attri-

attritæ vestes eorum. Ita nos quam-
 diu in hac vita fuerimus commora-
 ti, vestes animæ, virtutes duntaxat,
 sanas, integras, ac mundas conser-
 vare debemus. Hæ animæ vestes
 sunt contrariæ corporis vestimentis.
 Enimverò vestimenta corporis quan-
 tō magis usui sunt, & quō magis
 portantur, eō magis consumuntur,
 & conteruntur; & si per humum tra-
 huntur, omnino destruuntur. Ast ve-
 stes animæ, quantō magis usui sunt,
 tantō apparent illustriores. Hæ ve-
 stes in quo splendidiore uspiam fu-
 ère, si non in illa, quam sibi splendor
 æternus in Matrem elegit ab æterno.
 Et quamvis splendidissimè fuerit illis
 ornata; allaboravit attamen nihilo-
 minus per omnimodam legis Divi-
 næ observantiam, tantō magis dies,
 in dies clarere. Minimè indigebat
 puri-

purificatione, ut tamen satisfaciatur legi, cui subiecta non erat, sistitur in templo tamquam re ipsa purificanda. Atque adeò quicumquè nostrum cupit, & desiderat tali animæ apparatu splendere, minimum jota legis professæ observet est necesse. Ad quod antidotò succurram dicendis.
A. M. D. G.

2. Lex professæ cum totum Religionis respiciat corpus, æquè caput, ac totam membrorum compagem sustentat, ita, ut sinè unanimi, & ordinata ejus observantia, dissipari totum necesse sit. Super quo extat S. Concilij Trid. oraculum sic sonans sess. 25. cap. 1. *Sacra Synodus præcipit, ut omnes Regulares ad Regulæ, quam professi sunt, præscriptum, vitam instituant, & componant, atquè imprimis quæ ad suæ perfectionis, seu*
pro-

professionis perfectionem, aut obedientie, paupertatis, & castitatis, ac si quæ alia sunt alicuius Regule, & Originis particularia vota, & præcepta ad eorum respectivè essentiam, necnon ad communem vitam, victum, & vestitum, conservanda pertinentia, fideliter observent.

3. Revera magna impietatis nota, ac periculi prorsus plena, licentiarè se in illas quæ DEO sunt olim jure jurando litata, equidem super hoc timeandum horrendum illud: *Impius, cum in profundum venerit contemnet.* Minima à dissipato spiritu nonnulla censentur, sed audiatur de minimis loquens Magnus Pater Augustinus: *In minimis esse fidelem magnum est.* Utiquè etiam pro paleis in jure Canonico habentur additiones ad

nes ad decretum Gratiani, & tamen merentur sui observantiam, pari modo quæ putantur palæ observaciones, Gratiani, seu liberi sub gratia constituti custodire nitantur, ut unusquisque audire mereatur: *Quia in modico fuisti fidelis, supra multa te constituam.*

4. Nequè verò natura (Plinio teste) magis, quam in minimis tota est. Artium item magnificentia nuspiam gloriosior apparet, quam in parvis operibus remonstrata, ita quoquè Regularis vitæ structura, eò perfectior apparebit, si illa etiam, quæ deformitatem peccati non portant, aut ornamento ejus serviunt, & perfectioni, ad eandem quoquè studiosè, coaptentur. Sinè dubio addent candorem structuræ vitæ Regularis, ac observantem cælo candida-

didabunt. Jejunia indispensabiliter observata addent splendorem, præservabitq; eam à ruinis diligens sensuum portaria, modestia duntaxat in incessu, statu, & habitu deportata. Avertent tempestates hujus structuræ vitæ Regularis nocivas silentia exactè custodita, divitem reddent cura boni communis, disciplinæ, cellæ solitudo, inclinationes, aliæquæ ordinariæ, & extraordinariæ mortificationes fideliter adimpletæ: sinè his autem informem, ruinosam, squalidam, oculis externorum exosam, ac planè miseram fore dictam structuram, ita, ut illius supremus Architectus lamentari cogatur cum Propheta: *Confregisti iugum meum, dirupisti vincula, dixisti non serviam.* Jerem. 2. 20.

5. Certè ferventes mundi servi ad

vi ad apicem legem illius observant
 adeò quidem, quòd in minimis quo-
 què eidem studeant complacere;
 servi etiam DEI modica spernentes
 paulatim decident. Quod ipsum
 D. Legislator Augustinus dolenter
 commemorans subinfert: *Testis est*
DEUS super animam meam, ex quo
DEO servire cæpi, quomodò difficile
expertus sum meliora in ijs, qui in
Monasterijs spernendo modica cecide-
runt. Quod quantò Religioni, imò
 Ecclesiæ insipidum sit, notat Baro-
 nius sequentibus verbis: *Nihil infe-*
stius in suis membris Ecclesia patitur,
quàm Religiosos à paternis institutis
deficientes: Eatenus Cassiani admi-
 niculò fultus sentio expedire pluri-
 mum juxta propositum, quod liberè
 quidem electum est, summò studiò,
 & diligentia ad operis perfectionem
 perve-

pervenire arrepti festinare, & nequam à fine olim gutturi svavi discedere perfectionis.

6. Proinde colligenda fragmenta etiam (quæ nempe forte dicuntur quandoquæ non obligare) nè pereant. Utiquè minuta auri haud permittit pessumire à sua, artifex lima! Et quis jam hæc quibus æternæ promereri possunt negligentia dabit? Nullus hoc cum D. Chrysostomo approbabit. Enimverò quemadmodum opes corporis accumulatur, cum compertum sit illarum, nè minimum quidem negligere, amatores; perinde de spiritualibus divitijs sentiendum. Nequè stipulatam dabit, dicere: hoc non esse præcepti stricti; illud neutiquam obligare; aliud non esse in usu. Etenim de his cum Domino disputare, dedecet

Christianum, quidni Religiosos.

7. Tenenda est quoque firmâ memoriâ & illa D. Legislatoris cautio: *Nè per oblivionem aliquid negligatis.* Adeoque quidquid textus canonis, seu Regulæ habet; quidquid est præceptorum DEI; statutorum Majorum, exactè, & inviolabiliter observandum. Et ut verbis Principis Apostolorum (2. Petr. 3. 17. & 18.) loquar, præsentiquè dictioni finem imponam: *Vos igitur Fratres hæc præscientes custodite: nè insipientium more traducti excidatis à propria firmitate: crescite verò in gratia, & in cognitione Domini nostri, & Salvatoris JESU Christi. Ipsi gloria & nunc, & in diem æternitatis. Amen.*



Sermo I. pro Vigilia A-
nunciationis Beatissi-
mæ Mariæ Virginis.

Missus est Angelus Gabriël à DEO.
Luc. I. 26.

I. **Q**uorsum hæc legatio cælestis?
quorsum fortitudo DEI Ga-
briël Angelus mittitur? quid anun-
ciare debet? ad quem mittitur?
Missus est Angelus Gabriël à DEO.
Mittitur de cælo à DEO in terrige-
narum lachrymabilem vallem, in
civitatem David, Filij DEI Incar-
nationem; hominis è compedibus
peccatorum liberationem, nunciatu-
rus. O solatium! O gaudium! quia
peccatum suum jam tandem aliquan-
do accipiet finem. *Missus est.* Mitti-
tur hicce Genius cælestis ad Virgi-

nem

nem illam, quæ fuit Virgò corpore,
 & mente; moribus, & verecundia;
 oraculò, & mysterio; ab originali
 labe præservata; ab æterno finè di-
 spendio clauſtri virginalis in Matrem
 DEI electa; exprogenie David
 prognata; Maria nuncupata. Et ne-
 què hicce Nuncius divinus suo mu-
 nere frustratur. Ut enim reponit so-
 boles hæc sanctissima: *Ecce ancilla*
Domini, fiat mihi secundum verbum
tuum, illicò gratiâ repleta Spiritus
 S. factu Divino gravidatur. *Exultet*
modò Sanctus (ait Leo Papa in Na-
 tali Domini) *quia propinquat ad*
palمام; gaudeat peccator, quia invi-
 tatur ad veniam: animetur Gentilis,
 quia vocatur ad vitam. DEI namquè
 Filius, secundum plenitudinem tem-
 poris, quam divini consilij inscrutabi-
 lis altitudo disposuit, reconciliandam

Autho-

*Authori suo, naturam generis assum-
psit humani, ut inventor mortis dia-
bolus, per ipsam, quam vicerat, vin-
ceretur. O mors, ero mors tua! mor-
sus tuus ero inferne! Non erit, in-
quam, talis mors, quæ non vincere-
tur vitâ æternâ, vitâ, inquam illâ,
quæ de se dicit apud Evangelistam
Joann. II. 25. Ego sum vita: infernus,
cujus fores non referarentur clavi
David, quæ aperit, & nemo claudit;
claudit, & nemo aperit: Verbum e-
nim æternum Sanctam fœcundat Pa-
rentem. Fiat mihi secundum verbum
tuum.*

2. Pectora in Christo Dilectis-
sima! consensus Mariæ legationi Ga-
briëlis, facit Mariam DEI Matrê,
& inde felix unâ nobiscum; felicio-
ribus: etenim si inspirationes divi-
nas, quæ sunt nuncij ad nos cælitus
missi,

missi, secundum omnem earum virtutis plenitudinem, & extensionem reciperemus, magnos profectò in perfectione profectus faceremus. Inspirationes namquè divinæ faciunt possessores virtutum, quod plurimum à Religiosis desideratur, uti patebit ex dicendis. A. M. D. G.

3. Non sufficere Virum Religiosum uno, alterovè virtutis splendore eminere, ast omnibus virtutibus debere esse ornatum S. Chrysostomus hom 10 in Matth. affirmat. Et rectè: Anima enimverò Religiosa est illa sponsa, cui assistendum est Christo Sponso, circumdata varietate Psal. 44. 10. hoc est: non solo debet esse nitida vestita charitatis fulgore; non solo niveo castitatis candore; non solo pulleo paupertatis colore; non solo obedientiæ virore,

M sed,

sed, ut vult D. Amadæus hom. 2. omni virtutum lapide pretioso, ita, ut nulla virtutis, nulla meriti gemma, nulla prorsus eximia perfectio-
nis margarita desit ejus ornamēto.

4. Atque adeò, ut ex communi ad particulare faciamus digressum, operimentum obedientiæ, aliæque qualitates Religiosos, milites duntaxat Christi ornantes adsint oportet: præfata enim obedientiæ virtus D. Legislatore Augustino asseverante sola tenet palmam, quemadmodum sola inobedientia adinvenit olim pœnam: securus est obediens de palma, si gradus à Lacteo Doctore D. Bernardo præscriptos tenuerit, videlicet: si libenter, simpliciter, hilariter, velociter, viriliter, humiliter, indefinenter viam mandatorũ

DEI

DEI incedit. Fidelis obediens (sensu est laudati Bernardi) ignorat singulas moras, crastinum habet excusum, nescit tarditatem prævenit mandantem, accomodat aures auditui, linguam voci, manus operi, pedes itineri, & sic se totum intra colligit, ut mandato satisfaciat imperantibus. Eatenus fugienda omnis resistencia, seu quælibet obedientiæ renitencia. Pestiferum malum, nullus est, quem lateat, illud fore scaturiginem omnium malorum. Adhuc namquæ in Paradiso commissam inobedientiam, omnis generis miseriarum humano generi impendentium causam fuisse eorum lugemus. Prætereo silentiò particularia inobedientium, aliunde nota, exempla horrenda, ast recomendo timendam esse in Paradiso Religionis, quæ Paradi-

sum amisit cælestem ; atque adeo quemadmodum meritoriam obedientiam ambabus, ut ajunt, ulnis amplectendam, ita perniciosam inobedientiam cane pejùs, & angue ingemino fugiendam.

5. Porro ad desideratum culmen perfectionis venit commendandum humilitatis decus. Certè finè hac vix aliqua virtus sanctitatis documenta præfert, hancquè ad perfectionem Religiosam ita fore necessariam indicavit Magister Christus, ut primus ejusdem Author, Professor, & Doctor esse non erubuerit: dicit enim apud suum Evangelistam Matt. 11. 29. *Discite à me quia mitis sum, & humilis corde*, illamquè ut fundamentum reliquarum virtutum posuit teste D. Chrysostomo hom. 15. super Christi hæc verba
scri-

scribente: Quasi fundamentum quod-
 dam forte, atque munitum hanc pri-
 mam collocavit, siquidem unusquis-
 que humilitate supposita tutissimè cun-
 cta superponit edificans: hanc subductâ
 etiamsi ad ipsum usque cælum conver-
 sationis sublimitate pervenias simul
 omnia subtrahuntur, atque in finem
 pessimum relabuntur; nam sive ora-
 tionem, sive ieiunia, sive misericordi-
 am, sive pudicitiam, sive aliud quid
 bonorum absq̃ humilitate congreges,
 statim cuncta diffluunt. Nihil est in
 nostris rectefactis, quod absque ea
 consistere possit, sed sive temperan-
 tiam dixeris, sive virginitatem, sive
 pecuniarum contemptum, sive quid
 vis tandem, omnia impura, detestan-
 da, & execranda sunt si animi humi-
 litas desit, qui verò hoc fundamentum
 rectè iecerit, in quantum voluerit,
 alti-

altitudinem structuræ excitabit. Humilitas enim (addit S. Bonaventura) est omnis nostræ virtutis, & operationis fortificativa, & omnis spiritalis roboris augmentativa, quia ponit omnes virtutes nostras, ac operationes super solidum fundamentum. Ad hanc nos cohortans S. Bernardus in sequentia prorumpit: Dilectissimi perseverate in disciplina, quam suscepistis. & per humilitatem ad sublimitatem ascendatis, quia hæc est via, & non alia præter ipsam; qui aliter cadit, cadit potius, quam ascendit, quia sola est humilitas, quæ exaltat, sola, quæ ducit ad vitam

6. Nequè verò prætermittenda est modelitia, sed exteriori quoquè apparentia remonstranda: hæc equidem humili cordi stipulatam quemadmodum semel dedit, ita ei

sem-

semper assistit; in oculis demissis, in depressis supercilijs, in sermone moderato, in manibus compositis, in incessu simplici, toto demum corpore ad modestiæ leges composito, ita, ut species corporis sit simulacrū mentis, figuraquē probitatis.

7. Adimplenda quoquē venit conditio, nè sicut servi duxat sub lege, ut meminit S. Augustinus in Regula, sed sicut liberi sub gratia constituti jurata olim exequamur; adimpleamus. Proin libertas, seu voluntas bona, & obsequi nata, adhibenda; quia hæc valorem, pretium, & æstimationem actibus nostris inserit: eatenus contra prudentiam (sensus est Senecæ) agit, qui obsequium, & officium externa solum facie peragit; etenim DEUS de cordibus non de manibus facta metit,

acce-

acceptatquè cordata vecordia sper-
nens.

8. Revera liberam, & propen-
sam voluntatem in actibus exigit à
nobis Christus, quemadmodumquè
illam habuit promptam, dum nos
vocavit, & invitavit, ita illæsam,
quamvis sit absolutus ejusdem Do-
minus conservat, arbitrioquè nostro
relinquit, ut si perfecti esse velimus,
liberè professà promissà adimplea-
mus. Hinc evidens signum, & insi-
gnis erit effectus devotionis nostræ,
si liberè, id est, non quia adstricti
mandatis; adacti Regulâ; ligati Con-
stitutionibus, sed promptis animis
servaverimus juratâ legē, custodive-
rimus statuta, æmulat què fuerimus
charismata meliora, ac si in cumulan-
da perfectione Religiosa adimpleve-
rimus id, quod in construendo tēplo

Salo-

Salomonis adimpletum fuit. Utiquè
 nulla ibi fuit violentia, imò cautum,
 nè malleus, securis, & omne ferra-
 mentum audiretur. 3. Reg. 6. 7.
 Nulla fuit necessitas brachiorum
 robustorum, aut violentiæ fabrilis;
 nulla machinarum attractio; nulla
 scalprorum incisio, vel tonsio, aut
 stridula politio, aut teste Theodore-
 to speciali providentia DEI dispo-
 situm fuit, quòd reperti fuerint lapi-
 des suapte nati, qui absquè ferro, &
 sinè omni arte aptè inter se conjun-
 gebantur: sic in Religiosa arte ad
 construendam vitæ spiritualis fabri-
 cam, errigendumvè in nobis tem-
 plum vivum DEI viventis conferre
 vires nostras debemus, ut absquè
 renitentia; repugnantia; contentio-
 ne; murmuratione, aliaquè qua un-
 què

què demum violentia; ast liberrima expeditaque voluntate singula nostri status; nostræ professionis, nostræque spiritualitatis operemur; peragamus. Quod, ut eveniat, det nobis gratiam ille, qui vivit in æternum. Amen.

Sermo II pro eadem Vigilia.

*Et ingressus Angelus ad eam dixit:
Ave gratia plena Dominus tecum:
Benedicta tu in mulieribus. Luc.
i. 28.*

I. **D**um faustissimum Virginis Mariæ cum Angelo colloquium exhilarat mentem; erigendæ quoque aures ad illam infaustam virginis Evæ cum callido serpente sermoci-

mocinationem. Et verò: uterq; enim
 habet quandam similitudinem con-
 gressus; ast totò cælò, totò infernò
 disparem. Et hìc, & ibi concursus,
 utrobiquè discursus inter se discre-
 pantes; quia iste generat perditio-
 nem, hic gignit salutem. Eva cir-
 cumforanea in paradiso collocata
 vix de viro sumpta jam circumcur-
 sat: Maria solitaria in templo DEI
 posita, desponsata viro, sed non co-
 habitans ei, nequè cognoscens vi-
 rum, sola in penetrabilibus sedet;
 verbum DEI & audit, & custodit.
 Et Eva mulier, & Maria mulier, sed
 ista rebellis DEO, incurrit maledi-
 ctionem, hæc mandatis optempe-
 rans supernis non solum nuncupari,
 sed & re ipsa inter mulieres meruit
 esse benedicta. Eva in paradiso vo-
 luptatis fructum omnigenum feren-
 te po-

te posita marcida; Maria in Domo Nazareth paupercula, florida situata. Eva compita oberrans publici platearum vagabunda depræhensa in plateis civitatatis palliò spoliatur, Maria in secreto reclusa benedictionibus cumulatur. O felix solitudo, quem non beas! O infelix publicum, quem non perdis! O felix solitudo, quomodò non amanda! O infelix publicum qua ratione non vitandū! Vitaberis à nobis Religiosis vel ex illis motivis, quæ subsequo adducam discursū. A. M. D. G.

2. Plurimū vitæ Religiosæ candori detrimenti, & in via perfectionis impeditenti adferre, negotijs publicis, ac mundi, qui totus est in maligno positus, Religiosos se immiscere, abundè tum sacrorum voluminum, tum Sanctorum PP.

pagi-

paginae indicant rei hujus momentum. Enimverò quemadmodū Prædicator veritatis, & Doctor Gentium Paulus 2. Timoth. 2. 4. affirmat: *Nemo militans DEO implicat se negotijs sæcularibus: ut ei placeat, cui se probavit.* Et teste D. Jacobo cap. I. §. 27. *Religio munda, & immaculata apud DEUM, & Patrem hæc est - - - immaculatum se custodire ab hoc sæculo.*

3. Revera impossibile dixerim nos ad perfectionis aditum, nè dicam culmen pertingere, animumquè nostrum illi plenè conjungere, in quo princeps hujus mundi non habet quidquam, quamdiu mundi negotijs, & publici sæcularis desiderijs animi nostri penetralia patuerint vel per rimas quidem. Quantumcunquè enim Religiosus observans sit,

fit, si attamen negotijs sæcularibus, conversationibusquè se dedat, & sæculi consuetudinibus irretiat, in via disciplinæ Regularis, ac monasticæ observantiæ retardabitur, & tepescet adeò, ut amore cultus Divini, exercitationumquè spiritualium extincto, instar frænò carentis ad nihilum aliud, nisi ad excursus, & discursus anhelet.

4. O nostri temporis corruptelam! frequentantur urbes, arces, & castella pro consuetudine; per ædes forensium discurritur pro libitu; familiaris, & quotidiana cum exteris conversatio in præmialem urbanitatem exaltata est, negotiorum sæcularium tractandorum quæpiam peritia in virtutes monasticas est elevata: dumquè hæc singula titulo, & colore virtutum aguntur, Religiosa
solitu-

solitudo patitur; vera sanctitas è
 cordibus nostris propulsatur, Regu-
 laris observantia enervatur, ut mi-
 rum non fit, cur vestitûs vanitas;
 morum sæcularitas; verborum pro-
 cacitas; mentalium orationum, alio-
 rumquè divinorum nausea; votorum
 juratorum naufragium plerosquè
 corripuère.

5. Nequè verò ad rem asstrui-
 tur, quod à nonnullis amatoribus
 sæcularis publici in medium adfer-
 tur, alia duntaxat nunc tempora
 fore, longequè dissita diversavè ab
 illis, quæ Religionis nascentis initiô
 floruère, consequenter accomodati-
 vâ nunc opus esse, quâ per frequen-
 tem cum sæculo familiaritatem a-
 micos nobis devincamus, ac in
 temporalibus proficiamus: non, in-
 quam,

quam, hæc ad rem asstruuntur; etenim Dalmata ille purpuratus D. Hieronymus in cap 5 Matth. luculenter inquit: *In promissis veritatis nemo dubitet. sit homo, qui esse debet, & mox addentur ei omnia, propter quem facta sunt omnia.* Et Psalmographus Psal 36. 25 fatetur dicens: *Non vidi iustum decredictum, nec semen eius querens panem.*

6. Atque adeò hæc non sunt dicta pro primævis illis tantummodo temporibus, aut pro præsentibus quoq; & futuris u'què ad consummationem sæculorum.

7. Quòd si verò tam necessarium sit nobis cum sæculo vinculi sodalitatis, quare, amabo, laudatus Paulus Rom. 12. 2. acclamat: *Nolite conformari huic sæculo!* quare Iacobus cap. 4. v. 4. inquit: *Amicicia huius*

huius mundi, inimica est DEI quare ipsa æterna veritas, Doctor, Ductor, & Magister noster Christus JESUS tam severè comminatur his, qui consolationes suas in publico mundi venantur, apud suum Evangelistam Luc. cap. 6. v. 24. *Væ vobis divitibus, quia habetis consolationem vestram.* Ubi alia versio habet: *Væ vobis, qui habetis consolationem vestram in hoc mundo.* Dicat quisquæ demum, si fas est, hæc superioribus solummodò temporibus dicta fuisse, & non præsentibus; nisi fortè dicere velit, sæcula illa prisca maligniora modernis fuisse, eorumquæ conversationem Religiosæ Professioni, seu perfectioni nocivam magis fuisse, quàm modernorum.

8. Eapropter Dilectissimi à temporalium, & sæcularis publici desi-

N

deri-

deriorum societate abstracti delectatione cælestium in interiora rapiamur. Simus imitatores Patrum nostrorum, qui contemptis sæcularibus dies, noctesquè in precibus ducebant deprimentes seipsos, ut à DEO exaltari mererentur. Tumultus mundi relinquamus, qui mundo mortui per vitæ Monasticæ Professionem capimus vivere Christo. Abstrahamus nos à sæculo, & elongemus; fugiamus egressum è Monasterio absquè necessitate: sinamus conversari hos, quibus ex officio, vel potius necessitate agere cum sæculo incumbit; nos verò jugibus apud DEUM precibus in penetralibus solitudinis instantes eosdem fulciamus, nè, cùm in turbine versari, nostriquè causâ periculum subire co-

re coguntur, corruant. Quod aver-
tat ille, qui suos optimè novit cu-
stodire. Amen.

Sermo III. pro eadem Vigilia.

*Ecce concipies in utero, & paries fi-
lium, & vocabis nomen eius JESU-
M.* Luc. i. 31.

1. **Q**uod olim vaticinia Prophetarum prædixerunt; quod Sancti Patres à sæculis exoptaverunt, modò Mysterium Incarnationis Filij DEI jam executioni datur, Beatissima Maria Virgo Verbi Theandrici; Verbi Divini Mater renonciatur; declaratur. *Ecce concipies, &c.* Pater illæ æternus solus in suo sinu Filium suum è propria substantia

N2. gene-

generat in æternitate : atque adeò
 Verbum Patrem habet abiquè ma-
 tre ; Maria sola eundem Filium in
 gremio suo è sua propria substantia
 in tempore concipit ; sicquè Verbū
 in generatione temporali Matrem
 habet sinè patre. Pater æternus so-
 lus illum ita generat, ut nemo hu-
 jus gloriæ habeat partem ; ast &
 Maria sola illum in modum Filium
 suum concipit, ut spiritum habeat
 Spiritum Sanctum, qui operam su-
 am ad hujus Filij conceptionem
 contulit, quin attamen ejus fieret
 pater. Pater æternus perfectiones
 suas infinitas intuendo generat Fi-
 lium suum, & propterea generat
 infinitè perfectum, sicut ipse est,
 sibiquè in omnibus æqualem : è con-
 trario, quia Maria hunc ipsum Filiū
 in tempore concipit vilitatem, &
 nihi-

nihilum suum intuendo: *Quia respexit humilitatem ancillæ suæ.* Luc.

1. 48. eapropter DEUM concipit humilem; DEUM omnibus suis excellentiis limitatum. O DEUS infinitæ Majestatis, & bonitatis, quò tuus erga nos processit amor, ut saccò mortalitatis nostræ circumdareris! O quantum solatium inde haurimus, cum te videamus nostræ substantiæ assumere formam; nostræ miseriæ socium, & amatorem! Verè igitur dignum, & justum est, ut nos quoquè pro possibilitate nostra te amemus, prouti stimulò erunt dicenda. A. M. D. G.

2. Nihil nobis magis inculcare satagit Sanctus Legislator noster Augustinus, quàm DEI amorem, & vel ideò suam Regulam ab hoc, tamquam basi, & fundamento omnis perfe-

perfectiōnis orditur dicens: *Ante omnia fratres charissimi diligatur DEUS.* Ante omnia; quia hoc est primum, & maximum mandatum. Matth. 22 38 Ante omnia; quoniam ipse prior dilexit nos. 1. Joann. 4. 19. Ante omnia; quia *DEUS* charitas est, & qui manet in charitate in *DEO* manet. ibid. 1. 16. Cū enim verò juxta Doctoris Angelici doctrinam 2 2. qu. 184. ar. 1 in Corp. perfectio principaliter consistat in amore *DEI*, idcirco ad zelum verum primò, & ante omnia; ac ad *DEI* amorem nos commoneri, stimularique, ac perpetuò in eo sollicitos reddi oportebat.

3 Amare porro *DEUM*, est velle illi. & procurare omne bonum, quia dignus est propter bonitatem suam infinitam. Quod ipsum experimur in amore amici, quem diligimus:

s: *Ante*
diligatur
a hoc est
mandatum.
quoniam
n. 4. 19.
charitas
in DEO
nimvero
ctrinam
perfectio
e DEL,
imò, &
em nos
perpe-
tebat.
M, est
bonum,
nitatem
a expe-
diligi-
mus:

mus: huic enim non solum per affectum optamus omne bonum, verum actu ipso, & effectu etiam quod boni possumus facimus, & præstamus secundum illud tritum: probatio dilectionis exhibitio est operis.

4. Bonum autem DEI est duplex, internum duntaxat, quod DEUS in se habet, & quò in seipso beatus est, omnes videlicet ejus intrinsecæ perfectiones. Aliud bonum est externum, & continet omnia, quæ ad gloriam DEI promovendâ spectant. Bona, quæ in se ipso DEUS habet, illi procurare haud valeamus, illis enim essentialiter carere nequit, solum proinde de illis gaudemus, & actibus complacentiæ in illis delectamur, qui alioquin amor affectuosus à schola Asceseologiæ appellari consuevit. Et quamvis in
 se per-

se perfectior videatur, plusquè quietis utpote à tumultu remotior, in se contineat, plus tamen congruit statui Beatorum, quàm viatorum.

5. Amor itaque viatorum proprius, & ad quem nos adhortatur S. Pater Augustinus, est ille, quò DEO bonum externæ gloriæ procurare velimus, & in eo consistit, ut ex amore priori, quò DEUM diligimus in se ipso, & propter se ipsū, velimus, & moveamur effectivè, & efficaciter ad procurandam ejus gloriam, quatenus bonum quoddam ejus est.

6. Posuit in eo exemplū Christus DEI Filius, qui esto nuspiam à DEI cogitatione, & contemplatione cessaret, indefessò tamen simul divinæ Patris gloriæ studiò ferebatur, hancquè verbis, & factis procur-

curabat. Ego, inquit, *honorifico Patrem meum*. Joann. 8. 49. & ad id cunctos exhortatur dicens: *Sic luceat lux vestra coram hominibus, ut videant opera vestra bona, & glorificent Patrem vestrum, qui in celis est.* Matth. 5. 16.

7. Atque adeò bonum externum, & gloriam ejusdem procurat charitas, & dilectio DEI, in qua perfectio nostra consistit, dum procuramus, ut mandata ejus observentur. *Qui habet mandata mea, & servat ea, ille est, qui diligit me.* Joann. 14. 21. Quæ verba altius contemplans S. Legislator Augustinus illa ita ad nostrum propositum tr. 75. in Joann. exponit: *Qui habet mandata mea in memoria, & servat ea in vita; qui habet in sermonibus, & servat in operibus; qui habet audiendo, & servat*

vat faciendo; qui habet faciendo. *Œ* servat perseverando, ipse est, qui diligit me, opere enim est demonstranda dilectio, nè sit infructuosa nominis appellatio. Et verò:

8. O quanti illi sunt, qui toties repetunt: *diligo DEUM*, præcepta attamen illius minimè curant: non est hic amor DEI verus, quia cor tale longè est à DEO. Nos si verè diligimus DEUM, non diligamus verbò, nequè lingua, sed opere, *Œ* veritate, 1. Joann. 3. 18. maximè cum amor DEI viam mandatorum ejus reddat homini facilem, allevietquè jugum Christi. Nihil in amore asperum, nihil durum, nihil laboriosum ait laudatus Augustinus. Cui adstipulatur Abbas Claravallensis S. Bernardus dicens: *Ubi est amor non est labor, sed sapor in eo, quod amatur;*

ado. & tur; aut non laboratur, aut labor a-
qui de matur.

9. Tunc igitur gloria DEI
externa dilatatur, & procuratur,
dum procuramus, ut mandata eius
observentur, & hæc est Charitas
DEI, ut mandata eius custodiamus.

1. Joann. 5. 3 In hac charitate quan-
tò plus progredimur, f. u quò ma-
gis mandata eius custodimus, ejus-
què placitum in omnibus implemus,
tantò amplius bonum DEI externū
procuramus in nobis, tantoquè plus
perfecti reddimur: qui enim *servat*
verbum eius, verè in hoc charitas
DEI perfecta est. 1. Joann. 2 5.

O Domine! da, ut amor noster
erga te ita ferveat hinc temporaliter,
quòd etiam non refrigescet
æviternè. Amen.

Sermo

Sermo I. pro Vigilia Visitationis Beatissimæ Virginis Mariæ.

Exurgens Maria abiit in montana cum festinatione. Luc. i. 39.

I. **P**OSTEAQUAM cælestis illa Angelorum Regina montana petijset cum festinatione, & suum homagium Elisabeth reddidisset, audivissetquè ab ore ejus inaudita laudum præconia, illicò humillima, & gratissima Virgo in laudes DEI prorupit dicens: *Magnificat anima mea Dominum.* Luc. i. 47. Magnus ille agnoscitur Citharædus suâ citharâ dulciter canens, & dæmones profligans harmoniaca virtute: nota quidem singulis edisseritur figura,
Davi-

Vi. Davide in cithara personante, Saulis
 obsessum animum princeps tene-
 brarum deserebat. Procertò mira-
 res, Zabulus musicâ fugatur, & qui
 secundum Husæum Vatem Job. 41.
 18. sagittas habet admodum paleas,
 & lapides fundæ tamquam stipulas
 spernit. Ad citharæ sonitum treme-
 factus recedit, & qui nulli vî cedit,
 harmoniâ colligatur. Claudis pro-
 certò cithara illa symbolum. Figura
 illa erat, hîc veritate redundat: hîc
 completur, impleturvè, quod ibi fi-
 gurabatur. Istò canticò expellitur
 dæmon, Præcursor sanctificatur, pu-
 er exultat, mater prophetat. Istò,
 istò canticò modò cùm devotè ca-
 nitur crediderim meritò dæmones
 pessimos effugari. Hinc meritò à
 cunctis fidelibus hoc canticum ma-
 ximè celebratur, & summa recoli-
 tur

tur devotione. Fatenus Dilectissimi
 mi! exurgamus & nos cum Maria,
 & ascendamus in montana cum fe-
 stinatione, ut digni inveniamur occi-
 nere melos, quemadmodum illa
 cantavit. At quæ anima jacet in
 cæno vitiorum quomodò festinabit
 quibus quidem eradicandis quoniam
 plurimum obsistat non recta ordina-
 tio propensionum naturalium; hinc
 porrigam methodum illarum bene
 regendarum, & moderandarum di-
 cendis A. M. D. G.

2. Propensiones naturales ex
 temperamento procedentes qualita-
 tum non quidem eradicari, attam-
 en regi, bene dirigi, & ad bonum
 applicari possunt, & debent; eapro-
 pter mirus prudenter quispiam alle-
 garet, haud posse contra, talem se
 habere naturam, ejusmodi præditum
 se tem-

se temperamentô, quòd suas quoquè
 patiatur verucas. Enimverò quam-
 vis absquè propria nota hujuscemo-
 di naturam, talequè temperamentum
 sortitus sit, haud tamen laudabile
 censetur, imò culparum omnium
 causa à schola Ascetarum asseritur,
 naturæ habenas laxare, propensio-
 nes, in frænq non tenere, & ad ob-
 sequendum rationi, & gratiæ non
 adigere; equidem temperamentum
 indifferenter se habet tam ad bonū,
 quam ad malum, hinc ad virtutem
 non ad vitium dirigendum, soliquè,
 & unicæ nostræ perversitati adscri-
 bendum, dum illud concedimus
 malo.

3. Quod si verò sciri desidera-
 tur quò pactô unusquisquè tempe-
 ramentô suô (cujuscunquè demum
 illud generis sit) ad bonum uti, &
 ad vir-

ad virtutem qualiter illud debeat
 applicare, accommodare vè sit obli-
 gatus: aperio, quod sentio, arcanum
 pando. Et quidem: præprimis, ut
 temperamentum, seu propensio ex
 temperamento originem ducens ad
 illam virtutem inclinetur, & applicetur,
 quæ huic temperamento maxime
 consentanea, conveniens, & accommodata est: deinde, ut tempera-
 mentum ejusquæ propensio violentè
 abstrahatur ab illo vitio, in quod
 immediatè propendet, & inclinatur.
 Atque adeò melancholicus, & atrabilis
 haud studere debet, ut suæ
 melancholiæ frangat penitus vires,
 hoc nam què foret corvum lavare,
 sed, ut illam ab illo vitio abstrahat,
 in quod propendet, & ad virtutem
 applicet, quæ melancholiæ maxime
 conveniens esse censetur. Inde est,
 quòd

quòd plurimum sibi caveat oportet,
 nè minùs ordinata quapiam sæculari,
 seu mundana tristitia animò deiciatur,
 aut aliqua pusillanimitate obruatur;
 in ejusmodi siquidem vitium atrabilis
 vel maximè propendet. ast necesse,
 internæ animi recollectioni, & compunctioni
 satiùs studeat, rerumquè celestium
 meditationibus vacet, quia huic virtutis
 exercitationi melancholicum temperamen-
 tum adeò consonat, & deservit, ut
 non alteri magis.

4. Pari modo Cholericus attendere
 debet, ut retrahat, cohibeat, atquè
 se ab omni effervescentia adversùs
 proximum suum, in quam cholera
 vitiosè tendit, imò potius calore
 suo feratur zelo gloriæ divinæ
 promovendæ, divinisquè obsequijs,
 ut illa debito cum fervore, ardore

O

obeat,

obeat, & alacritate, huic namque virtuti ignis cholerae peroptime famulatur.

5. Sanguineus illas, velim, obferuet leges. quibus necesse habet omni cura, & industria evitare dissolutionem, suque in res vanas diffusionem, quâ ita complexio fertur, quin imò totum suum contentum, gaudium, & solatium in DEO, qui est lætitia ineffabilis, rebusque celestibus, quæ omnem exuperant sensum, collocet, & reponat.

6. Phlegmaticus item omninif, & conatu allaboret, ut otium, & accediam fugiat, quâ maximè impugnatur, seque patientiâ, humili de te sentire, cui apprimè phlegmaticus humor consonat, muniat, & armet.

7. Gnavi quoque, & vivacis
genij,

amque
mè fa-
m, ob-
habet
are dif-
as dif-
fertur,
entum,
O, qui
uè cæ-
nt sen-
omni
otium,
nè im-
humili
gmatis
& ar-
ivacis
nij,

genij, utatur hōc fuō geniō non quī-
dem ad vanitatem, & crepundia
mundana, aſt ad operum virtuoſo-
rum executionem. Ille verò, qui
facilis, & flexibilis eſt complexionis,
caveat nè ſe malorum ingerat ſoci-
etati, quorum principijs ad illa, quæ
vetant præcepta divina, perducatur,
ſed illorum, qui probatæ cen-
ſentur eſſe virtutis utatur familia-
ritate, eorum quæ placita arripiat,
ijsquæ obſecundet, utpote ad virtu-
tis exercitium aptis, & natis. Ani-
mo autem duriori, vellem, duritiæ
uteretur ad perfeverantiam in pro-
poſitis conſtantiem, neutiquam au-
tem ad obſtandam in malo obſti-
nationem. Idem de reliquis formarī
poſteſt diſcuſſus; equidem nullum
phlegma datur, quō ad aliquod ad-
minus virtutis exercitium uti haud

O 2 que.

queamus, dummodò illud à vitio, in quod propendet cohibeatur, frangatur.

8. Assumamus igitur Dilectissimi velut galeam omnimodam nostri ipsorum diffidentiam, utamur admodum gladij assidua, & ferventè oratione, sicque his armis prævincti animò generosò aggrediamur propensiones, quas ex nostro temperamento habemus in vitium nobis familiare, & mediante examine particulari sedulè, & constanter prosequendo, sensim, & sensim abstinemus, & subducamus nos ab actibus vitiosis, in quos, & quales præfate propendent propensiones, paulatimque, & gradatim assequamur exercitationi illius virtutis, cui respondent dictæ propensiones; fidem unicuique facio, si in hoc examine fervens, &

con.

constans fuerit, breve post tempus
propensionem suam in ordine ad vi-
tium adeò confringeret, & suæ subju-
gabit potestati, quod in futurum ad
nutum virtutis in linea sit famulam
adepturus. Quod, ut eveniat, ani-
mitus exopto. Amen.

Sermo II. pro eadem Vigilia.

Abijt in montana. Luc. i. 39.

UT primùm conceptam semper
in virtutibus exurgentem, &
ad culmina gratiarum abeuntem,
montes ingentium conscendentem
meritorum fuisse Beatissimam DEI
Genitricem, qui rectè credit, nullus
hucusquè dubitavit. Nunc attamen
specialiter exurgit, montana conscen-
dit

dit charitatis proximi motivô stimu-
 lata. Charitas fecit illam exurgere.
 charitas impulit ad ambulandum.
 charitas deduxit in civitatem Juda
 ad domum Zachariæ; charitas vo-
 cem salutationis in aures Elizabeth
 expressit, & infantem in utero fecit
 exultare Joannem. Zelus divina
 gloriæ, quæ ex sanctificatione Jo-
 annis debebat provenire effecit, ut
 nulli parceret labori, imò cum festi-
 natione quasi curreret ad opus cha-
 ritatis Joanni per peccatum origi-
 nale gravato exhibendum. Succu-
 rit Joanni, affert recens pistum pa-
 nem, panem vitæ calidum, panem
 vitæ, & intellectûs. Quo pane Jo-
 anni venit vita gratiæ, ut à morte
 peccati originalis absolutus signa vi-
 tæ ederet latando, innovaret natu-
 ram propter eum, qui est innovatu-
 rus ea,

rus ea, quæ sunt super naturam. Intellectus quoque venit ei teste S. Ambrosio in c. i. Luc. *Habebat intelligendi sensum, qui exultandi habebat affectum.* Atque adeò Mater Sanctissima Verbi Patris æterni, Joanni suam non negavit charitatem, quò pactò ostendit, ut & nos illam proximo nostro non negemus Non negabimus, si vel illa altius perpendimus, quæ adducam dicendis.
A. M. D. G.

2. In persona proximi nostri Christum debemus intueri. Dicit enim ille apud suum Evangelistam Matth. 25 42. *Quamdiu fecistis uni ex fratribus meis minimis, mihi fecistis.* Is latet in hoc paupere, in hoc misero, in hoc inimico, qui tam atrox cordi inflixit vulnus; qui toties derisit, subsanavit, calumniavit, impropere-

properavit, ad iracundiam provocavit. In his non minus verè est, quamquam modò penitus diversò, quàm in Sanctissima Eucharistia: cum utrumquè verbò DEI æqualiter nitatur. Si vilitas, si miseria hujus illiusvè pauperis; si minùs culti, urbaniquè hujus, illiusvè fratris mores pariunt quandam averfitatem, Majestas Christi, quæ hos incolit, reverentiam imprimat, & charitatem inspiret, oportet. Si injustitia, & crudelitas hujus inimici excitabilem, benignitas, & mansuetudo Christi, qui in hoc inimico degit, iracundiam comprimat, animum mitiget. Nè putetis (inquit Sanctus Augustinus trac. super Psalmos) *gratis esse malos in hoc mundo, & nihil boni de illis agere DEUM.* Omnis
malus

probo
re est,
versò,
aristia;
qualiter
hujus
ulti, ur
mores
, Ma
lit, re
baria
ustitia,
excitat
etudo
degit,
imum
anctus
lmos)
& ni
Omnis
alus

malus aut idèò vivit, ut corrigatur,
aut idèò vivit, ut bonus per illum e-
xerceatur.

3. Et pergit ulterius S. Legis-
lator dicens: *Ultinā ergo qui nos modò
exercent, convertantur, & nobiscum
exerceantur: tamen quam diu ita
sunt, ut exercent non eos oderimus:
quia in eo, quod malus est quis eorum
utrum usquè in finem perseveraturus
sit, ignoramus. Et plerumquè cum
tibi videris odisse inimicum, fratrem
odisti, & nescis. Diabolus, & angeli
eius in scripturis sanctis manifestati
sunt nobis, quòd ad ignem æternum
sint destinati. Ipsorum tantum despe-
randa est correctio, contra quos habe-
mus occultam luctam, ad quam nos lu-
ctam armat Apostolus dicens: Non
est nobis colluctatio adversus carnem,
& sanguinem: id est, non adversus
homi-*

homines, quos videtis, sed adversus principes, & potestates, & rectores mundi, tenebrarum harum.

4. Revera qui proximum, qui fratrem offendit DEUM ipsum offendisse sciat, necesse. Etenim, ait apud suum Prophetam (Zachar. 2. 8.) *Qui tangit vos, tangit pupillam oculi mei.* Itaque supremæ Majestati illi neutiquam sufficit asserere ab eo, qui fratrem egit in offensam, dicere: DEO ipsi injuriam irrogavi, aut superaddit in ipsa quoque oculi læsi pupilla, hoc est, in tenerrima parte, & impatientissima doloris. Revera non mediocre vulnus est, quod oculi infligitur pupillæ; quodlibet vulnus maximum, nec levis. momenti illi affert dolorem. Ita amor ille quò Christus in suos ducitur fratres, facit, ut quodvis malum, quò tan-

gun-

guntur, non ut malum duntaxat, ast, ut maximum consideret malum, quò magis moveri videatur, quàm eò, quod sibimetipsi obtingit.

5. O si in persona proximi nostri ipse Christus quampiam gratiam à nobis postularet, si obsequium quoddam exigeret sibi exhiberi! utiquè nullus foret, qui id ei denegaret, imò se nimis honoratum, & felicem reputaret, omniumquè gratiarum maximam censeret, habere occasionē, & commoditatem gratū quid Christo præstandi! Jam autem, si obsequium quodpiam proximo nostro Christi amore præstamus tam securi sumus nos id obsequij Christo præstare, ac esse possimus, si id ipsius Christi præstemus personæ. Soli sensus nostri, qui fallere nos possunt, in hocce rerum statu hujus nos red-
derent

derent securos: fides verò, quæ imponere nobis non potest, id nobis pollicetur in occasionibus, quæ nobis quotidie suppetunt abundè, charitatem erga proximum nostrum exercendi. Fateatur igitur modò quilibet, charitatem sibi minimè deesse, nisi quia fidem non habet. Heu! cui fides deest, & charitas, quis nisi ethnicus, & reprobus est!

6. Quapropter Dilectissimi! assuescamus sequi consilium Apostoli, vel potius præceptum Servatoris, quod mandat Christum intueri in proximo nostro; tum difficile nobis non accidet ei facere bene, sed longè difficilius ei malum inferre. Quam gratiam det nobis, qui etiam pro inimicis oravit: *Pater ignosce illis. Amen.*

Sermo

Sermo III. pro eadem Vigilia.

*Exurgens Maria abiit in montana cū
festinatione. Luc. i. 39.*

1. **H**Aud dubiè instinctum habuit
Sanctissima DEI Parens, &
Verbi in se incarnati, & Spiritus San-
cti, qui in eam supervenerat, monta-
na conscendere, Elizabetham visita-
re, Joannem salutare. Huic inspira-
tioni promptissimâ obedientiâ mo-
rem gessit, nequè dignitatem mater-
nitatis Divinæ in se respiciens sub-
missa humilitate ad inferiores se pro-
gressa est. Haud valebat ferre hu-
milis Filij DEI præsentiam, humi-
lis Matris DEI, ancillæ Domini
vocem superbus hostis possessor Jo-
annis; haud quiverat ille, qui effuti-
vit:

vit: *Ascendam*, Isai. 14. 14. descensum Deiparæ ad hancce demissam visitationem, & salutationem sufferre, ast è vestigio, ut facta est vox salutationis Mariæ in auribus Matris infantis Joannis, illicò evasit, excessit, foras erupit inimicus: unde Joannes mox exultavit pondere peccati, & compedibus sathanæ liberatus Atqueadeò Maria DEI Mater, Regina cæli, Domina mundi, humiliat se ad matrem hominis, ad ancillam, servam, & subditum, nobis præbens exemplum, ut nostram superbiam humilitatis virtute vincamus, frangamus, suppressimus vel illis, quæ subsequo adducam discursu. A. M. D. G.

2 DEUM fore omnia, & nos non esse nisi purum nihil; DEUM possidere omnia, & nos nihil habere præter

prater miseriam, & paupertatem;
 DEUM posse omnia, & nos posse
 nihil excepto peccare, nosquè per-
 dere, luce meridiana clariùs patet.
 Nos nihil sumus de nobis ipsis, ast
 per humilitatem nos deprimendo e-
 levamus nos ad DEUM, unimus
 nos DEO, & inde evadimus magni.
 Fateri cogimur nihil nos possidere
 ex nobis ipsis, ast per humilitatem
 unimus nos DEO, ipsequè se nobis
 impertit & omnium bonorum nos
 participes reddit, sicquè ditescimus,
 & omnia possidemus. Nos nihil pos-
 sumus à nobis ipsis, ast humilitas,
 quâ nos elevamus ad DEUM, Di-
 vinæ potentix participes nos facit,
 ut potentes evadamus, & omnia pos-
 simus juxta illud Doctoris Gentium
 Philipp. 4. 13. effatum: *Omnia pos-*
sum in eo, qui me confortat. O nihi-
 lum

lum gloriosum! O dives paupertas!
 O felix impotentia, quam in nobis
 humilitas gignit, quæ cunctarum ne-
 cessitatum nostrarum supiet defectû,
 & cum qua omnia nobis pariter ve-
 niunt bona, & innumerabilis hone-
 stas per manus illius nobis accersit-
 tur.

3. Fateor: cum humilitate vi-
 tia, & peccata cessant esse pernicio-
 sa, aut sine humilitate virtutes, &
 bona opera evadunt periculosa, imò
 & perniciofa fieri possunt. In! vide-
 amus: Publicanus miser est, & ma-
 gnus peccator, aut humilis est adeò,
 ut oculos in cælum levare, & ad
 altare accedere reformidet, atque
 causam ob illam sanctus evadit, &
 ipsemet DEI elogiò dignatur. Pha-
 riseus virtutes suas effert ad astra,
 cuncta sua bona opera publicam
 pro-

protrahit in lucem: si prius justus fuerat, ubi superbit, peccator evadit, dumquē sibi applaudit, à DEO judice æquissimo reprobatur, damnatur. Quanta non est humilitatis potentia! E scelerato efficit sanctū. Quantum non est veneni superbiæ! Ex justo magnum in momento efficit peccatorem. Duo homines ascenderunt in templum, ut orarent: unus Phariseus, & alter publicanus. Phariseus stans, hæc apud se orabat: DEUS gratias ago tibi, quia non sum sicut ceteri hominum: raptores, iniusti, adulteri: velut etiam hic publicanus. Jeiuno bis in Sabatho, decimas do omnium, quæ possideo. Et publicanus à longè stans nolebāt nec oculos ad cælum levare: sed percutiebat pectus suum dicens: DEUS propitius esto mihi peccatori. Dico vobis de-

P

scen-

*scendit hic iustificatus in domum suā
ab illo: quia omnis, qui se humiliat
exaltabitur, & qui se exaltat humili-
abitur. Luc. 18. 10. & sequ.*

4. O si penſiculiſſimè inſpicere
vellemus! O ſi diligentius nobis in
memoriam revocaremus! Certè in-
veniremus nos magnopere DEO
obſtriſtos fore, vel ex eo, quòd ſa-
lutem noſtram ex humilitate noſtra
pendere voluerit, & non è noſtra e-
xaltatione. Et quemadmodum non
omnes aſcendere, ſequè evehere
poſſunt, ita nemo eſt, qui deſcendere,
& ſe deprimere non poſſet. Non o-
mnes grandia pro DEO præſtare,
nec grande quid ad ejus gloriam
audere valent, aſt nullus eſt, qui ſe
deprimere haud poſſit. O quàm co-
pioſus eſt numerus eorum, qui emi-
nens quodpiam orationis donum
habe.

habere haud valent! Sed nullus est, qui se in oratione demittere, & hōc pactō multū præstare non possit, quamquam in oratione nihil præstare, exhiberequē censeatur, & videatur. Nemo semper potest omnia bona, quæ vult, agere, ast proficuū sibi reddere potest statum suum, & ob eundem coram suprema illa Majestate submisit se gerendo, bonum illud, quod non agit, supplere. Non potest semper orare, semper jejuna-
re, semper plorare, continuas vigi-
lias, vel saltem frequentes ducere, ast humiliare se semper potest, & valet. O humilitatis virtus inæsti-
mabilis margarita! via brevis, facilis, secura attamen, & tuta, modico sumptu ad magnam sanctitatis, & perfectionis felicitatem perveniendi, pertingendivè.

5. Eatenus Dilectissimi! quandoquidem humilitas via brevis est, & lecura ad sanctitatem perveniendi, statuamus ab hinc eam ingredi, & petamus à DEO, cum ipsemet in ea præcesserit, ut nobis gratias, ex suo inexhausto thesauro largiatur, quibus nobis opus est ad illum sequendum. Amen.

Sermo I. pro Vigilia Assumptionis Beatissimæ Mariæ Virginis.

Porro unum est necessarium. Maria optimam partem elegit, que non auferetur ab ea. Luc. 10. 42.

1. **A**ssumptionem Virginis Sacratissimæ Mariæ in illa supernæ Jeru-

Jerusalem tabernacula, consummationem fore illius sanctitatis merito dixerim. Et verò: utique cælestis Genius illam à tempore Mysterij Annunciationis nominat, vocatque gratiâ plenam! Quanta igitur fuit plenitudo hujus gratiæ in momento mortis ipsius! Maria à primo conceptionis momento sublimior in gratia, ardentior in charitate fuit, quam Seraphini, quanta ergo fuit gratia, quanta charitas in ultimo ipsius puncto! DEUS ipse, qui tot gratijs eam cumulabat, earum optimè scit mensuram. Enimverò qualia fuere incrementa hujus gratiæ per totum ejus vitæ tractum, qui ad duos, & septuaginta, ut aliqui volunt, se extendit annos! ad quem charitatis cumulum in morte non pertigit illa, quæ gratiæ, tanta fidelitate respondit,

dit, quantâ pura alia creatura haud capax est respondendo! adeò, ut singulis momentis gratiâ non solum cresceret, sed etiam geminaretur. Charitatem hujus cœlestis Reginae dicere audeo tam perfectam in mortis articulo fuisse, ut omnium Sanctorum conjunctim supergressa sit charitatem, eamquè non tam mortuam fuisse ob naturæ defectionem, quam ob vim amoris. Justi moriuntur in amore DEI, Martyres pro amore DEI, ad Mariam pertinet mori vehementiæ amoris DEI ergo. Verè præclarum exemplum! Quò fulti, ut nos accuratiùs exerceamus in eodem, adminiculò erunt dicenda. A. M. D. G.

2. Amor non tantùm amantiù corda unire, in unum conflare; ast unum quodammodò alterum se efficere

cere consuevit: amans enim verò
 vult, ut in amatum transformetur.
Si terram amaveris (inquit D. Le-
 gislator noster Augustinus In canon.
 Joann.) *fies terra; si dilexeris celum,*
celum eris; si DEUM, audeo di-
cere, DEUS quoque fiet. Imò id-
 ipsum Domini Propheta Ose. 9 10.
 insinuavit dicens: *Facti sunt abomi-*
nabiles, sicut ea, quæ dilexerunt: tam-
 quam vellet dicere: quòd mutetur
 amans in objectum amoris. Hanc
 ob causam Aristoteli, amicus dicitur
 alter ego. Marsilius Ficinus in com-
 ment. ad Platon. dicit, amorem fo-
 re speculum amici, in quo sui ima-
 ginem, atque veram effigiem queat
 speculari: & si amor reciprocus sit,
 reciprocum quoque ejus effectum.
 Videndum igitur in quem scopum
 cordis

211
cordis nostri desideria tendant; si enim ea in DEUM ferantur, DEO jungemur, & Divinæ efficiemur participes naturæ. Quô sanè nihil dignius, nihil excellentius excogitari potest. Quantæ, quæso, nobilitatis, quantæ dignitatis est, DEO uniri? *Qui autem adheret Domino unus spiritus est.* 1. Cor. 6. 17.

3. Nequè verò unio hæc ac transformatio, est naturalis, ast supernaturalis; non enim mutatur natura unius rei in aliam, sed mutantur corda, affectus, desideria, & tota vita. Ita mater (teste Lud. Grande perfectione amoris DEI c. 1.) quæ impensè filium diligit, sui quodammodò oblita, id agit, quod noverit utile filio suo; flet cum flente, arridet ridenti, infirmo coinfirmatur, omnisquè ejus cura, & cogitatio in illo,

illo, & pro illo est: adeò quidem, ut quemadmodum umbra corporis imitatur omne id, quod facit corpus, & sequitur ejus motus, atque figuras; sic quoque si videre nobis fas daretur duo illa corda, cerneremus quale unum est, tale alterum quoque fore, accidentiaq; & motus, quæ in uno mutantur, in altero etiam mutari. Anima ergo, quæ taliter in DEUM amore fertur, transformatur in illum, ita, ut quidquid ille vult, & ipsa velit; & quidquid displicet DEO, animæ quoque displiceat: quidquid ille amat, vel odit, idem & illa amet, & oderit; nec rationem habet sui, ast solius DEI, ejusdemque gloriæ promovendæ. Atque adeò in omnibus, & per omnia, est ipsi, DEO

Velle duobus idem, nolle duobus idē.

4. Mutata porro voluntate propria in voluntatem DEI, illico mutatur & vita, singulaquè opera, quæ ab illa procedunt. Ut namquè cum refecatur ab arbore ramus, & furculus illi inferitur, fructus, qui in illo furculo nascuntur, non jam amplius sunt naturæ illius refecati rami, ast furculi inserti: ita abscissa voluntate hominis, & illâ DEI insertâ, fructus verborum, operum, & cogitationum, quæ ab illa derivantur, non sapiunt jam ultra voluntatem hominis antiquam, ast DEI recentem, novamvè. Atque adeò quisquis avet cognoscere an cor suum unitum cordi Dilecti, cujus deliciæ sunt, esse cum filiis hominum, videat an amore in ea feratur, in quâ ille fertur; oderit, quæ illi sunt adversa; & in singulis ejus consentiat voluntati. 5. Quia

5. Quia verò unio esse haud possit præterquam inter res, quæ habent quamdam adinvicem similitudinem (ut bene observat Lud. Gran. de perfect. amoris DEI c. 10) (nequè etenim aqua potest uniri igni, aut oleo, nequè ferrum cretæ, eò, quòd hæc dissimilia sint) hinc cor DEO uniendum habeat quàm-piam similitudinem illius necesse, quæ quò major erit, eò etiam perfectior conjunctio erit cum DEO.

6. Trinam autem proprietatē in DEO observat Plotinus Philosophus, quas homo habere debet, si uniri desiderat DEO. Enimverò DEUS est unus, & summus, & bonus Adequè, inquit, qui uniri vult bono, eiquè similis effici, debet abstinere ab omnibus malis; qui summo, ab omnibus inferioribus; qui

qui uni, à multis. Quô locô paucis
 verbis tres gradus tradit ad dictam
 necessarios unionem. Primus, & sum-
 mē necessarius est, abstinere ab o-
 mnibus rebus malis: hoc est, ab o-
 mnibus peccatis. Secundus, & per-
 fectior est, abstinere ab omnibus re-
 bus inferioribus, vilibus, & abjectis,
 tametsi malæ non sint: ut vacare
 negotijs sæcularibus, contractibus,
 commercijsquè &c. quamvis enim
 hæc illicita non sint, tamen exerci-
 tium horum vile, & abjectum, &
 seruo DEI indignum, nisi fortè aut
 obedientia, aut charitas aliud postu-
 lent. Tertius est perfectissimus ab-
 stinere à multitudine occupationum,
 quamvis nec malæ sint, nec viles;
 sed bonæ, dummodò sunt superfluxæ,
 hoc est, quando occupationes plu-
 res sunt, & graviores, quàm ut de-
 bili-

bilitas corporis nostri valeat ferre.

7. Eatenus Dilectissimi! Velimus DEO uniri bono! declinemus à malo. Velimus conjungi summo! quæ sursum sunt quæramus, sapiamus, non quæ super terram. Velimus adhærere unico! nolimus erga plurima turbari neq; in multis sint actus nostri, ast unum petamus, unū requiramus, uni intendamus, qui nobis intendit unicus Dilectus cordis nostri, ut illi unusquisquē nostrum cum Sponsa illa cælesti Cant. 2. 10. dicere possit: *Dilectus meus mihi, & ego illi.* Et rursus: *Ego L'cto meo* (ibid. 7. 10.) *& ad me conversio eius.* Quod, ut eveniat, cordiculus opto. Amen.



Sermo

Sermo II pro eadem Vigilia.

Maria optimam partem elegit. Luc.

10. 42.

I. **N**ullus intellectus concipere,
nulla lingua edicere valet,
quânto gaudiô perfusa sit Mater il-
la Divina primo intuitu inaccessi-
bilis claritatis divinæ, in qua velut
in speculo lucidissimo cognovit æ-
ternum Dⁿⁱ erga seipsam amorem,
æternamquè sui in Matrem Verbi
electionem. O quantum illud gau-
dium fuit, quod habuit ex dulcissi-
ma salutatione Filij sui! ex prædulci
osculo S^s. Trinitatis! ex plenitu-
dine amoris, quô, inquantûm possi-
bile est creaturæ capere, anima ejus
impleta, corquè liquefactum in tan-
tûm

tum, ut Sanctorum multitudo ex
 ejus ardore, novo quodam incandu-
 erit fervorè! ex splendore divino
 totum corpus ejus penetrante, &
 illustrante, ita, ut cælum à gloria
 ejus illustraretur, & illustretur! Glo-
 ria Mariæ respondit, respondetquè
 ipsius humilitati. Decebat, ut ea
 supra omnes creaturas eveheretur,
 quæ humillima erat inter omnes.
 Hæc æquè, ac Filius suus dici potest
 ad tam sublimem gloriam ascendisse,
 quia in tantam se demiserat pro-
 funditatem. O profunditas quantæ
 sublimitatis es fundamentum! O de-
 missio in quam sublime fastigium e-
 vehis te diligentes O despicientia
 sui, quantum mereris exaltari! Uti-
 nam possideas corda, & intelligen-
 tias nostras, ut te toto corde adame-
 mus vel hâc methodô, quam ulte-
 riori

riori adducam discursu. A.M.D.G.

2. Qui gloriæ cupiditate flagrat, solidam, veramquæ gloriam quærat est necesse. Ast ubinam veram, & solidam inveniet, nisi in despicientia sui, contemptu, & depressione! Nequæ verò majus quid inveniri potest ac gloria DEI, cum sit bonum infinitum quodammodò; bonum divinum: & quemadmodum hoc, ita majus quid, nobisquæ gloriofius haud potest excogitari, quàm eam promovere. Exemplum Servatoris nostri id nobis ostendit, humilitate, suiquæ contemptu, & despicientia haud fore medium efficacius ad illam comparandam. Et verò: Nonnè ille Patris sui gloriam tunc vel maximè manifestavit, quū fuit contemptus, & despectus, tunc duntaxat, dum cælestes illi genij

cho-

choros, melosquè duxêre: *Gloria in altissimis DEO.* Luc. 2. 14. Tunc, cum Pater æternus ostendit Filium suum, æternæ scopum fore oblectationis. *Hic est Filius meus dilectus, in quo mihi complacui.* Matth. 3. 17.

3. Nec dicat quis, velim, unquam nos sublimiores, & gloriosiores, ac tunc, dum propius accedimus ad originem gloriæ, & sublimitatis. Ergonè Christus Homo-DEUS veræ gloriæ, & sublimitatis non est origo, fons, & scaturigo? An igitur unquam sublimiores, & gloriosiores sumus, quàm ubi propius accedimus ad ipsum? Atque adeò propiores ad ipsum haud quampiam vice accedimus, quàm ubi humiles, & humilitatis gratiâ nostri despicientiam amamus.

4. Quòd si verò perfecti, uti
Q status

status nostræ Professionis, & Vocati-
 tionis id à nobis postulat, si sancti-
 tatis, & innocentiae stollâ superindui-
 exoptamus. humiles simus, oportet qu-
 & tunc sanè nostri contemptum, & ne-
 despicientiâ adeò dilexerimus, quò de-
 melius unquam. Jam verò sanctitas, ba-
 & perfectio nostra in similitudine Cl-
 cum Christo, & in cordis, animique Et
 cum ipso conformatione consistit. ei
 Hinc simul & Christiani, minùs Re- am-
 ligiosi esse valemus, & hac de re du- ge-
 biò quòpiam teneri. Nequè hanc pa-
 cum ipso conformationem possumus co-
 habere, si non amamus, si non æsti- sub
 mamus, si non magnificimus, si non
 amplectimur, quod ille amavit, æsti- no-
 mavit, magnificavit, & amplexus est. re
 nempe humiliationem, despicienti- tiu-
 am, & contemptum. Utiquè illius. tia
 totaquanta vita non fuit, præterquâ An
 perpe-

perpetuum exercitium humilitatis;
 præterquam continua series depres-
 sionis? An ergo ei similes, perfecti-
 què esse possumus, si eum hac in li-
 nea non imitamur? Etenim si nostri
 despicientia perfectionis nostræ est
 basis, & fundamentum, tunc amor
 Christi meritò est culmen ejusdem.
 Et nequè melius amorem nostrum
 ei valemus testificari, quàm si ejus
 amore, reclamante quamvis naturæ
 ingenio singulos, qui nobis obveniunt,
 patienter sufferamus contemptus,
 convitia, impropria, contumelias,
 subsanationes.

5. Fateor, quod sentio, vitam
 nostram, nihil præter pacem, redde-
 re beatam: pacem verò nullò tu-
 tius, quàm depressionum, despicien-
 tiarumvè posse conciliari amore.
 Anima enim, cui apprimè est despi-

cientia suūpius, mira semper perfruitur tranquillitate. Et nequē est aliud quidpiam, quod nostram perturbet pacē, quā aestimatio, quā alij de nobis præferunt, parva. Quod si verò nostri despicientiam amamus haudquaquam valemus commoveri, turbariquē, dum habemus, quod prosequimur amore. Revera id, quod non rarò nobis molestiam parere consuevit, est contemptus. Ast dum nobis despecti sumus, occasione haud parcimus, ut contemptorem non inveniamus, quo cum rixemur.

6. Quare Dilectissimi! petamus à Christo Domino per ipsius humilitatem, & contemptum, ut gratias nobis largiatur ad se sequendum, & imitandum, & nostri despicientiam saltem cum patientia toleran-

lerandam; si tantum animi non habemus, ut eam amemus. Attamen allaboremus quoque, ut eam super aurum, & topazion diligamus, & merebimur respici æviterne. Amen.

Sermo III. pro eadem Vigilia.

Maria optimam partem elegit. Luc.

10. 42.

i. **Q**UOD Mater DEI Beatissima Maria Virgo hodie cælum ascendit, quod ad dexteram Filij sui sit collocata, ut hominum in se susciperet patrocinium, factum fore ambiguitate caret. Verebaris (sensu est Bernardi) ad Patrem accedere: dedit tibi Filium suum mediatorem; sed forsan etiam Filij Majestas,

jestas, quia DEUS est, te terret:
 dedit Matrem suam post Filium,
 mediatricem: accede igitur confi-
 denter ad hunc gratiæ, & miseri-
 cordiæ Thronum: subinde citius au-
 dieris, dum Matrem accedis, quàm
 si illicò accedas Filium; non, quòd
 ea plus, quàm ipse potestatis habeat,
 & misericordiæ; siquidem quidquid
 illa habet, ab illo habet: ast quòd
 Filius, tametsi misericors, simul quo-
 què iustus, tametsi Servator noster
 est, tamen Judex quoquè sit. Si pri-
 mum nobis inspirat confidentiæ sen-
 sum, alterum nobis imprimit timo-
 ris. Ast in Maria nihil est, nisi mise-
 ricordia, nihil, nisi tenerrimus amor.
 Itaque quantumcunquè miseri, &
 peccatores sumus, accedamus ad
 Mariam non tantum sinè timore,
 sed etiam cum confidentia certum
 habe-

habentes nos intercessione ejus fore felices, uti patebit ex dicendis.

A. M. D. G.

2. Efficacissima ac magni valoris, cælestis, & purissimæ Virginis Mariæ, pro parte miserorum peccatorum, coram divino conspectu intercessio, omni dubio caret, si vel exemplum, quod nobis Romanorū subministrant fasti, accuratius expendatur. Et vero: cū enim Romulus Romanæ Urbis fundator, Urbem illam inclytam, & opulentissimam sinè sodalitate mulierum cæpisset ædificare, decrevit populis finitimis Sabinis duntaxat, convivium fraudulentum celebrando præparare. Cūquē singuli mediæ accumberent mensæ: Hem! Romani vim, & violentiam attentantes, virgines Sabinorum aggressi, Romam introeuntes

cum

ipsis matrimonium contraxerunt, ex illisque filios susceperunt. Quâ injuriâ Sabini perculsi, & laceffiti, dies post paucos manu armata contra Romanos assûrexerunt, qui singuli ad invicem crudelissimum, & sanguinolentum prælium inierunt.

3. Cùm igitur tantus conflictus attentatus fuisset, & mulieres Sabinæ ex muris Civitatis contemplatæ fuissent lat magnam occisorû fragem, accipientes, portantesvè in ulnis parvulos suos ipsa Urbe exierunt, ac in medio utriusquè exercitus collocatæ facies ad Sabinos vertentes eis dicebat: O Sabini! cesset obsecramus prælium hoc cruentum. Enimverò si Romanos interficitis, profectò generos vestros, & filiarû vestrarum viros, & parentes interficitis nepotum vestrorum. Rursum
ad Ro-

ad Romanos orationem suam convertentes, ipsos hunc in modum alloquebantur : Extinguatur, obsecramus, O Romani, incendium iræ vestræ; si enimvero interficitis Sabinos, avos filiorum vestrorum, & parentes interemitis uxorum vestrarum.

4. Dictæ tantam efficaciam habuêræ rationes, ut projectis armis parte ab utraqûe, sese adinvicẽ amplexati sunt sibi paulò contravenientes. Quô fædere inito, ex populis Sabinorum, & Romanorum factus est populus unus, hoc duntaxat discrimine interveniente, quòd uterquẽ eorum signa, & stemmata observare volebat.

5. Stemma Romanorum erant quædam aquilæ in campo ceruleo: Stemma verò Sabinorum erant quatuor

tuor illæ literæ: S. P. Q. R. Quidā autem ex Romanis prudens, ac disertissimus vir, de hac re in Senatu verba faciens dixit: Ne propter hoc ulla habeatur dissensio, aut differentia: nam si Sabini per illas quatuor literas rem unam significare volunt, Romani aliam per easdem quatuor literas longè diversam significabunt. Sabini per illas quatuor literas stemma quoddam magnum, ac superbum significare volunt: duntaxat, Sabinis populis quis resistet? Romani verò per easdemmet respondebunt: Senatus, populusquè Romanus.

6. Hæc singula divino successui DEUM inter & homines possumus applicare. Enimverò bella erant perpetua creatorem inter, & creaturas: homines namquè DEUM adversus suum vitij, ac sceleribus præliabantur

bantur; ast DEUS ipse de hominibus
vindiſtam ſumebat illos ſæverè, ac
cum maximo puniens rigore. Vi-
dens autem hoc Sacratiffima Virgo
Maria, ſeſe inter Patrem æternum,
& homines cum puerò JESU in ul-
nis poſuit geſtatò dicens: Placetur;
òſecro, & mitigetur æterne DEUS
ira tua: etenim ſi homines interficis,
parentes meos quidem, ſed & uni-
geniti tui Filij, interficis tempo-
rales. Et vos, o peccatores! nè ultra
progrediamini cum ſuperbia veſtra;
arma projicite culparum veſtrarum,
nec ampliùs bellum DEO veſtro,
& Sponſo inferatis Hæ rationes hu-
jus cæleſtis Regina tantam effica-
ciam habent, ut omnia placent, &
ad pacem, atquè concordiam redi-
gant cuncta:

7. Quòd ſi DEUS per illas
qua-

quatuor literas vult significare: Sanctus, potens, qui regnat: nos per eas literas dicemus (siquidem tu, o Domine! habes officium Salvatoris) Salva populum tuum (per Mariam) quem redemisti. Atque adeò id, quod DEUS per illas literas significat, nos invitat ad hoc, ut ipsum diligamus, & reverentiali timore vereamur, atque ei maxima promptitudine obediamus. Quod autem nos per illas significamus, DEUM (si ita dici potest) obligat, ut nobis remedium adhibeat, favorem præstet, atque incunctis necessitatibus auxilietur per Mariam.

8. En modo! *quisquis te intelligis* (verba sunt Bernardi hom. 2. super Missus est) *in huius sæculi profluvio magis inter procellas, & tempestates fluctuare, quam per terram ambula-*

bulare: nè avertas oculos à fulgore huius, si non vis obrui procellis. Si insurgant venti tentationum, si incurras scopulos tribulationum, respice stellam, voca Mariam. Si iactaris superbiæ undis, si detractiōis, si æmulationis, respice stellam, voca Mariam. Si iracundia, aut avaritia, aut carnis illecebra naviculam concusserit mentis, respice ad Mariam. Si criminum immanitate turbatus, conscientie scditate confusus, iudicii horrore perterritus, barathrō incipias absorberi iustitiæ; desperationis abyssō, cogita Mariam. In periculis, in angustiis, in rebus dubiis Mariam cogita, Mariam invoca. Non recedat ab ore, non recedat à corde, & ut impetres eius orationis suffragium, non deferas conversationis exemplum.

O ergo!

O ergo! Sancta Maria succurre miseris, juva pusillanimes, refove debiles, ora pro populo, interveni pro Clero, intercede pro tuis clientibus, sentiant tuum juvamen, qui tuam celebrant solemnissimam Assumptionem: Amen.

Sermo I. pro Vigilia Nativitatis Beatissimæ Mariæ Virginis.

Liber generationis JESU Christi.
Matth. I. 1.

I. **N**on origo quidē Mariæ (hanc enim ipsi quoquē Evangelistæ silentiō prætereunt) sed nostra renascentia in Natalitio Mariæ nobis pensanda venit magna cum animi lætitia, gaudio, & hilaritate. Et verò: pro-

rò: prodit in mundum è costa viri
 formata Eva, & mox ad primam il-
 lius comparitionem prope fit regnū
 Asmodæi, ad Mariæ primam conce-
 ptionem, primumquè ingressum, &
 ortum in mundum, prope fit, imò
 adest regnum DEI. Propter Evam
 peccatum, propter Mariam gratia
 regnavit in genere humano. Per E-
 vam væ mundo à scandalis, per Ma-
 riam Ave mundo à gratijs. Illa væ
 attulit homini, hæc ab homine abstu-
 lit væ. Eva luctus mundi, Maria
 gaudium universi. Eva mater mortis,
 perditrix gratiæ, perditionis incen-
 trix; Maria genitrix vitæ, inventrix
 gratiæ, salutis reparatrix. Atque adeò
 nascente hac Sacratissima Sobole
 cælesti Virgine Maria, omnes cum
 illa nati sumus DEO, & cælo. Pa-
 tebit hoc vel ex illis, quæ ulteriori
 addu-

adducam discursu. A. M. D. G.

2. Quamvis iniquitas nata sit ex matre Eva, non habuit tamen patrem Adamum, sed potius principem laci inferioris asmodæum: hinc qui volebat hanc prolem superare, & devincere, necesse fuit ipsius patris prius confringere phalanges. Non habuit attamen mundus per tanta millia annorum hominem talem, qui pectus tam crudeli opposuisset tyranno, eumquè vicisset. *Omnes enim in Adam peccaverunt.* Usquè ordinatione Divina appromittente adhuc in paradiso, quæpiã Soboles huic superbo iniquitatis parenti debuit, habuitquè conterere caput fastuosum. *Ipsa conteret caput tuum.* Hæc Soboles prædeterminata, ut in caput contereret iniquitatem. Et quod olim fuit tantum ap-
pro-

promissum, hoc ipsum effectus monstravit Annô 738. post ruinam Romanæ Urbis Olimpiadæ ejusdē tempore Consulum Romanorum Furni, & Junij Sylvani, Imperij Cæsaris Augusti, in Civitate Galilææ Nazaret, ubi hæc pretiosissima & oboles Sanctissima Maria Virgo per Angelos Parentibus Joachim, & Annæ nunciata cælitus, nata est. Hæc enim verò quia sine peccato concepta, & nata est, contrivit caput patris iniquitatis, quô ipsô nos morti traditos, renasci fecit DEO, & cælo. Quemadmodum enim fortis ante adventum in mundum Mariæ, fuerat iniquitas, nosquē omnes tradidit morti per peccatum primorum parentum, ita post illius nativitatem, hanc penitus amisit, & nos mortui cælo, iterum renati sumus cælo; ha-

R be-

bemus enim, dummodò velimus,
illud obtinendi, defactò libertatem:
atque adeò nativitas Virginis Mariæ
est nostra renascentia DEO, & cælo.

3. quæ quidem veritas quam-
vis sit seipsâ patens, cùm sit articu-
lus fidei, attamen fulcitur quoque
testimoniò SS. PP. Ex quibus pri-
mus occurrit D. Legislator noster
Augustinus, qui serm. 10. de Sanctis
ita habet: *Hæc est flos campi, de qua
ortum est lilium convallium pretiosum,
per cuius partum mutatur natura pro-
toplastorum, deletur & culpa. Mater
generis nostri pœnam intulit mundo,
Genitrix Domini nostri salutem intu-
lit mundo. Auētrix peccati Eva, au-
ētrix meriti Maria. Eva occidendo
obfuit, Maria vivificando profuit.
Illa percussit, ista sanavit. Hac sola
ratione S. Epiphanius Hereticis o-
culos*

culos pungebat, dum identidem
 afferbat: verè à Maria vitam mun-
 di genitam, ut viventem gigneret,
 & fieret viventium Mater. Hanc
 quoquè propugnat veritatem & S.
 Cyrillus hom. contra Nestorium, &
 hoc quod scripsit ipso proprio san-
 guine cum vita conjuncto iusscripsit:
*Per te Sancta DEI Mater, homo ipse
 ad cælum revocatur.*

4. Asserti partes tuentur non
 modò SS. Doctores, ast ipsa quo-
 què nomina Mariæ, & Evæ defen-
 dunt. Annunciando namquè San-
 ctissimæ Virgini Gabriël Archange-
 lus Filij DEI Incarnationem talem
 ad illam legationis cælestis orditur
 salutationem: *Ave Maria.* Quod
 verbum: *Ave* retrogradè lectum,
 significat: *Eva.* Ecce edocuit nos
 hicce SS. Trinitatis Emissarius Ma-

riam contrariam Evæ. Significabat Maria Evam; sed modô contrariô: ergo & qualitates, ac proprietates Mariæ fuisse necesse inî proprietatibus, & qualitatibus contrarias Evæ. Et quia *oppositorum, opposita ratio habenda*: sequitur: si Eva nos occidit in anima DEO, & cælo; Maria nos vivificavit, & penes Nativitatem suam, renascere nos fecit DEO, & cælo. Et hoc sæpè practicatur: *Conveniunt rebus; nomina sæpè suis*. Quæ admodum magnum malum Evæ nomen notatur. *Evæ, Ab væ*. Væ toti progeniei Adæ; perditio nostra! Maria verò significat: Dominam, libertate plenam; ab hoc omni malo, prout illi penes legationem Angelus nunciando Mysterium Incarnationis uberrimè explicavit, immunitatem: *Ave gratiâ plena*.

5. Quod si verò status gratiæ principium suum acceperit ab Authore gratiæ Christo, ergo & ab illius Sanctissima Matre Virgine Maria; etenim *quod est causa causæ, est quoquè causa causati*. Si autem status gratiæ cæpit cum Maria, nullus dubito gratiam nobis natam cum illa. Si gratia nata est nobis cum Maria; ergo cum Maria nati sumus DEO, & cælo.

O salve itaquè nobis serenissima proles! gaudemus vehementer de tua Nativitate rogantes, ut quæadmodum te mediante nati sumus DEO, & cælo, ita te quoquè interveniente illi vivamus & temporaliter, & æviternè. Amen.



Sermo II. pro eadem Vigilia.

*Jacob autem genuit Joseph virum
Mariæ, de qua natus est JESUS,
qui vocatur Christus. Matth. i. 26.*

I. **Q**uemadmodum Patriarchæ illi
Jacob de Josephi generatio-
ne, Josepho de conjugio Mariæ, ita
nos nobis gratulari oportet in nata-
litiis ejusdem. Jacobo aggratulandū
est, quia genuit filium, qui meruit
esse Sponsus Mariæ; Josepho, quia
præ mille alijs electus est castissimi
conubij custos; nobis deniquè, quia
nobis nascitur vita. Revera vita est
Maria, quia quos amat, non patitur
perire: Vita est, quia contraria Evæ,
quæ mortem nobis in morsu pomi in-
corporavit: Vita est, quia JESUM
nobis

nobis genuit omnis vitæ authorem: Vita est, quia pluribus mortuis reditum obtinuit ad temporalis lucis usuram, & nè æternum perirent, spatium pænitiæ impetravit: JESUM nobis ex austero mitem, ex severo misericordem, ex aspero reddidit lenem. Atque adeo quàm obligatissimi Mariæ, quòd per illam JESUM habeamus misericordem, patebit vel ex illis, quæ ulteriori adducam discursu. A. M. D. G.

2. JESUM fore Nazarcum, hoc est, floridum, imò ipsum florē, peroptimè notum. Si autem quærat quis undenam suam habeat dulcedinem, & odorem suavissimum? respondeo: à virga, & radice. Audiamus Domini Prophetam de JESU, & Maria vaticinantem: *Egredietur virga de radice Jesse, & flos de radice eius*

eius ascendet. Isa. II. I. Ubi per virgam Mariam, per florem filium Mariæ intellexit. Ast cur tantam Reginam comparat? quare non potius Palmam, vel Cedrum, aut Olivam appellat. Magis hinc nostrum solatium attendit, ac spectat Virginis honorem: imò Virginis ampliat maiestatem. Nonne virga sine difficultate flectitur, & inclinatur: Palmam verò, Cedrum, & Olivam citius franges, ac flectes. Virga sic flectitur, & inclinatur, ut simul inclinet & fructum. Cui asserto pulchrè, ut assolet, alludit Cherub Marianus D. Bonaventura in spec. c. 13. dicens: *Si hunc florem habere desideras, virgam floris precibus flectas: si flos est nimis altus divinitate; virga tamen est flexibilis pietate.*

3. Tacet hinc meminisse virgæ illius,

illius, quæ de petra mel, & oleum
 elicit de saxo, uti innuit canticum
 Ductoris Iſrâelis Moyſis Deut. 32.
 13. Hacce de petra, tamquam ubere
 mellis non poſtremum quid apud
 Doctorem Gentium reperitur, vel
 rarius apud Rabbinos, quorum me-
 minit Haymo in c. 10. 1. Cor. Apo-
 ſtolus Paulus ibi v. 4. inquit: *Bibe-
 bant autem de ſpiritali, conſequentem*
eos, petra. Syrus legit: *Bibebant de*
petra, quæ cum ipsis veniebat. Hinc
 bino in loco Tertullianus de bap-
 tiſmo c. 9. & adverſus Marcionem l.
 3. c. 5. S. quoquæ Ambroſius in Pſal.
 38 & l. 5. c. 1. de Sacramentis: ſub-
 inferſt dicens: *Non immobilis petra,*
quæ Chriſtum ſequebatur. Aſt pa-
 trô quô, & cur ſequebatur? Rabbini
 reponunt, Mariam ſororem Moyſi,
 petram

petram ad pectus suum tamquam monile appensum gestasse. Placet Rabbinorum assertum.

4. Petra Christus est, quem admodum loc. cit. Apostolus inquit, ex qua profluunt aquæ cælum, & terram irrigantes; hanc autem petrâ Maria Christi Mater ad pectus suum gestavit, juxta quod habetur Cant. 1. 12. *Inter ubera mea commorabitur*, sicquè emollivit, ut nulla durities remaneret, effectaque sit oleo mollior, & dulcior melle.

5. O Pectora Religiosa! si sitim pati non vultis, si misericordiam cupitis experiri, Mariam honorate, Mariam invocate, nec DEUM petræ instar rigidum vobis fore existimate. Qualis Mater, talis Filius: uterquè oleo levior, dulcior melle. Quod ipsum quoquè sentit peculiaris Ma-

ris Mariæ cultor S. Bernardus, dū
 ferm. 10. de Nativit. Domini in hæc
 verba prorumpit: *Dulcis Dominus,*
dulcis Domina ; quia ille Dominus
meus, misericordia mea: hæc Domina
mea misericordiæ porta. Felix. terquè,
 quaterquè fortunata, & optata porta,
 quæ pandit ingressum non minus ju-
 stis, quàm peccatoribus detestan-
 tibus peccata.

6. Nequè verò ausos fuisse in-
 trare stabulum Bethlehemi tres illos
 Reges possum dicere, nisi ibi fuisset
 cum divino pusione etiam Mater.
 Et hic est sensus Lactei Doctoris,
 qui ferm. 2. de B. V. ita habet: *Ma-*
gi non sinè Maria, Matre eius, puerū
invenerunt, ausim dicere, nec inven-
turos. Quod prudenter potest ex il-
 lo devotæ animæ suspirio conjectu-
 rari, quæ Cant. 8. 1. inquit: *Quis*
mibi

*mibi det te fratrem meum sugentem
 ubera matris meæ, ut inveniam te fo-
 ris, & deosculer te, & iam me nemo
 despiciat! Foris extra tribunal, extra
 thronum, extra regiam, in brachijs,
 in sinu, ad ubera Matris, cujus lac
 magis te mansuefacit, ac dulcorat,
 quam Pauli decollati lactifluus cru-
 or in carnificis tunicam incidens il-
 lum mansuefecerit, & dulcorarit.
 Audiamus Chrysostomum apud Me-
 taphrastum dicentem: *Animam illius
 barbari supra modum dulciorem red-
 dens, fidelum effecit.**

7. Eapropter Dilectissimi non
 abeamus à Matre, quæ nobis Filiū
 tam mansuetum, tamquē lenem ef-
 fecit, ast sanctissimis pedibus ejus
 advoluti cum Mellifluo Bernardo
 serm. 2. de Adventu Domi. clame-
 mus: *Copiosa charitas tua nostrorum
 coope-*

cooperiat multitudinem peccatorum,
 & fecunditas gloriosa fecunditatem
 nobis conferat meritorum. Quod, ut
 eveniat, candido exopto corde. Am.

Sermo III. pro eadem Vigilia.

Liber generationis JESU Christi.

Matth. I. I.

I. **I**N nativitate Principum vehe-
 menter gaudere solemus; ast
 immeritò: hi etenim prouti alij, na-
 scuntur peccatores, ita æquè ac cæ-
 teri ad misérias condemnantur. Imò
 lachrymis suis, quas non minus,
 quàm alij homines fundunt, lætitiã,
 quâ eorum natalis honoratur dies,
 detestari videntur. Procul est ab hac
 infelicitate Nativitas Mariæ, cùm
 Ma-

Maria, ut sit misera, non nascatur, quia ex eo, quo nascitur, tempore, non tantum sancta, sed & omnium sanctissima est creaturarum *Gloriosa dicta sunt de te civitas DEI*. Psal. 86. Hoc est: divina Maria. *Fundamenta eius in montibus sanctis*. Id est, ut D. Gregorius explanat: *Tu gratiâ sublimiorem te invenis sub vite tue initium, quàm sublimissimi Sera- phini, quàm Sanctorum præcipui in apice sanctitatis, & glorie sue*. Hæc Virgo est ille mons, quem Propheta Domini vidit in altissimorum montium positum summitate. *Et erit mons Domus Domini in vertice montium* Isa 2. 2. Quanto hoc tibi honori est Sanctissima Virgo! sed & nobis quanta solatij causa! Merito revera Ecclesia canit: *Nativitas tua DEI genitrix Virgo gaudium annun- ciavit*

ciavit universo mundo. Id, quod patebit ex dicendis. A. M. D. G.

2. Nativitas Virginis Beatissimæ gaudium primò annuntiavit sanctis ejus Parentibus Joachimo, & Annæ, quia tanta filia nata est eis, quam nimirum didicerunt Genij cælestis nunciò futuram Messiaæ Matrem. Eatenus si Abraham in Isaci natali, si Anna in Samuélis, Zachariasq; in ortu Joannis gaudiò sunt repleti, eò quòd intellexerint fore eos coram Domino magnos, tantò magis Mariæ Parentes in ortu filiaæ tantæ! O! quomodò non lætaretur paupercula quædam mater, quæ pateret prolem, quam nòsset futuram Episcopum, vel Cardinalē, vel Regem, aut Reginam! quæ quidem ad dignitatem Matris DEI minimè valent comparari.

3. Se-

3. Secundò: Nàtalis Virginis Beatissimæ gaudiò fuit Patribus in limbo detentis, quia hâc natâ nunciatus est eis dies secutura jam jam, liberationis post tam longam noctē, juxta illud, quod habetur Isa. 9. 2. *Populus, qui ambulabat intenebris, vidit lucem magnam: habitantibus in regione umbræ mortis lux orta est eis.* O! quantò nos gaudiò perfunderemur si post longam aliquam noctem v. g. 30. aut 100. annorum alicubi moras trahente sole reverteretur ad nos lux, & aurora, quos plausus, & jubila ederemus! Ast multò longior fuit nox illorum Patrum: atque adeò nemo, velim, dubitet, quin hanc diē latissimis vocibus, & plausibus exceperint.

4. Tertio: Natalis Virginis Beatissimæ gaudium attulit Angelis
in cæ.

ginis in cælo, quia nata est eis Mater Do-
 mini illorum per quem acceperunt
 innumerabilia charismatum bona,
 illuminationem reliqua inter, perfe-
 ctionem, & beatificationem; ac per
 quem restaurandæ erant ruinæ per-
 fidorum angelorum. Nonnè exulta-
 vit in utero matris Joannes ad præ-
 sentiam, & adventum Matris Do-
 mini sui? quis dubitet exultâsse & in
 cælo Angelos ad ortum Matris Do-
 mini sui? Quod si verò lætantur Æ-
 gyptij visô altè increfcere Nilô,
 quia nôrunt hac ratione agros fæ-
 cundari, magnamquè sibi proventu-
 ram messëm? tanto potiori jure læ-
 tantur Genij cælestes luce hodierna,
 quia vident nasci Virginem, quæ pa-
 ritura erat illis Dominum suum, à
 quo maximis ipsi bonis partim affe-
 cti, partim afficiendi, & ordines eo-

S

rum

rum redintegrandi cælumquè totum
beatis replendum erat. Quòd si ve-
rò Domino apud Lucam cap. 15. 7.
attestante gaudium sit Angelis DEI
super uno peccatore pænitentiam a-
gente! quantò magis super ortu Ma-
riæ, cujus ope, & beneficio omnes
peccatores erant pænitentiam acturi,
quotquot erant acturi!

5. Quarto: Natalis Virginis
Beatissimæ gaudiò fuit ipsi DEO,
quia perfecit opus præstantissimum,
& dignum Filio suo habitaculum
extruxit. Ita enim verò lætatur arti-
fex cùm consumavit opus quodpià
præclarum & Cedrò dignum. Atquè
eatenus DEUS, cùm perfecisset sin-
gula opera initiò creationis, vidis-
setquè cuncta, quæ fecerat esse valde
bona, requievit ab omni opere, e-
gitq; diem Sabathi festum. Atta-

otum
 si ve-
 15. 7.
 IDEL
 m a-
 Ma-
 nnes
 turi,
 ginis
 EO,
 um,
 lum
 arti-
 dpiā
 quē
 fin-
 idif-
 alde
 e-
 tta-
 -

men eo tempore terreno solum Ada-
 mo servo suo pręparaverat habita-
 culum pręsentem videlicet mundū.
 Quanto magis ergo credimus læta-
 tum cūm pręparaverit Filio suo ha-
 bitaculum animatum, Virginem dun-
 taxat Mariam: Spiritus item San-
 ctus lætatus est in ortu Marię, quia
 invenit domū, & templum perpetuū
 sibi dicatum. Quemadmodum gau-
 det Dux occupato quopiam inexpu-
 gnabili castello. Cæteri mortaliū
 singuli contristant subinde Spiritum
 Sanctum, cūm vel in peccato na-
 scantur, vel in peccatis vivant.

6. Deniquē Natalis Virginis
 Beatissimę gaudium affert universo
 mundo, equidem hodie illuxit ei au-
 rora, post ignorantię, & gentilismi
 tenebras longiores adducens solem
 Justitię Christum JESUM. Eapro-

pter quemadmodum aurora agris le-
vamen, jactatis in mari tranquillita-
tem, hominibus, & animalibus omni-
bus diem amantibus gaudiô est, ita
& Nativitas Virginis Mariæ omni-
bus hominibus, iustis, & peccatori-
bus solatium, & fiduciam parit. Au-
diamus Salomonem Cant. 6. 9. sic
de Maria modulantem: *Quæ est ista,
quæ progreditur quasi aurora consur-
gens.* Unde Rupertus libro 6. in Cant.
*Quando nata es (inquit) ô Virgo
Beata, tunc vera nobis aurora surre-
xit, aurora prænnuncia diei sempiter-
ni; quia sicut aurora finis est præteri-
tæ noctis, & diei sequentis initium,
sic nativitas tua finis dolorum, & con-
solationis fuit initium, finis tristitiæ,
& letitiæ nobis extitit principium.*
Et quemadmodum in aurora prode-
unt aviculæ ad cantum, ita post or-

tum Mariæ cæpit ad DEI cultum
genus mortalium exhilarari.

7. Propter Dilectissimi! gaudeamus & nos luce hodierna, & nequè gaudeamus tantummodò, ast gaudij quoquè hujus amplectamur fructus Si nobis aurora illuxit, svasu Apostoli Rom. 13 13. & 14. *Abiiciamus ergo opera tenebrarum & induamur arma lucis, sicut in die honestè ambulemus, non in comessationibus, & ebrietatibus, non in cubilibus, & impuditijs, non in contentione, & æmulatione, sed superinduamus Dominum IESUM Christum, sicquè induti constanter incedamus donec vitæ nostræ felicissimus advenerit*

F I N I S.



INDEX

I N D E X

Rerum Præcipuarū quæ
in hoc Opusculo conti-
nentur. Litera F. deno-
tat Foliū: Litera N. Nu-
merum.

A.

Adami peccatum quorum causa f. 128. n. 1 hoc in nos omnes per naturalem propagationem diffunditur f. 137. n. 1.

Amicitia inter Jonatham & Davidē.
f. 29. n. 6.

Amor DEI erga homines. f. 138. n. 1.
hujus conservandi media. f. 230.
n. 2. & sequ. hominis erga
DEUM. f. 197. n. 2. & sequ. re-
quirit observantiam mandato-
rum DEI. f. 202 n. 8. & 9.

Antiquitatis convivium. f. 98. n. 6.

Arca

Arca dum introducta fuit Jerofoly-
mam, qualis folemnitas? f. 76.
n. 1.

Artis opera in eodem ftatu non per-
manent femper. f. 131. n. 2.

Asveri convivium. f. 98. n. 5.

C.

Charitas erga proximum. f. 215. n. 2.
& fequ.

Chriftus eft exvinculator noster. f.
3 n. 2. Fidejuffor. f. 6. n. 3. Me-
dicus. f. 9. n. 4. Alitor, & Pa-
ter familias f. 12. n. 5. Servator.
f. 15. n. 6. in præfepti jacens quæ
nos docet? f. 38. n. 7. cur pau-
per natus? f. 20. n. 2. & fequ.
humilitatis exemplum. f. 149.
n. 2. & fequ.

Cithara Davidis Dæmonem fugat.
f. 204. n. 1.

Constantia in bono, fyadetur à Ber-
nar-

nardo. f. 44. n. 4.
Convivium Asveri Regis. f. 98. n. 5.

D.

Despicientia sui amanda. f. 240. n.
2. & sequ.

DEUS per Filium suum misertus est
nostri. f. 4. n. 2.

Doctor quidam in Sacra Theologia
asserens Virginem Beatissimam
culpæ originali subjacuisse, mor-
te repentina punitur. f. 134. n. 4.

E.

Eucharistia Cæna magna. f. 78. n. 2.
in hac velat se Christus Domi-
nus speciebus panis. f. eod. n. 3.
pulcherrimus in hac. f. 80. n. 4.
cur post Cænam instituta? f. 89.
n. 1. cur Cæna magnâ. f. 91. n.
1. ad sanitatem animæ subtilissi-
mus cibus. f. 93. n. 2. confert
vitam

vitam æternam. f. & n eod. ac
sequ. accendit in DEUM cha-
ritatem. f. 97. n. 4. in hac à
Christo sanctissimum convivium
præparatum. f. 98. n. 5. ad hanc
non accedat peccator, nisi pæ-
nitentiâ præmissâ. f. 107. n. 2.
& sequ.

Evæ colloquium cum serpente dispar
colloquio Mariæ cum Angelo.
f. 186. n. 1. hæc contraria Ma-
riæ. f. 187. n. 1.

F.

Filij DEI amor erga homines. f. 29.
n. 6.

G.

Gaudium Mariæ in introitu ad Cæ-
lum. f. 238 n. 1.

Generatio Christi f. 195. n. 1.

Gloria Mariæ respondet ejus humi-
litati. f. 239. n. 1.

Grati-

Gratitudinis exemplum David. f. 52.
n. 1.

H.

Hadriani Imperatoris liberalitas. f. 8.
n. 3.

Hebræorum servitus dura extitit. f. 3.
n. 2.

Humilitas Mariæ super alias creatu-
ras gloriam promeruit in cælo.
f. 239. n. 1. amplectenda. f. 180.
n. 5. f. 223. n. 2. & sequ. f. 149.
n. 2. & sequ. hujus exemplum
Beatissima f. 147. n. 1. Christus
Dominus. f. 149. n. 2. & sequ.

I.

Impatientia nostra. f. 37. n. 6.

Incarnatio Christi. f. 195. n. 1.

Inspirationes Divinæ sequendæ. f.
221. n. 1.

L.

Lex professa custodienda. f. 167. n.
2. f. 173. n. 7. Li.

Liber qualis exponitur ab Evangelista f. 117. n. 1.

M.

Magi singuli singula obtulerunt munera. f. 41 n. 1.

Mariæ colloquium cum Angelo dispar colloquio Evæ cum serpente. f. 186. n. 1. hæc confregit caput diaboli. f. 256. n. 2. hanc natâ, nati sumus DEO, & cælo. f. 257. n. 2. & sequ. hæc vita nostra. f. 262. n. 1. per hanc JESUM habemus misericordem. f. 263 n. 1 & sequ. hæc contraria Evæ. f. 187. n. 1. hujus gaudiû in introitu ad cælum. f. 238. n. 1. ejus gloria respondet humilitati illius. f. 239. n. 1. illius humilitas f. 47. n. 1 præmiatur. f. 175 n. 1. hanc inter, & Evâ discrimen. f. 254. n. 1. hæc in
virtu-

virtutibus exurgens. f. 206. n. 1.
hæc Mediatrix nostra. f. 245. n.
1. & sequ. hujus natalis verum
gaudiū parit f. 269. n. 1. hujus
paupertas. f. 157. n. 1. huic pec-
catum actuale, etiam veniale
imputare, foret scelus impiissi-
mum. f. 120. n. 2. huic potuit
DEUS conferre privilegium,
quod æquivaluisset justitiæ ori-
ginali. f. 121. n. 3. hæc ab origi-
nali peccato præservata. f. 120.
n. 1. & sequ. non subjacuerat
peccato Adami. f. 130. n. 1. &
sequ. f. 138. n. 1. sinè peccato o-
riginali concepta. f. 139. n. 2. &
sequ. hujus natalis gaudium an-
nunciavit ejus Parentibus. f.
271. n. 2. Patribus in limbo. f.
272. n. 3. Angelis. f. eod. n. 4.
DEO. f. 274. n. 5. universo
mundo. f. 275. n. 6.

Me-

Medici diversô modô curant suos
patientes. f. 142. n. 5.

Methodus bene regendi, & ordi-
nandi propensiones naturales.
f. 206. n. 2. & sequ.

Minima curanda. f. 67. n. 2. & sequ.
observanda. f. 168. n. 3. & sequ.

Modestia custodienda. f. 182. n. 6.

Mundus contemnendus. f. 26. n. 5.

N.

Nativitas Christi lætitiā parit. f. 1.
n. 1. quos fontes lætitiæ aperit?
f. 3. n. 2. & sequ. Mariæ verum
nobis gaudium parit. f. 269 n.
1. gaudium annuntiavit ejus
Parentibus. f. 271. n. 2. Patribus
in limbo. f. 272. n. 3. Angelis.
f. eod. n. 4. DEO. f. 274. n. 5.
universo mundo. f. 275. n. 6.

O.

Obedientia tenenda. f. 178. n. 4.

Obe-

Obedientis veri gradus. f. 178. n. 4.

P.

Pauperes à DEO curantur. f. 20. n. 2.

Paupertatem odiô habent homines
mundani. f. 23. n. 3.

Paupertatis Religiosæ origo. f. 159.
n. 2. hæc non infructuosa. f. 161.
n. 3. & sequ.

Perseverantia quid? f. 44. n. 3. sva-
detur. f. 45. n. 5. & sequ.

Principum natalis immeritum gau-
dium parit. f. 269. n. 1.

R.

Religioso quæ DEUS contulit? f. 55.
n. 4. f. 57. n. 5. omnibus virtu-
tibus debet esse ornatus. f. 177.
n. 3. & sequ. hi conformem vo-
cationi vitam agant. f. 63. n. 1.
publicum fugiant. f. 188. n. 2.
& sequ.

Reno-

Renovatio votorum, cur intra O
ctavam Epiphaniæ à nobis fit?
f. 42. n. 2.

S.

Scoti oratio Virgini Beatissimæ pla-
cens. f. 135 n. 5.

Servitiū DEI gustuolum. f. 147. n. 1.

V.

Verbum DEI caro factum est. f. 31.

n. 1. cur abbreviatum. f. 33. n. 2.

hoc Infans JESUS quomodo
nobis loquitur? f. 34. n. 4 & sequ.


Virtus sectanda f. 26. n. 5. hæ custo-
diendæ. f. 166. n. 1. sine humili-
tate periculosa. f. 224. n. 3.

Visio Daniëlis. f. 18. n. 1.

Voluntas bona adhibenda in obser-
vantia Regulari. f. 184. n. 8.







Biblioteka Jagiellońska



stdr0024985

TRIENNII
MENSURA
SEU
SERMONE